



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

### Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

### About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

615. TT  
178  
IO. BAPTISTA


MONTANI MEDICI R

VERONENSIS,

EXPLICATIO EORVM, QVAE  
PERTINENT, TVM AD QUALI-  
*tates simplicium medicamentorum,*  
*tum ad eorundem com-*  
*positionem.*



NVLLA SINE LABORE



EST VIRTVS.

VENETIIS APVD BALTHASSAREM  
CONSTANTINVM AD SIGNVM  
DIVI GEORGII. M D LV.

# ILLVSTRISSIMO

PRINCIPI D. D. IOANNI CO-

MITIATHARNOVV CASTEL

lano Cracouiensf, & copiarum

Regni Poloniae summo

Imperatori.

VINCENTIVS CASALIS

BRIXIANVS S. P. D.



AGNVMOpus de sim-  
plicibus medicamentis,  
& de componendorum  
medicamentorum arti-  
ficio, & compositorum  
usu olim scribere agref-  
sus fuit Montanus phy-  
sicus absolutissimus, qđ  
st à ipso perfici potuis-  
set, uix credibile est,

quantum utilitatis inde cepissent, qui arti medicæ ope-  
ram nauant: id enim utile futurum sperassem tum illis,  
qui medicinam faciunt, in qua sæpissimæ noua medica-  
menta parare necesse est, tum etiam ad ea intelligenda  
non parum conduxisset, quæ à Dioscoride uiro multæ

rum rerum perito, & experienti in materia medicina  
li, & à Nicandro, atque Theophrasto Philosopho ele-  
gantissimo de cognitione plantarum, atq; etiam ad per-  
cipienda, quæ à Galeno medico de facultatibus simpli-  
cium medicamentorum, & de componendorum medica-  
mentorum ratione tradita fuere: ea enim omnia ad hanc  
partem medicinæ, quæ φαρμακία à græcis appella-  
tur attinentia à priscis illis authoribus ita fuerunt tra-  
ctata, ut uix à doctissimis etiam uiris, insigniter uersatis  
in hac arte cognoscantur: Si ergo eos, qui in hac medi-  
cinæ parte aliquid adiumenti hominibus asferre studie-  
runt, & suspiciendos, & colendos esse ducimus, Monta-  
num certe plurimum omnes studiosi bonarum artium  
& admirabuntur, & colent, eò quod decreta ista propo-  
suerit, & ueluti quosdam commentarios inchoauerit, at-  
que ita inchoauerit, ut si perficere licuisset (non enim li-  
cuit illi acerba morte præcepto) profecto quod ad hanc  
medicæ facultatis partem spectat, nihil posset à quo  
quàm desiderari: iam uero quæ ad artem destillandi, at-  
que succos ex medicamentis exprimendi pertinent opus  
medicis apprime utile, & necessarium eorum omnium  
maximam fecimus iacturam. Cæterum quis ab ipso ac-  
de re inchoata fuerunt, & calamo à me excepta dogma-  
ta, omnia apud me retinui tantisper dum forte nactus  
sum Aloysium Anguillarium uirum in materia medica  
nō mediocriter uersatum, cuius ope factum est, ut ratio-  
nē quandā sim affecutus non uulgarem applicandi hæc  
uniuersalia præcepta ad ea quæ particulatim ab auto-  
ribus conscripta sunt: is enim omnem operam dedit, ut  
omni

omni studio & opera ac diligentiam adiuuaret: in qua  
re quantum profecerim aliorum sit iudicium: id certo  
scio nec mihi uoluntatem defuisse, neque Aloysio periti-  
tiam: Itaque ubi hoc meum consilium, & uiam promo-  
uendi studia medicinae plurimis familiaribus tum Ger-  
manis, tum Polonis exposuissem, id præter meam opinio-  
nem contigit, quod ceperunt mihi non modo suadere,  
uerum potius urgere, ut in publicum ederem hæc decre-  
ta per pauca Montani: Eam uero rationem afferebant,  
quod qui de medicamentis doctrinam profitentur nul-  
lam methodum, & nullam artem excogitarunt, sed hi-  
storias, & fabulas aniles narrant non intelligentes de  
sententia Galeni omnem artem docendam esse ordine  
quodam ex collectione præceptionum multarum ad u-  
num finem tendentium: hæc enim uera est docendi me-  
thodus, qua prisca & medici & philosophi uti consueue-  
runt: Qui enim ab hac uia declinarunt, hi sibi memo-  
riam potius quandam, et historiam compararunt, quam  
scientiam: sæpe enim in rebus ualde apertis cæcutiunt,  
ut pote qui in medicamentorum examine plerunque  
pro petroselino oreoselinum accipiant, pro iridis una  
spetie alteram, & pro scammonio conuoluulum uulga-  
tum: Quantum uero errent in medicamentis iudican-  
dis, uerbicausa, cur rutam aliqui scribant coitum minue-  
re, aliqui uero augere affirment, lactucam & ciere, &  
sistere magis menses, non est, cur suscipiam longiorem  
disputationem: mitto pondera, & mensuras, & propor-  
tiones, ueluti qualia cum qualibus, quanta cum quantis,  
& qua ratione commisceri oporteat: Quapropter il-  
lis

lis deesse non potui, nec debui: Cur obsecro negare pos-  
sum iis, quibus cum uixi familiarissimè & mutuis offi-  
tiis amicitiae, et communibus studiis sum deuinctus: prae-  
terea nihil mihi prodesse potuissent, quae semper in tene-  
bris iacuissent: Et si fortasse non esse edenda aliquis exi-  
stimet, quod ex bis nomini praeceptoris nihil penè acces-  
surum sit, ut pote qui acerrimus ingenio, & sapientia  
insigni, & facundia, ac uenustate sermonis esset prae-  
ditus, & ad summos honores à Senatu Veneto prouectus:  
Attamen si quid minus cultum occurrerit, mihi adnotan-  
ei esse tribuendum, non illi dictanti iudico: Nam si con-  
sultò ipso edidisset, nihil, quod non maxime cultum, &  
doctrinae, atque eruditionis plenum publicasset: Hæc  
causa flexit, & persuasit, ut ista pauca ex promptuario  
meo proferrem: Interim si diligentia nostra se adiutos  
senferint iuuenes studiosi medicinae, id totum tibi uir  
amplissime se debere intelligant: Nam admonitionibus  
amicorum persuasus nunquam fuisset nisi te patronum  
habuisset, quem mihi opem allaturum cōsiderem aduer-  
sus calumniatores, id quod facile præstare poteris: Præ-  
ter enim quam quod summo loco natus es, & rebus bel-  
lo, paceq; præclare gestis clarus: tu etiam tibi maxi-  
mam prudentiam, ac sapientiam comparasti; id quod  
plurimi quidem testantur: Sed in primis Valentinus Lu-  
blinus medicus doctissimus, quicum uixi familiarissimè,  
& Sanislaus Rosarius uir tum uirtute, tum singulari  
eruditione præstans: Cæterum ne longius me prouehat  
oratio, peto abs te pro incredibili tua erga omnes, qui  
has literas profitentur uoluntate ne grauere meos, qua  
le

lescunque sunt, laborum fructus uirtutum tuarum splendore defendere, ne ii maleuolorum, & pestilentium hominum ueneno infecti aliquando corrumpantur:

Vale. Patauii Kal. Aulii. M. D. LIII.

# DE SIMPLICIUM

MEDICAMENTORVM

QUALITATIBVS

COMMENTARIVS.

A VINCENTIO CASALI BRI.

xiano exceptus ex Ioannis Baptistæ Montani  
Physici Veronensis decretis.



R A C T A T V R I

hoc loco de simplicibus  
medicamentis oportet, ut  
primum omnium suppo-  
namus, sicut in tertio li-  
bro de tēperamentis pro-  
batū est multa talia, aut  
talìa dici non aētu, sed po-  
tentia: Secundo suppona-

tur catenus dici aliquid medicamentum, quatenus uin-  
cit humanum corpus aliquo modo uictoriæ: nam cum  
planè uincitur, tunc desinit esse medicamentū: Et enim  
si eius substantia immutatur, iam non tantum desinit  
esse medicamentum: sed etiam alimentum efficitur: Po-  
namus tertio, quamcunque uim, quæ in medicamento  
reperitur, ut purgandi, discutiendi, abstergerendi, prouo-  
candi urinam, & cæteræ, eam à qualitatibus primis  
procedere, caliditate, frigiditate, humiditate, siccitate,

A que



## COMMENTARIUS DE

*quæ omnia satis ostensa sunt in libro superius citato : Ponendum quoque medicamentum parum admodum cognosci posse , cuius sit facultatis offerendo ipsum uisui , uel tactui , uel auditui : Nec etiam tumultum odore depræhendi potest , nisi quatenus ex eo aliquam saporum naturam nonnunquam perpendimus : Quantum enim ad uisum attinet multa exempli gratia , inueniuntur candida tum calida , tum frigida : nam nix frigidissima est , calx uero calidissima , cum utraque candidissima sit : Multa præterea inuenies tum aspera , tum lenia , dura , & mollia , quæ diuersarum omnino rationum , & oppositarum qualitatuum sunt : idem de auditu dicendum ; Parum enim refert sonora ne , an insonora sint , ut uires eorum indagentur : nec plura habemus ex odore : nam ex foetidis & bene odoratis plura inuenies indifferenter diuersarum admodum naturarum : Cōcludimus igitur posse nos quidem ex his sensibus aliquam interdum coniecturam habere , quæ non nihil ad artem facit : Eam tamen esse inconstantem , neque perpetuam : Solo igitur gustui id confidere oportet : ab eo enim elici possunt non tantum temperaturæ medicamentorum simplicium in calido , frigido , humido , sicco : sed reliquæ etiam omnes uirtutes ut abstergeri , discutiendi , & ceteræ huiusmodi ; Et causa huius rei est , quoniam ( ut supposuimus ) medicinæ cum non sint actuales , sed potentia , illud instrumentum aptissimum erit ad iudicandum , quod cum actum medicinas reducerit , plures , intrinsecas differentias percipiet : Sed inter reliquos sensus hoc maxime facit gustus ,*

stus, qui simul & tactiles, & gustatiles qualitates percipit: Ergo gustui maxime confidendum: nam ex ui cognoscitiua multas obseruat differentias, ex quibus elicit theoremata: Cum enim percipit gustus ab acerbosapore partes linguæ contrahi, corrugariq; & inæquales reddi sine aliquo sensu caliditatis, dicimus inde talem saporem fundari in substantia frigida, & sicca: Scimus enim ab humido rem diffundi, leniri, non contrahi, aut corrugari: sic à calido calferi: & inde de simplicibus ordimur theoremata constituere, quæ à sensu originem traxere, ratione uero expolita, perfectaq; sunt: Incipiamus ergo à saporibus, eorumq; differentias tradamus, & causas singulorum inuestigemus, multa tamen supponentes, quæ de his à Platone, Theophrasto, Alexandro, & Galeno subtilissime sunt disputata, ea tantum admittentes, quæ ad nostram rem perficiendam attinent: intendimus enim methodum tradere, qua omnia medicamentorum uires ex sapore dignoscantur, uires inquam tum primæ, tum secundæ, tum tertiæ, & quartæ quoque, ut postea patebit: Nunc de differentiis saporum agamus.

#### DE DIFFERENTIIS SIMPLICIUM saporum.

**S** Apores autem sunt septem isti: Acerbus, siue Ponticus: Austerus, siue Stipticus: Alcidus, siue Acetosus: Dulcis: Salsus, Amarus: Acris: octauus uero, qui insipidus ἀπὸι & Græce, idest, sine qualitate dicitur, πο

## COMMENTARIUS DE

tius priuatio est, quam quod ipse saporum spetiem referat : At pinguis, & uinosus, ad dulcedinem referuntur; Omnium horum methodum colligemus supponendo, quod in libello de sensu, & sensili probauit Aristoteles, siccum terreum in humido materiam esse saporum, quod quidem multipliciter uariatur secundum quod à calido igneo multipliciter excoquitur, & attenuatur: Ex hoc igitur principio, & fundamento exorsi, quod siccum terreum propria sui natura, ac per se constipat, ad centrum trahit, corrugat, ac motum sistit : calidum uero igneum dilatat, ad circumferentiam trahit, & motum facit, facile ita poterimus causas saporum uenari, et eorundem speties; Cum enim aliquid gustui offertur, uel illud percipietur constipare, inæqualitatemq; reddere magnam: si id ualidisime fecerit ita, ut humorem linguae exhaurire uideatur, appellabitur hic sapor acerbus, uel ponticus indicabitq; in hoc medicamēto substantiam terrestrem plurimam inesse, quæ parum admodum à calore excocta fuerit : Ideo frigidum, & siccum merito erit: Quod si moderate constipet, & exasperet, sapor iste austerus uocabitur, indicabitq; substantiam terrestrem quidem frigidam, & siccam in hoc simplici medicamento dominari, minus tamen, quam acerbus, acrius enim iam cōcoxit calor: Si uero quod gustui offertur, constipet quidem leuiter, sed penetret ad profundum linguae, & sensum mordicationis, & tanquam incisionis incutiat, sapor hic acidus appellabitur: Exemplum acerbi experiri debemus in mespilis immaturis, & pyris immaturis syluestribus, & reliquis huiusmodi:

di: exemplum austeri in mirthis, & gallis maturis, in  
 rhu obsoniorum, in cortice granatorum, in sumach, &  
 cæteris: exemplum acidi in omphacio, idest, succo uuæ  
 immaturæ in prunis immaturis, in limonibus, arancijs,  
 in quibusdam granatis: Sapor acidus indicabit substan-  
 tiam terrestrem non adhuc excoctam à calore, quadam  
 tenuis tamen extenuatã, quæ plurimo humori aqueo sit  
 admixta, ideo talis quoque medicina refrigerabit, &  
 exiccabit, parcius tamen quàm utraque superiorũ, præ-  
 cipueq; imbecillior erit in exiccando: At si gustui res  
 oblata leuiter applaudat, suauiterq; linguã ueluti pal-  
 pet, & oblectet eam ad nullum excessum trahendo, dul-  
 cis sapor appellabitur, indicabitq; siccum terreum mo-  
 derate elixatum, & non adustum, cum homore interdũ  
 aqueo interdum aereo, ut postea dicemus: Ergo mode-  
 rate calfaciet, nec multũ humectabit, aut exiccabit: imo  
 quod tale erit in substantiam corporum facile uertetur,  
 alimentumq; fiet; & semper huiusmodi effectus à sapo-  
 ribus dulci continget, si simplex fuerit; Si uerò alijs sa-  
 poribus adiungatur, ut acri, acerbo, insipido, mixtos quo-  
 que effectus producet, de quibus paulo infra dicemus; Si  
 uero quod linguæ offertur plane mordicet, et tanquam  
 erodat, uideaturq; ad profundum penetrare, & quen-  
 dam sensum caloris inducere, saporis salsus uocabitur,  
 indicabitq; siccum terreum in humido aqueo à plurimo  
 calore iam esse assatum, & attenuatum: tale igitur me-  
 dicamentum calfaciendi, & exiccandi uim habebit, &  
 ad profundum penetrandi propter plurimum aquei hu-  
 moris illi admixtum: At si quod gustui offertur, quidã

pīam in lingua abrādere uideatur, & liquefacere, amarus iste sapor appellabitur, indicabitq; longe maiorem affationem, attenuationemq; sicci terreī à copia caloris factam, quā in salso contigerit: propterea et maiorem calfaciendi, exiccandiq; uim habebit: Quod si gustui oblatum non mordicet tantum linguam, sed inflammet, ac ueluti adurat, sapor hic acris, uel acutus dicetur indicabitq; siccum terreum à calore exquisitisime attenuatum, & penē ad ignis, naturam conuersum: ideo summē calfaciet: & exiccabit, quandoque etiam per contrarium aduret, & liquefaciet: Vltimo quod nullū sensum gustui affert, nihilq; magis, q̄ aqua facit, insipidus, ἀπὸ τοῦ ὁδοῦ Græce dicitur (si tamen sapor uocari debeat, qui nullum saporem reddit) indicabitur ex hoc minimum sicci terreī cum plurima substantia humida fuisse permixtum: & si talis substantia humida fuerit aërea, talis medicina erit media inter caliditatem, frigiditatem, humiditatem, & siccitatem, sicut est granum faris, et succus cannæ triticæ, et huiusmodi: Si uero ea humiditas fuerit aquea, & non aërea, talis medicina, erit frigida, & humida, sicut sunt cucurbitæ, cucumeres, & similia: Exemplā autem, in quibus debemus exerceri erit quidem exemplum salis sal, nitrum: amari uero absinthium, aloë: acris uero, uel acuti piper, euphorbiū: reliquorum exempla superius diximus: De sapore uero pingui nihil aliud dicemus, nisi etiam esse remississimū dulcedinis gradum, indicabitq; hic sapor substantiā modice calidam, & humidam: est. n. in ea plurima substantia aërea humida cum minimo sicco terreo: Vinosum autem

autem Doctores reijciunt tāquam qui nullum nobis ceterum gradum, et genus offerat: sed admodum diuersum: Hæc sufficiant de saporibus simplicibus, corūdemq; causis, & facultatibus primis in generali, quia postea distinguentur, & ad certam methodum deducuntur: Nūc superest, ut de saporum quoque commixtione quædam dicantur, quæ plurimum facient ad exquisitam præsentis methodi disciplinam.

De saporum simplicium mixtura.

**S**I acerbus sapor, ut à primo incipiamus, acri adiungatur, illa medicina primo quidem occursum parum calfacere uidebitur, quoniam caloris uis in plurima terrestri, & crassa substantia sepulta est: ubi uero ad actum ab interno calore perfecte deducta fuerit, tunc pertinacissime calefacit ita, ut carnes, membraq; liquefaciat: & corrumpat: quod euenit, quia calor crassæ, terreæq; substantiæ adiunctus pertinacissimus, feruentissimusq; est, ut patet in candenti ferro: Sed si idem acerbus cum dulci fuerit mixtus, media erit medicina inter calfacientem, & refrigerantem, magisq; uel ad hanc, uel ad illam partem declinabit, prout magis, uel minus huius, uel illius saporis particeps erit, habebitq; ab acerbis, quod consiliet, corrumpet, & corroboret: à dulci, quod applaquet, leniat, & blande dissoluat, et ita ex contrariis qualitatibus componetur. Si uero non medicina, sed citius ijs saporibus præditus fuerit, non adeo commodus

A iij est:

## COMMENTARIUS DE

est ob dulcedinē enim cito, et auide attrahitur, ob acerbitatem uero, quam in crassa, terrestriq; substantia fundari diximus, moram contrahit tum in cōcoctione, tum in distributione, imo et qualitate adstrictoria uias, meatusq; obstruit: unde difficillimi morbi oriuntur: Erit præcipue uinum, quod tale fuerit deterrimum præsertim si crassæ quoque substantiæ fuerit: Sin acerbus amaro, uel salso iungatur, non poterit medicina multum excedere in frigidityte, aut caliditate: imo quandoque erit frigida, quandoque calida, prout acerbitas uel amaritudo, aut salsedo superauerit, nunquam tamen ut ad summum deueniat, nec secundum gradum caliditatis uel frigiditytis excedat, habebitq; hæc medicina ratione quidem acerbitatis uim corroborandi, & adstringendi, ratione amaritudinis abstergerendi, et aperienti quæ operationes cum oppositæ sint semper debemus intelligere alteram magis uel minus fieri prout magis uel minus alter saporum dominatur in medicina, quæ regula in omnibus his semper seruari debet, quæcunque de acerbocum reliquis saporibus coniuncto diximus, idem putetis dictum de austero, nisi quod acerbus in omnibus efficacior est, austerus uero debilior, prius enim ostensum est inter austum, & acerbum differentiam esse secundum magis & minus. At si acidus cum acri iungatur quoniam uterque eorum saporum fundatur in substantia tenui, acidus quidem in aqua frigida, acris uero in terrea calida, erit quod ita commixtum est abrasium, mordicatum, in intimas partes penetratum, tale est acetum, et in corpore humano bilis acida adusta, ac permixtionis

mixtionis ratione magis aut minus huiusmodi facultates erunt efficaces, prout ad alterũ uel alterum saporẽ uergetur. Si uero acidus cum dulci commisceatur dulcedinis actio magis in superficie corporum apparebit leniendo et lubricando quoniam in crassa, uiscosa in aereaq; substantia, ac terrea fundatur, acidus uero more suo ad profundum ducetur obtenuitatemq; substantiæ quæ cum refrigeret, & contrahat, necessario ex tali mixtione sequetur, ut in superficie corporũ fiat quædam lenitas et lubricatio, interius tamen adstringantur & constipentur, talis sapor in cerasis medijs saporis, moris, malis granatis, prunisq; deprehenditur quæ omnia in uentre leniendo ambiguntur, quandoq; uero adstringunt si aciditas superat, & sumentis natura ad hoc inclinet, quandoque lenit, si dulcedo excedit, fauetq;, sumentis temperatura. At acidus salso adiunctus exco-riat intemperata abstersione, nimis enim penetrat ad profundum ob multam subtilium partium admixtionem, hoc maxime apparet in muria limonum salitorum & in pituita salsa in corpore humano, idem ferè potest acidus cum amaro, nisi quòd calidior est, & in abster-gendo, exiccando, erodendoq; efficacior, exemplum habemus in succo limonum, qui cum sale fuerit admixtus, qui præterea ad scabiem præstantissimum est remedium, & in flaua bile acidæ pituitæ admixta. Si uero dulce acri commisceatur ex acrimonia quæ, in substantia tenui calida, & terrestri fundatur penetratio ad profundum habetur, ex dulci uero ablutio & lenitio, erit ergo quod tale est lenitiuum, abstersiuum, & pro-



## COMMENTARIUS DE

pter abstergendi uim est etiā mordicatiuum, habebitq; intensam satis caliditatem, exemplum erit in melle: Dulce autem salso, aut amaro adiunctum uim habebit (ut ex dictis principijs apparet) abstergendi, mordicandi, abluendi, & leniendi scilicet aluum, propterea quicunque ex his saporibus constant aluum leniunt, & purgant: ut patet in oleo dulci sali admixto, & in syrupo rosaceo solutiuo, & in syrupo de succo absinthij melle admixto, & hinc est, quod Hiera simplex cum melle sumpta magis aluum ducat, & minus corroboret stomachum, ut rectè dixit Galenus, quicquid Mesue, & huius sequaces dixerint, licet ego exponendo alias Mesuen à calumnia ipsum defenderim, sed de his alibi: At si dulcis insipido admisceatur, erit hoc mixtum lenitiuum, absterfium, postea ob abundantiam humidi aquei habet uim putrescendi, & est cito putrescibile, exemplum habemus in peponibus, melonibus, & melopeponibus: Si uero amarum cum salso inungatur, nihil efficacius inueniri potest, quod magis abstergat, exiccetq; maximeq; tum mordicabit, & erodet, nec parum calefaciet, si marina aqua nitro commisceatur: Insipidus uero amaro, aut salso commixtus obtundit utriusque efficaciam, efficitq; ut magis abluat, sed non adeo abstergat, & mordicet. Distinctis hoc modo saporibus, inuentaq; eorum substantia, qualitate, diuersaq; horum compositione, & quid ab eorum mixtione resultet, hinc uidendum qua arte ex gradibus saporum, gradus qualitatum tum primarum, tum aliarum resultent.

## De gradibus qualitatū ex sapore.

**N**AM si ex uaria impressione saporum in lingua uaria medicamentorum temperamenta indicantur, ut supra ostendimus, necesse est, ut quatenus magis, uel minus augetur huiusmodi impressio, pro eius augmenti, & decrementi ratione diuersi gradus temperaturæ augeantur: In tradenda autem methodo graduum primarum, & aliarum qualitatū supponere oportet, quod à Galeno docetur in lib. v. de Simpl. med. facult. cap. ult. intelligere nos intentiones graduū secundū q̄ magis sensibiliter, uel minus in lingua imprimuntur, quod enim nullum sensum adfert, uel leuem admodum, uel non notatu dignum immutat, æqualis temperaturæ hanc medicinā uocauit Gal. quod uero sensibiliter quidē immutat, ita tamen ut nullus labor gustandi succedat primum gradum excessus assignat, sed quod magis imprimit, ut iam laborem inuehat, in secundo gradu Gal. collocat, ubi iam incipit plane efficaciter immutare, et alterare cum insigni labore, in tertio gradu ponit, ultimo uero quod penē exterminat, & à proprio temperamento excutit, ac uehementer oppugnat, in 4. gradu, et ult. statuetur. His Gal. fundamentis ita positis dicamus quantū ad qualitates primas totum inditiū semper esse gustui tribuendū, ut disceratur aliquid calidū, frigidūne sit, humidū, an siccum, gustu inq̄ perpendimus an ita sit, sed postea etiam experimento per applicationē ad corpus humanū experiemur non semel, sed sapius, et si

quan-

quandoque inueniemus experientia ei, quam ex gustu inuenimus, & collegimus aduersari, recte considerabimus, quia tunc proculdubio in experientia delinquimus, opinando per se esse, quod fuit per accidens, ut si quis erysipelati succum lactucae admouerit, & inde maiorem aestum perceperit, quoniam calor loci magis in se ipsum recessit, meatusque cutis obstructi, ac transpiratione prohibiti sunt, propterea quoque putredo calorem adauxit, uel si quando exempli gratia acetabulum decocti endiuiae febrem ardentem patienti porrigatur atque inde magis inflammetur, quoniam in debile obiectum potentissimus calor ualenter egit, & in proprium alimentum conuertit, opinerisque in utroque exemplo euenisse per se, quod per accidens contigerit: semper igitur uera erit regula à gustu, si modo recto experimento ipsam comprobaueritis, est etiam alia fallacia, quae te facile decipiet nisi diligenter animaduuerteris, ut si assumpseris medicinam, in qua sint contrariae qualitates saporum, & ipsam iudices tanquam simplicem ex eo, quod primo tibi gustanti occurrerit, ut si centaureum minus gustaueris. atque ex amaritudine caliditatem illius ponderaueris neglecta acerbitate, quam non percipis, tunc enim planè errabis, quoniam simplex iudicabis, quod est compositum, in hoc ergo oportet te cauere, & caute ambulare, & exercere sensum tuum in simplicibus primo saporibus, deinde quoque in compositis, non multo enim tempore id facies, ac summa utilitate singulorum differentiam percipies, neque enim tanquam puer deterreri oportet, si exempli gratia absinthium gustaueris,

ueris, ob eius amaritudinem ita, ut abominatū expuas,  
nec uelis ulterius gustare, atque inde ex socordia cre-  
das absinthium tantum amarum esse, quia si uiriliter  
contempta amaritudine diutius sub palato uersaueris,  
elicies longe maiorem acerbitatem, quā fuerit amari-  
tudo, in profundo merito latentem, quoniam in crassio-  
ri substantia fundatur, & quidem frigida, quæ non fa-  
cile ad actum ducitur, ut supra ostendimus, amaritudo  
autem cum fundetur in substantia subtili calida, terrea  
quidem, sed attenuata à calore facile ad actum duci-  
tur, ideo longe prius percipitur: his igitur in iudicio  
cautius obseruatis, cum granū tritici exempli gratia,  
aut capillos ueneris, maluanq; gustaueris, quantum ad  
caliditatem, et frigiditatē attinet (nam de his solis dua-  
bus loquimur nunc, inferius uero de reliquis contrapo-  
sitis loquemur quas passiuas uocant) secundum regu-  
lam à gustu sumptam nullum excessum inuenies, nam  
ex earum gustu nihil prorsus lingua immutatur, ita ut  
contrahatur, uel stimuletur, uel asperetur, aut simile  
quid extraneum patiat, merito igitur temperata es-  
se inter frigiditatem, & caliditatem hæc & reliqua hu-  
iusmodi iudicabuntur: ad caliditatem uero accedentia  
in primo gradu sunt camemalum, flores liliorum albo-  
rum, semen lini &c. quorum singula aliquo modo lin-  
guam feriunt, sed blande ita ut potius delectent: in se-  
cundo locantur anetum, apium uiride, fœniculum, her-  
bas uirentes intelligimus, non autem semina habentes,  
hæc enim incipiunt iam manifeste linguam irritare: in  
tertio uero gradu erucā, thimum, semen fœniculi, ani-  
sum

## COMMENTARIUS DE

sum, & huiusmodi pones : in quarto euphorbium , piper longum , ac reliqua , quæ manifesta adurunt , hæc quantum ad caliditatem simplicem attinet , nullam aliã qualitatem seu primam , seu secundam considerantes . Pro frigiditate autem sciendum ex opposito frigida ad actum non duci ab humano calore , nisi prout ad minima secantur , & per motum arteriarum attrahuntur , ipsa ergo occurſu suo agunt , & proprias qualitates imprimunt : igitur quæ ita linguæ offeruntur , ut sensum quidem frigiditatis , sed leuem admodum incutiant , illa in primo gradu sunt collocanda , sicut endiuiâ hortensis , præsertim quæ hyemali tempore domita fuerit , alioquin subamareſcit , & caliditatem participat , ut ex prædictis fundamentis patet : Quæ uero ulterius refrigerant ita , ut iam linguæ calor obtundatur , in secundo gradu frigiditatis collocabuntur , sicut nymphaea cucurbita , cucumeres , semen psilij : At quæ ulterius refrigerant , ut iam sensum stupefacere planè incipiant , illa in tertio gradu frigida sunt , sicut iusquiamus , pomum mandragoræ , & semper uiuum : Quæ uero exacte stupefaciunt in quarto esse frigida dicuntur , cuiusmodi papauer nigrum , cicutha , ac reliqua frigida uenena , hæc de inditijs calidi , & frigidi à gustu sumpta sufficiant : unum hic diligenter obseruandum est , quòd amara quæ nulli alij saporis admiscerentur , cum aptissime feriant linguam , atque ad profundum penetrent , & humorem exhauriant , calidissima omnia sunt ita , ut planè ad tertium gradum accedant , ut nitrum , sed non facile medicamenta huiusmodi inuenies ,

nies, imò ferè omnia cum adstrictione admiscentur, ideo à frigiditate ædstringentium eorum calor longe magis moderatur, ut raro secundum gradum caliditatis excedant, sed plerunque infra primum consistunt, ratio autem huius est, quoniam amarum ( ut supra diximus) fit à substantia terrea, quæ calore attenuata fuerit, in huiusmodi autem attenuatione terreæ illius, & crassæ substantiæ semper maxima portio remanet, cui propter multam crassitudinem parum, aut nihil calor dominatur, hæc igitur cruda, & frigida permanens cū sua naturali acerbitate resistit calori partis attenuatæ & ita redditur illud mixtum temperatæ caliditatis, signum huius rei est quoniam si succus à rebus amaris exprimitur, sicut succus absinthij longe calidior est, ut Gal. attestatur q̄ tota substantia, quoniam pars subtilis terrea à calore dominata separatur à substantia crassa frigida per expressionem: Quantum uero ad qualitates passiuas attinet licet non nihil quoque ex gustu iudicetur siq; sit calor admixtus siccitati, proculdubio semper acutior, humido uero languidior sit ita, ut non facile inuenias, quæ cum humida sint, primum gradum caliditatis excedant, frigiditas uero tam cū humiditate quā cū siccitate usque ad ultimū gradum attingit ita, quandoque Galenus non dubitauerit affirmare succum papaueris nigri frigidū esse, & siccū in quarto gradu, ut in principio lib. de tēperaturis, nihilominus quoque, et si hæc se recte habeant, uera methodus inueniendi has qualitates passiuas potius ex modo substantiæ assumitur considerando gravitatem, leuitatem, asperitatem, leni-

tatem,

# COMMENTARIUS DE

tatem molliem, duritiem, uiscositatem, & suum oppositum, quod Græci dicunt αἰσθητικὴν crassitudinem, tenuitatem, & reliqua huiusmodi quartæ speciei qualitates quas naturales potentias, uel impotentias appellant de his igitur methodo, ac certa ratione indagare oportet ut medicamentorum uires exquisite cognoscamus: Circa quod primum supponendum est à sicco cum humiditate temperata saporem generari, & secundum diuersam proportionem uictoriamq; & defectum siccitatis dicitur uarios sapores emergere, ab humido enim quatenus humidum est insipiditas prouenit, ideo aqua quanto purior tanto insipidior est, terram autem non talem inuenies, quæ non habeat saporem certum, propter ea quantum ad hoc recte dixit Auerrois secundo de anima comment. 105. & 6. ab humiditate, & siccitate sapores fieri, licet postea non recte dicat magis ab humiditate & siccitate sapores fieri, quàm à caliditate & frigiditate, caliditas enim & frigiditas concurrunt tanquam agentia humiditas uero & siccitas tanquam patientia sed agenti debetur magis ratio causæ quàm materiæ. Hoc ita supposito tentemus prius an etiam ex saporibus methodus aliqua nobis ostendat humiditatis et siccitatis dominium in medicamentis, utque hoc rectius facere possimus omnino nos non lateat tanquam maximum totius rei fundamentum, hoc quod diximus, humiditatem insipiditatis esse causam, siccitatem uero saporum, ex hoc enim sequitur, omnia sapidissima. i. quæ sapore aliquo excellunt, & in lingua ualide imprimunt, ea omnia habere siccitatis dominum ita, ut

pro


pro impressionis uehementia accipi, ac distingui possint gradus siccitatis, ueluti etiam de caliditate, & frigiditate diximus: Quæ uero uel nullum, uel debilem admodum saporem efficiunt ea humida esse, atque hanc in animo tuo metam præfigere debes, quæ nunquam te fallat, nisi ubi medicamenta, quæ experieris, sint diuersæ substantiæ, sed tunc eam substantiæ diuersitatem, ex diuersitate saporum arguere debes ita, ut in humiditate, & siccitate deprehendenda idem facias, quod prius in caliditate, & frigiditate docuimus facere, quod ut commodius efficiatur, methodo procedendum, quam statim docebimus: Partes siccæ, & terrea, quas ad saporcs generandos humiditati necessario admisceri diximus, uel sunt crassæ, ac densæ, uel tenues, uel mediæ, si crassæ, uel eas excussit calor, & assauit, & sic si mediocriter exusserit, efficietur falsedo, si multum amaritudo: Ex falsedine igitur, & amaritudine indicabitur siccitas, et ex adustione substantiæ crassæ, quemadmodum indicabitur etiam caliditas, & secundum proportionē falsedinis, & amaritudinis, erit proportio siccitatis, q̄. n. erunt plurimum salsa, plurimam habebunt uim exiccandi, quæ amarissima potentissimam uim exiccandi, merito ergo, tam salsa, quam amara putrefactioni resistent: Vel cum crassæ huiusmodi partes fuerint, frigus in illis caloris loco dominabitur, & inde resultabit sapor acerbus, adstringens ualde, exasperans, quem sicuti frigiditate indicare diximus, si etiam longe magis siccitatem indicabit, dico magis longe siccitatem, quoniam absentia caloris concoquentis partes humidæ non sunt præparatæ



# COMMENTARIUS DE

ad temperamentum, sed potius ui frigoris expressæ exhalante calido, ac simul hauriente humidum: Ergo secundum proportionem acerbitalis limitantur siccitalis gradus ita, ut quæ acerbissima sunt siccissima esse iudices, sicut diximus de amaro, et salso: Amara enim & salsa non contrariantur acerbis ratione materiæ subiectæ, sed ratione caliditalis, & frigiditalis, & formæ: Si uero terreæ partes subtiles fuerint, uel illis dominabitur calor, & inde resultabit acrimonia, quæ quidem maior erit, aut minor, secundum uictoriam, aut defectum caloris: Acria autem sicut calidissima, sic & siccissima sunt, & cū siccitas hæc tam intensa fundetur (ut diximus) in substantia sicca subtili, habent huiusmodi medicamenta uires igni ualde propinquas, incidunt, colliquant, adurunt, putrefaciunt, eritq; semper proportio harum actionum consequens proportionem acrimoniæ: Si uero hæc terreæ substantia subtilis non dominetur à calore, sed à frigore, resultabit inde sapor acidus, ergo sicut à sapore acido arguebatur frigiditas, ita ab eodem arguitur siccitas, & quoniam hanc siccitatem in substantia tenui fundari diximus, propter ea, quæ acida sunt, uim habent penetrandi, & sua penetratione uim diuidendi substantiam, ergo, & incidendi: Ex quo apparet quantum decipiantur, qui credunt acida habere uim adstringendi, cum adstringentia, & acerbata ab acidis differant substantia, non qualitatibus, ut ostensum est, nisi fortasse dicant ea adstringere ratione frigiditalis, sed non aduertunt huiusmodi frigiditatem facile uinci à calore naturali, cum sit in substantia tenui, et alioqui non sit

fit multum alienata, quoniam quæ acida sunt potius ratione cuiusdam putredinis ad talem saporem perueniunt, ab ea enim substantia terrea subtili aquositate mixta calor innatus expirauit, ideo non ab re dixit Galenus in lib. iij. de causis symptomatum, acidus humores in stomacho putredinem generare, ergo non multum frigida sunt, qualia ferè omnia, quæ ob putredinem frigerunt: Ex dictis elicitur saporem acrem, & acidum non diuersificari substantia. sed qualitatibus, propterea uterque incidit, colliquat, præsertimq; hoc potest acetum, quoniam habet acrimoniam iunctam cum aciditate, succus autem limonum tantæ aciditatis est, et in tenuissima substantia fundatur, ut acetum etiam incidendo, & colliquando superet, & clarum est hoc experientia, cuius facultates neque à Galeno, neque ab antiquis deprehensas esse uideo, neque enim omnia experiri potuerunt: Si uero substantia terrea sicca media fuerit inter subtilitatem, & crassitiam, uel illi calor dominabitur, & inde resultabunt dulcedinis omnes species secundum diuersos gradus caloris, ergo iuxta caloris iudicium, quod à sapore sumetur, idem omnino iudicium de siccitate sequetur: Si enim remissa erit dulcedo, remittetur etiam calor, & siccitas, propterea omnia pingua, & oleaginosa, nisi aliquis alius sapor admixtus fuerit, uel ratione putredinis, ut in adipe rancido, uel ratione naturæ, ut in adipe hircino, leonino acrimoniam habente, omnia temperata sunt, tum in caliditate, tum in siccitate: Quæ uero dulciora calidiora etiam, & sicciora, secundum proportionem dulcedinis ita, ut quæ



## COMMENTARIUS DE

*dulcissima admodum sunt, etiam exiccent. imo propter caliditatem, quæ impressa est in substantia illa media, ac quisuerunt etiam aliquid acrimoniæ, ut patet in melle: Si uero substantia terrea, quam diximus esse mediam, non dominetur à calore, sed à frigore, sapor inde emerget austerus, qui sicut indicat frigiditatem, ita etiam indicabit siccitatem, in austeris tamē magis dominatur frigiditas, quam siccitas, quoniam austera substantiam habent terream, sicut diximus, moderatam inter crassitudinem, & tenuitatem, minime coctioni rebellem, neque enim est purè terrea crassa, neque subtilis ignea, austeritatem igitur nata sunt, nō ratione materiæ subiectæ, sed ratione multæ frigiditatis, & cruditatis, propterea merito dicuntur frigidiora, quàm sicciora, hinc est, quòd sæpe plurima medicamenta austeri saporis, habent etiam substantiam aqueam adnexam, ac eadem ratione euenit, ut plerique fructuum, primo austeri sint saporis, deinde proxime dulcescant, si tantum substantia à calore dominetur, et cōcoquatur, ab austeritate enim ad dulcedinem fit transitus per nullum medium, quoniā scilicet dulce ab austero non differt substantia, sed qualitate: At ea, quæ insipida sunt, proculdubio ostendunt minimam habere siccæ substantiæ portionem, si. n. uerū est quod supposuimus sapores fieri ex admixtione siccicū humido, ergo si plurimum aquæ, minimum terræ habuerint insipida, relinquetur, illa omnia habere uim humectandi: Et ita à saporibus, non minus qualitatum passiuarum uires, quàm actiuarum hac methodo eliciuntur, & non tantum qualitates, sed etiam gradus, sem-*

*semper metiendo uim impressiōis cum intentione gradus: Hæc semper uerificabuntur, si simplices substantias consideraueris, sæpe tamen contingit diuersas substantias in eodem medicamento naturaliter commisceri ita, ut simul tenuis cum crassa, aquea cum sicca iungatur, sed id medicamentum si rectè, & diligenter aduertat, sicut diuersas facultates, ita diuersos quoque, & refractos habebit saporē: Vbi non parum confert ad exactam notitiā modos quoque substantia considerare in mollitie, duritie, crassitudine, tenuitate, friabilitate, ac lentore, reliquisq; huiusmodi, ac saporibus sapienter conferre, & ita in omnibus, uel ueritatem assequeris, uel præ cæteris ad eam proxime accedes: In huiusmodi uero naturalibus potentiis, si fateri uerum uelimus, nulla regula admodum tuta est, aut perpetua, nam inuenies omnia quidē, quæ siccæ substantiæ sunt, uim quoque habere exiccandi non tamen omnia, quæ humida sunt, illa etiam humectant, imo quandoque ualidissime exiccant, sicut uinum potens, & aqua ardens: Causa huius rei est quoniam (ut sæpe diximus) medicinæ tales, aut tales dicuntur, non secundum exuperantiā elementi in mixto, sed prout uarie à calore humano ad actum ducuntur: Quæ igitur aqueæ, humidæq; substantiæ sunt, si aeræ quoque igneasq; & facile inflammabiles partes intemperatura habuerint ita, ut corpori oblata aptissime ad actum ducantur, ignescantq; neque enim difficile est calori humano tenuē, liquidamq; substantiam euincere, cum actus calidi ignei inflammati, subito tam ualide appareat, cūenit, ut quicquid in cor-*

## COMMENTARIUS DE

pore excrementosi humorū occurrit, concoquat, ac per  
 halitum digerat, atque ita non apparente alia eius me-  
 dicamenti actione quā per calorem resolutione, me-  
 rito dicimus exiccare, cum tamen in propria substantia  
 humidum fuerit, ac proculdubio partes aquæ in illo do-  
 minentur, atq; ista est ratio, q. Aristoteles, tum in pro-  
 blematibus, tum in 4. lib. Meteororū, uinum semper hu-  
 midum uocauerit, cum tamen Gale. exiccare dicat, si il-  
 lud medicamenti loco, et non alimēti consideremus Ari-  
 stoteles. n. substantiam mixti cōsiderauit nulla facta ad  
 aliud relatione, Galenus uero prout talem effectum in  
 corpore humano imprimit: At quæ siccæ substantiæ sunt  
 ob humoris multam indigentiam, quocunque modo ad  
 actum ab humano calore ducantur semper exiccant, ne-  
 que enim in ijs mixtis est aliqua humoris exuperantia,  
 quæ corpus afficere possit, sicut erat caloris exuperan-  
 tia in uino potenti, & aqua ardente, iure ergo Gal. in  
 xi. de simpl. med. facul. à siccitate substantiæ, quæ est in  
 Castoreo arguit exiccandi facultatem, argumentum au-  
 tem quod ab humiditate sumi potest, in eodem capite li-  
 mitat dicens: Ea, quæ humida substantiæ sunt, si calidi-  
 tatem non naturalem, sed aduentitiam, extraneamq; ha-  
 beant, illa quidem omnia calefacere, non tamen, exiccare  
 re, sicut patet de aqua, & oleo calefacto, at quæ faculta-  
 tem intrinsecam habēt calefaciendi, oppositum faciunt,  
 & causa est, quam prædiximus, quoniam in eorum tem-  
 peratura sunt partes igneæ, & inflammabiles, quæ ad  
 actum ductæ agunt sopitis partibus humidis, ac sepe à  
 calore discussis, aut per proprios meatus excussis: Quæ

uero

uero uiscidæ, & lentæ substantia sunt, siue crassitudinem, siue tenuitatem habuerint, manifestum inditiū præbent, uim habere humectandi, si præsertim cum lentore sint, inquinatiua, indicant. n. ex lentore, & inquinandi potentia aeream substantiam cum aquea plurimum esse commixtam: Si uero quæ uiscida sunt, nō modo non inquinabunt, sed etiam abstergent, ea potius habebunt uim exiccādi, ut patet de melle, terebinthina, et reliquis. Ratio est, quoniā abstergio fit p partes terrestres attenuatas, ut inferius ostendemus: At quæcunq; scabra aspera, & squalida sunt, & quæ facile conteruntur, ea exiccandi uim arguunt, hæc enim omnino siccam substantiā consequuntur, siue illa crassa sit, ut scoria ferri, siue tenuis, ut pumex, aut spongia: Spongia uero teri non potest, cum sicca sit, quoniam minimi quoque meatus, quos plurimos habet, copia aeris repleti sunt, cuius ratione omnes ictus conterentis effugit, ideo si aduratur euaporato aere, meatibusq; destructis facile teritur: Hac uia insistens poteris etiam ab his effectibus, modis: scilicet quos naturales potentias, uel impotentias uocamus, non parum elicere, ut intelligas, quæ sicca, & quæ humida sint substantiæ.

### De secundis qualitatibus.

**N**UNC quoniam uidimus, qua ratione qualitates primæ medicamentorū depræbendi possint, super est uidendum, sit ne etiam methodus aliqua, qua secundæ uirtutes, & terciæ depræbendi possint: Secundæ uirtutes uocantur, sicut mollire, indurare, resol-

## COMMENTARIUS DE

uere, repercutere: Tertia uero magis particulares, ut prouocare urinam, mouere, aut sistere menstua: Nonnulli & quartas adiiciunt, quæ adhuc magis particulares sunt, sicut corroborare caput, renibus consulere, aut hepati, aut stomacho, aut uesicæ, aut tali cuiquam membro: A secundis igitur incipiendo, hac ratione procedemus exorsi semper à natura, rei: Rarefacere est rem solidam, ac crassam tenuem, spongiosamq; reddere, cum autem notum sit ex superiori scientia, calidi esse aperire, & frigidi adstringere, sequitur, quòd si cutim, aut carnem, aut musculos, uel aliam corporis partem densiorem rarefacere uolueris, proculdubio caliditate opus est, quoniam uero calidum non agit, nisi per contactum, si aperire debet, oportet quòd penetret ad profundum rei aperiendæ, ergo non tantum caliditate indigemus, sed etiam tenuitate substantiæ, si rarefactio facienda est: Caliditas autem excedens, & intensa non rarefacit, sed adurit, & per adustionem condensat, adstringit, & exiccat, ut patet in rebus assatis, & torrefactis: At moderata caliditas aperit sibi uias, & quod obstat ingressui, mediocriter per halitum discutit sine aliqua exiccatione substantiæ membri, ut patet de aere balnei, & continentis temperatæ caliditatis, & aqua tepida: Ergo medicinæ, quæ rarefaciunt debent esse moderatæ caliditatis, ne adurant, tenuis substantiæ, ut penetrent ad profundum, humidæ, uel saltem temperatæ, ne exiccant, talia sunt camemalum, altea, butirum recens, adeps suilla, oleum dulce, quale est sabinum, et cætera: Condensare autem est rem raram, humidamq; increassare, solidior

dioremq; reddere, hoc fiet cum hiis, quæ moderate frigifaciunt, exiccant, & adstringunt, si enim horum aliquid immoderate fieret, à fine delabereris, nam frigidiora obstruerent meatus ita, ut in superficie tantum fieret condensatio, in partibus uero profundis rarefactio remaneret, acerbitas enim multa propter substantiæ crassitudinem penetrare non sineret, at siccitas immodica exasperaret potius, inaneq; proprio humore membrum efficeret, quam solidum faccret, ergo moderata siccitas, et adtractio in habentibus uim condensandi, querenda est, talis est hypocistis, radix rubi, lentiscus, acacia, sed non hæc nostra à prunis adulterata: Circa mollietatem, & indurationem sciendum, ea dici dura, quæ tactui resistunt, mollia, quæ cadunt eadem seruata superficie, ut habetur ab Aristotele in quarto meteororum, dico eadem seruata superficie, nam aqua cadit quidem, sed difficitur à tangente: Durum igitur poterit esse aliquid, uel quia siccum, ut os, lignum, uel quia congelatum, ut glacies, grando, uel quia plenum, ut uter flatibus inflatus: molle autem oppositis modis, uel quia humor expirarit, ut lutum, uel quia sit colliquatum, ut aloë, gummi, quod incaluerit, uel quia uacuum, ut cutis, & caro laxa: totidem itaq; modis erunt medicinæ, quæ indurant, aut molliunt, nam quando aliquod durum mollires uolumus, quod siccitatis ratione tale sit, illud contemperamus per *ἐνιπρῶσιν*, cum rebus humidis, & moderate calidis, quæ si uiscosam substantiam habuerint, tanto foeliciter res peragetur, humiditas enim siccitatem corrigit, caliditas uero temperata adiuuabit, ut humiditas penetret ad pro-



COMMENTARIUS DE  
fundum sine vi resoluendi, q, si uiscositatem quoque habuerint retinebunt calorem innatum membri, debilem alioqui ob intemperiem aduentitiam, atque ita concoquetur alimentum, quod ad ipsum deferetur, et hac quoque ratione humectabitur locus: Quæ uero adeo sicca sunt, et terrestria, ut angustissimos, et nullos pene meatus habeant, per quos humidum penetrare possit, sicut os, & lapides, hæc non possunt per ἐπιρρεν emolliri, & ideo huiusmodi mollientia, temperate calida, et humida frustra exhibere solemus calculos in uestica patiētibus, sicuti quotidiana experientia deprehendimus: Ea igitur adhibenda sunt, quæ humidam quidem, imo fluentem substantiam habent, sed illam tenuissimam cum multis partibus igneis, uel terreis attenuatis simul admixtis: Ad hunc igitur usum concessi sunt liquores omnes, qui uel purè acidi sunt, ut succus limonum, uel purè acres, ut succus chelidonij, uel mixti ex utroque, acrimonia, inquam & aciditate, ut acetum, quod etiam potentius redditur, si aliquod illi acre infundatur, ut scilla, propterea acetum scilliticum efficacissimū est: non mirum igitur est, si medici, ad frangendos calculos, summo pere extollunt succum limonum, & chelidonij, & oximel simplex, uel scilliticum, hæc enim, & quacunque talia sunt sub hoc ordine cōstituta semper huiusmodi usibus prospera experiemur, à tenuitate. n. substantiæ habent, q, penetrent, ab acrimonia, siue aciditate, quod incidunt, & in minutas partes dissipent, ab humore copioso, quod madefaciant, et colliquant: Quæ uero molliunt ea, quæ propter frigus fuerunt congelata, sicut est scirrhus

rhus à pituitosa materia per congelationem indurata,  
 calida, & sicca esse oportet: quæcunque enim per frigi-  
 ditatem congelantur, per caliditatem solvuntur, ut di-  
 citur in quarto Meteororum, caliditas autem, si de-  
 bilis fuerit, impotens erit ad soluendam materiam, si  
 intensa iam non tantum soluet, sed etiam resoluet, &  
 ita subtilioribus partibus materiæ resolutis reliquum  
 postea gypseum, & immedicabile efficitur: Ergo,  
 quæ congelata solvunt, neque nimis intensa, neque  
 remissa, caliditatis sunt eligenda, talia autem sunt,  
 quæ in secundo gradu calefaciunt, sicut in primo con-  
 stituta imbecilliora haberi debent, ita in tertio ualio-  
 riora: hinc evenit, quod quæ congelata solvunt, non  
 tantum calida sunt, sed etiam sicca, quæ enim secundum  
 gradum caliditatis attingunt, maxima etiam ex parte  
 exsiccant: At quoniam, si quæ calida, & sicca sunt in se-  
 cundo gradu, ea etiam essent tenuis substantiæ, periculi-  
 taremur, et non tantum solueremus congelata, sed etiam  
 partes solutas, & emollitas per halitum discuteremus,  
 quod esset præter rationem, & præter illud, quod hic  
 intendimus, ideo non tantum eligere debemus, quæ sint in  
 hoc secundo calida, et sicca, sed quæ cum his habeant ali-  
 quam partem terreſtreitatis, & adstringendi facultate-  
 tem, ratione cuius adstrictionis introrsum arceantur so-  
 luti uapores, nec diffilari sinantur, uel si adstringendi  
 uim non habuerint, habeant saltem uim emplastica, qua  
 meatus obstruantur, & similis difflatio prohibeatur;  
 optima igitur erit illa medicina ad hunc usum, quæ u-  
 triusque facultatis participes erit, ideo ammoniacum,



tem modis res indurata emolleſcit, tot oppoſitis mollita indureſcit, ſi ergo aliquod membrũ in corpore propter aduentitii humoris copiam fuerit emollitum, ſicut caro in ulcere, certum eſt, quòd rebus exiccantibus indigebit, ſed ſi ea quæ exiccant uel mordicarent, uel eroderent, uel putrefacerent, mordicantia, & erodentia plus attraherent materiæ, quàm reſoluerent, putrefacientia autem non tantum humiditatem aduentitiam exiccarent, ſed etiam innatam corrumpent: Exiccantia igitur ad hunc uſum conuenientia erunt, ſed tamen à mordicatione, eroſione, & putrefactione aliena eſſe debent, talia erunt, neque intenſæ caliditatis, neque intenſæ frigiditatis, nam quæ frigida intenſe ſunt, licet non mordicent, aut erodant, calorem tamen innatum extinguendo putrefaciunt: ſint igitur in qualitatibus actiuis contemperata, uel ſi excedant ad alterutrum, non multum ultra primum gradum eleuetur, uel ſi frigida fuerint, ad ſecundum tantum gradum perueniant, tales ſunt ferè omnes ſpecies cinerum ablutorum, balauſtiæ, gallæ, ualeriana, ſumach, & reliquæ huiusmodi: Quod ſi aliqua molleſcant, laxenturq; nimio calore ſoluta, frigidis proculdubio occurremus, ſed quoniam, quæ ita molleſcunt exhauriente calore, multum humoris deperdunt, ut patet in his, quæ redundanti humore afficiuntur, propterea adhibemus ea, quæ cum frigiditate humectant, uel ſaltem non exiccant, exiccatione aliqua inſigni, quod cum ita ſit, patet neque admodum adſtringentia, neque acerbæ conuenire, nam hæc ad exprimendum potius ſunt idonea, ſed quoniam frigus intenſum non tantum re-

frige-

## COMMENTARIUS DE

frigerat, sed etiam comprimit, & exprimit, ideo frigiditatis excessus est remittendus, ergo frigida ad hunc usum accommodata intra secundum frigiditatis gradum consistentia sunt, eruntq; humida, uel saltem paracissimè exiccantia, nullamq; aut modicam, uim exiccandi habebunt: Quod si & illis uires emplasticæ inerunt, nihil ad finem assequendū deerit, tale est oleū rosaceū, uiolaceum, succus lactucae, oleum nenupharinum, lēticulae & palustrium tribulorum: Si tamen talis remollitio in uentriculo, aut hepate fuerit, uel membro huiusmodi, in quo calor conseruandus sit, tutius adhibebimus, quæ præter refrigerationem, etiam adstringant, ut oleum immaturum, quod omphacinum uocāt, succus malicitrui, plantaginis, & huiusmodi: Ad membra propter uacuitatem remollita, sicut contingit in atrophijs, & tabe, calida, & siccae medicinae, attrahentes sunt necessariae, indigemus enim attractione alimēti ad locum, quæ quidē fiet rebus calidis, in quibus insignis est caliditas, neque enim à quolibet calore fit attractio, sed à uehementi: Cum autem in attenuatione requiratur apertio, uel latitudo uiarum, propterea huiusmodi caliditas fundari debet in substantia subtili aerea, & ignea terrestris enim, & crassa constringeret, constiparetq; et progressum attenuati alimenti impediret: ergo ad hunc usum eligere oportet medicinas, quæ in tertio gradu calefaciunt, & exiccant, & quarto etiam, si affectus intensus fuerit, ut cum caliditate, substantiæ tenuitas adiungatur, talia sunt opopanax, succus cyrenaicus, pix, & reliqua ad dropaces conficiendos idonea, intensiora uero sunt

sunt euphorbium, piretrum, sinapi, & alia, quæ ad sinapismos conficiendos, & metasyncrases admittuntur: In quibus omnibus unum perpetuo circa appositionem obseruandum est, ne diutius loco affixa permittantur, sed confestim remoueantur, ubi rubor apparuerit, alioquin redundans caliditatis in medicamento reperta, non attrahet tantum, sed etiam attracta resoluet, & ita locum magis euacuabit: Hactenus recta methodo (sicut opinor) indagauius, quæ nam medicinæ, tum emolliciendo, tum indurando sint idoneæ, quacunque causa mollieties proueniat, uel duries: Nunc de emplasticis, & abstergentibus consequenter agendum.

De emplasticis, & abstergentibus.

**E**μπλαστειν autem dicunt Græci, quod nos oblinire possumus interpretari: Est autem oblinire, crassa materia aliqua, & tenaci aliquos meatus inanes opplere, & obstruere, ad quod conficiendum satis constat nos, neque substantia admodum calida, neque sicca indigere, nam potius calor attraheret, aperiret, extirgeret, siccitas aut exiecaret, et inaniret, quæ omnia oppilationi, et obstructioni opponuntur: Sed neque adstringenti, terrestriq; admodum substantia indigebimus, nam illa quidem meatus adstringet, sed non obstruet, aliud. n. est obstruere, aliud adstringere: Erunt igitur emplastica humidæ substantiæ, non aqueæ, fluentis, sed aeræ coherētis cum moderato calore, non resolvente, sed ad penetrationem adiuuante, talis est cera, lythargyrium, oleum recens,

## COMMENTARIUS DE

recens, amyum, gummi chondrus, oriza & reliqua huiusmodi : ἀπολοιπὴν autem, quod nos abstergere dicimus, opposita omnino ratione, est loca aliqua oppleta inanire, à sordibusq; expurgare, hoc fit cum his, quæ ita exiccant, ut non multum adstringant, nimia enim adstrictio coarctando meatus excrementorum exitum impediret, eadem neque caliditatem intensam habebunt, quæ attrahantur novæ materiæ, neque multam frigiditatem, quæ obstruantur meatus: Essentiale igitur est abstergentibus, ut habeant vim exiccandi cum tenuitate substantiæ, crassitudo enim transitum, et exitum impediret: Quantum ad frigiditatem, & caliditatem attinet, neutra talem actum impediet, nisi quæ excesserit, ut. n. abstergamus non refrigeratione, aut calefactione, sed exiccatione indigemus, frigida enim, quæ abstergunt sunt, sicut hordeum, farina fabarum, furfures, succus limonum, omphacium, idest, succus uvæ immaturæ exiccando idem potest, licet ob multam obstructionem non adeo penetret, ad profundum, sed superficiem tantum abstergit: Calida uero abstergentia sunt, sicuti nitrū, sapore omnia amara, & salsa, ac nonnulla, quæ moderatè acria sunt dulcedine admixta, sicut mel, & sacharum, talia enim exiccant sine attractione: Sunt tamen, & quædam, quæ improprie abstergentia uocantur à nonnullis, et quæ abluunt, ueluti sunt omnia liquida, aquea, quæ si dulcia quoque sint, habent ex dulcedine substantiam quandam terrestrem siccam moderatè excoctam, cuius ratione uera abstersione participant, unde talia media quodammodo sunt inter ea, quæ propriè, & impropriè abstergunt,

gunt, talis est caro, et succus peponum, et melopeponum. Adhuc alia sunt, quæ asperitate substantiæ suæ extimas partes abradunt, quæ improprie abstergentia uocantur, sicut est parietaria, lupuli, cauda equina, uitrū contritum, margaritæ, & reliqua huiusmodi.

De attrahentibus, & repellentibus.

**A**TTRACTIO (ut paulo ante dicebamus) fit à medicamento potenti, calido, & sicco cum tenuitate substantiæ, ita enim, ut ualidus calor attrahet & tenuitas substantiæ adiuuabit, quod crassitudo impedit: Calida igitur, & sicca in secundo gradu moderate attrahunt, magis uero quæ sunt in tertio, maxime quæ in quarto sunt, attractio enim fit pro ratione caloris: At repulsio ab his fiet, à quibus attractio, & impulsus prohiberi potest, prohibetur autem à frigidis, nam frigidi est mortificare, & ad centrum ducere, tum ab acerbis, tum adstringentibus, acerbis enim repellunt comprimendo substantia terrestri, & sicca: Quæ igitur sunt acerbis, & frigida ualidissime repellunt, sicut est cerusa, plumbum, plantago, galla, balaustie: Quæ uero alterum tantum habuerint, pro ratione uirium aquales effectus producent, alumen enim, quamuis frigidum non sit ualidissime tamen repercutit, quoniam acerbissimum est: Etiam succus solatri, & semperuine ad id efficacissimi sunt, licet acerbi non sint, quoniā frigidissimi sunt: At crocus, & spica nardi parciissime repercutiunt, quoniam cum calida sint, & modicè adstringant, nec

C      dissu-



COMMENTARIUS DE  
dissimili ratione seris siue endiuiā reperiendo inuallē  
da est, quoniā nec multū frigida, nec multū acerbā est.

De tentione & laxitate.

**T**ENSVM à duro differt, nam quicquid ta-  
ctui resistit, illud durum est, siue à congelatio-  
ne, siue à siccitate, siue à repletionē fiat, ut supra distin-  
ctum est: Tensum autem uocamus, cuius partes ad non  
naturalem substantiam extenduntur, ut inde labor, do-  
lorq; consequatur, si tensum sensibile fuerit: Intelligi-  
mus tensionem fieri per partium distantiam, ita tamen,  
ut non à se inuicem separentur, nam tunc non tensio sed  
diuulsio, continuiq; solutio fieret, omne igitur quod ex-  
tenditur indurescit, quoniam partes à seipsis distractæ  
extenduntur, tactuiq; minime cādunt: At omne durum,  
non statim tensum est, quod enim ex siccitate, aut conge-  
latione induruit, non habet partes extensas, sed potius  
contractas: Tensioni opponitur laxitas, laxum igitur  
dicitur, cuius partes remissæ inter se concidunt, non ui,  
sed languoris interuentu, addimus non ui ad differen-  
tiam eorum, quæ congelationē, aut exiccationē indure-  
scunt talia enim habent partes ui frigoris, aut sicci con-  
tractas, neque tamen laxa, sed dura dicuntur: Ergo cū  
hæc ita se habeant, tensio fiet quoties materia, quædam,  
seu uapor, aut flatus uacuitates partium replent, exten-  
diq; cogunt aut latari, sicut contingere uidemus in mē-  
brorum inflammationibus: Ad tensionem igitur tollen-  
dam euacuantibus, & discutientibus indigemus, discuti-

tis

tiunt autem, quæ cutim rarefaciunt, porro rarefaciunt, quæ calida sunt, sed non adurentia, nam quæ adurunt superficiem assando potius constipant, quàm rarefaciāt, ergo ad hunc usum eligemus, quæ à primo usque ad tertium gradum calefaciunt, in primo tantum, ubi timeamus attractionem, in secundo, & tertio ubi sine timore attractionis ualidam discussionem optamus, debent autem talia subtilis substantiæ esse, ut facile penetrent, & crassitudine non constipent, ut sunt lilium, camemalum, semen lini, foenum græcum, sampsuchum, pulegium, calamamentum, origanum, & reliqua: At laxitas, quæ à contrariis causis oritur, id est, quando spatia particularū inaniuntur ita, ut inter se concidere cogantur, repletionem restituitur, quot igitur causæ erunt inanitionis, otterunt instrumenta repletionis, nam si inanitio, & laxitas fuerit propter membri imbecillitatem, fueritq; imbecillum ratione frigiditatis, congruo calore contemperabimus, calidasq; medicinas eligemus: Sin fuerit ratione caliditatis cum refrigerantibus occurremus: Propterea Galenus dixit, quandoque frigida, & humida membrum corroborare, & sic de unaquaque intemperie dicemus, cui semper medicamentis oppositis occurremus, & methodum obseruabimus.

#### De pus mouentibus.

**P**V S mouere est materiam abscessus ad formam reducere, quæ sit illi maxime congrua, hoc autem non nisi à calore naturali fieri potest, semper enim co-

## COMMENTARIUS DE

*Actio à calore naturali fit, sicuti putrefactio à non naturali: Ergo in pure monendo hoc maxime obseruandum est, ut calorem naturalem conseruemus, & si fieri poterit, etiam augeamus, non quidem in qualitate, sed in substantia, calori enim naturali conuenit, ut plurimus sit, sed non intensus, aut acris, ut alibi ostensum est: In pure igitur mouendo materiam eligemus, quæ contemperatissima sit, & calori naturali simillima: In hoc differunt maturantia ab emollientibus, quòd emolliètia, (ut supra diximus) augere debent qualitatem caloris, & consequenter excedere membri temperaturam, cui applicantur: Maturantia uero, seu suppurantia, intra eundem prorsus gradum consistere cum corpore, quod ad suppurationem ducitur: Sed quoniam uariæ sunt, tum hominum, tum membrorum temperatura, ideo pro uaria illarum ratione, uaria sunt suppurantia ita, ut eadem medicina alicuius corporis respectu possit esse suppuratiua, alterius uerò mollitiua, sicut alterius quoque induratiua: Nos autem, ut medendi artem ad certam methodum, quàm maxime fieri potest, redigamus omnium humanorum corporum temperatissimum proposuimus, cuius respectu tales, aut tales medicinas appellamus, quod quidem in omnibus, quæ ad hanc speculationem attinent, obseruandum est: Simillima igitur in calore cum temperatissimo corpore sunt, primo ipsius patientis manus, quæ loco suppurando applicari potest, deinde aqua modicè calida, oleum dulce, suilla, adeps, farina tritici: Id unum hic est præcipue attendendum, nã cum calor innatus sit conseruandus, ut diximus, quæ me  
dici*

dicinæ substantiam habebunt emplasticam, meatus obstruendo, plurimum efficient, ne calor spiritusq; diffletur, et ita nō tantum seruetur, sed etiam augeatur, quod maximè querendum est: Medicina igitur, quæ uere suppurat materiam, non tantum moderati caloris esse debet, sed etiam facultatis emplasticæ: Propterea omnia unctuosæ, & pinguis, in quibus nullus caloris excessus sit ad hunc usum aptissima sunt.

De aperientibus, & incidentibus.

**R**AREFACTIONEM ab apertione distinguimus: Rarefacere enim est superficiem cutis magis solutam reddere, ut uapores per ipsius meatus diffilari commodè possint: Aperire autem est ad profunditatem meatum penetrare obstruentesq; humores attenuare, abstergere, & excutere: Ideò rarefacientia (ut supra diximus) modico indigent calore, & substantiæ tenuitate, aperientia autem, cum ad profunditatem penetrare oporteat, crassosq; humores præparare, & excutere, indigent primo crassa substantia, & ualido calore, in crassa enim substantia calor fundatus diutius conseruabitur, nec facile expirabit, donec actum proprium expleuerit: Sed quoniam periculum esset, neque calidiora sunt, & crassæ admodum substantiæ, magis putrefaciant, quam aperiant, ideò ad aperiendum sapienter eligemus, quæ secundum caloris gradum, uel primam tertii mansionem non excedant, tantum uero crassæ substantiæ habeant, quantum ad sustinendum diu-

## COMMENTARIUS DE

tius calorem sufficient, & ad penetrandum magis idonea reddantur, moderata enim adstrictio, quæ in crassa substantia fundatur, si calori adiungatur, tantum ab est, ut caloris transitum impediat, ut potius adiuuet propellendo: Amara igitur omnia maxime ad hunc usum conuenire uidentur, quæ supra docuimus in crassa substantia fundari, quam calor sufficienter concoxit, in caliditate uero non multum excedere, utilia igitur semper inuenietis ad obstructions aperiendas, siue interius, siue exterius applicueritis, quæ amara sunt: Verum quia paulo ante docuimus rationem semper habendam, tum temperaturæ corporum, quibus occurrimus, tum etiam causæ facientis ægitudinem, sæpe enim incidere potestis in corpora, quæ uel ratione propriæ naturæ, uel ratione materiæ obstruentis crassitudinem, cruditatemque requirunt, atque optime tolerant ad aperiendas obstructions, quæcunque acriora sunt, & ultra tertium gradum caliditatis excesserunt, ideò sæpe ad uteri inflatus, ac menses retentos scillam, & reliqua huiusmodi sæpe adhibemus utiliter: Talis igitur sit medicamentorum aperitiuorum methodus: Nunc de incidentibus loquendum est: Ad hoc autem, ut aliquid commodè incidi possit, certum est diuisionem, & penetrationem summo opere necessariam esse, sed utrunque est caloris proprium: At quoniam, quæ incidi oportet in corpore humano illa omnia frigida, & crassa sunt, non possunt autem talia à quocunque calore superari, sed à ualido tantum, & incidi, ideò incidentes medicinas calidas admodum esse oportet: Eliges igitur ad incidendum, quæ in tertio gradu

du calefaciunt: Rursus quoniam qualitatum primarum actiones per contactum fieri oportet, qualitates autem contangi non possunt, sed corpora qualia, idè medicina uim incidendi habentes tenuissimæ substantiæ esse debent, ut facile penetrent: Habemus igitur ex discursu tales medicinas calidas, & siccas esse in tertio gradu, cum tenuitate substantiæ, ut anisum, ammi, carum, fœniculum, fœseli, cassia odorata, cinnamomum, ginger, piper, ac reliqua innumerabilia: Sed de aperientibus, & incidentibus satis iam dictum sit.

### De putrefacientibus.

**S**ATIS constat putrefacientia è regione aduersari maturantibus, tum ratione agentis, tum ratione finis: Maturatio enim fit à calore naturali materiam ad optimam, quam potest formam reducente. putrefactio autem à calore præter naturam fit, subiectam materiam ad corruptionem, et rarefactionem ducente: Ergo si maturantia simillima calori naturali sunt, putrefacientia aduersissima esse oportet, medio enim ambo extrema aduersantur: Cum igitur calor naturalis temperatissimus sit, & in medio extremorum constitutus, pariter ab utroque extremorum corrumpi potest, merito ergo omnia calidissima, & frigidissima aduersa ratione putrefaciunt, frigidissima quidem extinguendo calorem naturalem, calidissima uero ipsum humidum ex naturali temperamento, igneum præter naturam reddendo ita, ut in pernitiem proprii subiecti col-

## COMMENTARIUS DE

liquando, & adurendo degenerent, talia sunt, quæ tam  
 in frigiditate, quam in caliditate ad quartum gradum  
 excedunt: Sed utraque in agendo maxime differunt, fri-  
 gidiſſima enim in primo occurſu, niſi deuicerint, & ex-  
 tinxerint calorem paulatim debilitantur, eorum enim  
 ſubſtantia in corpore calido moram trahens incaleſcit,  
 uimq; ſuam amittit: At calidiſſima primo occurſu cale-  
 faciunt, et igniunt, ſed ſi in tenui ſubſtantia fuerint, con-  
 feſtim expirāt, atque à calore naturali euincuntur, pro-  
 pmodumq; nimio ſuo feruore ſeiſpa interimunt: Ve-  
 rum quorum eſt craſſa ſubſtantia, & terreſtris, cum eo-  
 rum calor ad actum ductus fuerit, adurit, ac planè colli-  
 quat, neque enim facile diffſatur, aut euincitur craſſæ  
 illi ſubſtantie tenaciter inherens, ſicut ignem uidemus  
 in carbone ex quercus, aut alio ligno robuſto exiſtente,  
 id autem ita eſſe manifeſtè deprahendes, ſi diuerſas  
 medicinaſ, conſideraueris in eodem caloris gradu, uel  
 non admodum diſſimili ſub diuerſitate ſubſtantie in  
 craſſitudine, & tenuitate actiones enim uidebis adeo di-  
 uerſa fieri, ut ſub diuerſis generibus collocentur, nam ſi  
 calor fuerit in ſubſtantia tenuiſſima fundatus, illæ me-  
 dicinæ erunt ſimpliciter inciſiue & anastoſmaticæ. i. a-  
 peritiue, quemadmodum ſupra docuimus, piperis exem-  
 plo: Si uero tenuem ſubſtantiam habuerint, quæ iam ad  
 craſſitudinem uergat, erunt illæ medicinæ etiam attra-  
 ctiue, ut galbanum, ſuccus cyrenaicus, ſagapenum: Sin  
 adhuc augeatur, craſſitudo ſubſtantie, calorq; nō adeo  
 ſit acutus, ac mordax, ſient medicinæ cathæreticæ. i. car-  
 nem ſuperfluam colliquant, & abſumentes, ut alumen  
uſum

ustum, flos punice: flos asfi lapidis, et cetera: Si uero in eadem modica crassitudine permanentes calorem habent acutissimum, erunt medicinae escharoticae. i. crustam inducentes sicut Thapsia, euphorbium ad arces, sinapi, buprestis, cantarides: Denique adaucta crassitudine, quæ mordaci calori adiungatur fient, quales diximus, medicinae septicæ. i. putrefactivæ: Et sic patet quemadmodum secundum diuersitatem substantiæ in crassitudine, ac tenuitate, diuersæ admodum species actionum ab eodem calore producantur: Nunc de medicinis malas impressiones, remouentibus agendum: Hæ sunt ἀλεξήρια *ἡλεξήρια* *ἡλεξήρια* id est purgandi, uim habentes, et ἀπὸ τοῦ τοῦ

### De alexiteriis.

**A**LEXITERIA in duplici differentia sunt, quemadmodum, & uenena: Venenorum enim quædam certis qualitatibus, quædam uero tota substantia interimunt, ergo uenenis certa quæpiam qualitate interimentibus alexiteria occurrunt oppositis qualitatibus, & sic frigidis uenenis calida alexiteria, frigida calidis offerimus: At uenenis, quæ à tota substantia interimunt longè diuersa ratione occurrendum: Neque hic facilis methodi ratio habetur: Proinde diligentissimè aduertendum, ut Galeni mentem obscuram, et sub nimia caligine, uel breuitate uerborum, atque ambiguitate cælatam assequamur: Sciendum enim ad eorum, quæ dicturi sumus notitiam, Galeni esse sententiam (ut manifeste ostenditur iii. de facultatibus simpl. med. ultra mediū)



## COMMENTARIUS DE

quòd sicut quædam medicine sunt, quæ à proprietate certos euacuant humores ita, ut quædam inueniantur, quæ surculus, & sagittas carni infixas attrahunt, quæ ne digitis quidem facile euelli possent, sic alias nonnullas inuenies, quæ certa uenena certis quibusdam uiribus à tota substantia emanantibus attrahere, & diducere ualeant: ut ad uiperarum uirus: aspidum, & cerastium propria quædam alexiteria sunt, quæ si uiperarum, exempli gratia, uirus attraxerint, ad reliqua uenena inutilia reperiuntur: Talem autem attractionem fieri ratione cuiusdam similitudinis in substantia demonstrat Galenus in loco prius adducto, & in v. lib. de simplicium med. facul. & alibi: Si ergo ex Galeni mente alexiteria uenenorum quæ à tota substantia interimunt, habeant proprietatem educendi, attrahendiq; proprium uenenum, quemadmodum magneti uis inest, ut attrahat ferrum ad se, estq; huiusmodi uis attrahendi, si similitudinis cuiusdam ratione, quæ in tota substantia inuenitur, quæ tamen similitudo non facit identitatem, alioqui ferrum attraheret ferrum, sed proportionem quandam formarum, quam sequitur attractio unius ad alterum ita, ut attrahens sit, in quo est proportionis excessus, attractum, in quo defectus, reliquiuntur ex dictis, ut alexiterium, parte aliqua simile sit ipsi ueneno, quod attrahit, non tamen omnino simile, tum propter rationem dictam, tum quoniam si omnino simile esset, perniciem, potius augeret quàm salutem afferret; Quum ergo uenenum diuersissimum sit toto genere corpori humano (ut testatur Galenus, tum alibi, tum in v. lib. de sim-

sim-

*simplicium med. facul. relinquitur, ut quanto alexiterium in similitudine à ueneno recedit, tanto ad corporis humani naturam accedat, nam quod ab altera contrariorum dissidere facit, alteri assimilatur: Ergo, si hæc ita se habent, sequitur alexiteria media esse inter corpus humanum, & uenenum, ut recte sentit Galenus: Cum ergo assumitur medicina alexiteria, inuenitq; uenenum sibi proprium in humano corpore: illud attrahit & hominem liberat à pernicië: Si uero non inuenerit, cum sit naturæ humanæ dissimilis: ut ostensum est, accedatq; aliqua ex parte ad ueneni naturam, tunc lædat corpus, & si ualida fuerit, etiam interficiet: At si pauca quantitas huiusmodi medicinæ assumatur, uenenum quidē mouebit, sed non educet, si multa ultra illud quod expellet uiolente operabitur, & in magnum discrimen corpus humanum ducet, trahetq; longe magis q̃ medicina solutiua facere soleat, quæ si pauca, ac debilis fuerit: humores mouebit, & non educet, si redundans sanguinem etiam attrahet, et mirum in modū nocebit: Ex quibus oportet cerni alexiterium cum medicina solutiua magnam habere similitudinem, apparet etiam, quando intelligendum sit, alexiterium medium esse inter uenenum, & corpus humanum: et cur alexiterium plus æquo sumptum, noceat, cur minus, non prosit, quæ omnia à Galeno satis obscure explicata fuerunt.*

*De catharticiis, siue purgantibus.*

**D**E catharticiis uero plura dicere non oportet,  
cum

## COMMENTARIUS DE

cum satis constet, ut de alexiteriis diximus, à forma specifica humorem unum, uel plures attrahere ita, ut iuuent uentriculum uirtute attrahendi aliena, naturalis enim uis est uentriculi alimentum, & substantiam attrahere per os, ut ad formam chyli conficiat, sed ui medicamenti alteratur, atque ita extra propriam ducitur naturam, ut cogatur, propria actione sopita, humores à mesaraicis, hepate, & toto ambitu corporis ad se ipsum uiolente attrahere, neque prius cessat, quàm medicamenti uis resoluta, & à naturali calore deuicta fuerit: Neq; mirum hoc uideri debet, si et princeps animæ facultas in cerebro existens epoto solatro maniaco, tãtisper ad insaniam ad extraneasq; imaginationes adducatur, donec solatri uis à calore naturali omnino dominetur: Certum est etiam nostra ætate Mauritanos, pluresq; Syriæ populos, quoties sua illis libido suaserit, cuiusdam herbæ succum haurire, quo lati admodum efficiuntur, oblitisq; omnibus familiaribus negotiis, uisæ quædam periucunda perspiciunt, cuius herbæ ui resoluta ad pristina negotia redeunt: multaq; huiusmodi alia medicamenta sunt, & reperiuntur, quæ uarios admirandosq; effectus in corpore producant, ut mirum non sit, si medicamentum solutiuum ita uentriculum afficiat, quemadmodum dictum est: Ex hoc attractionis modo rectè intellecto apparet, cur Hippocrates dixerit: Corpora, q̄ purgare uolueris, oportet fluida facere, & cur concocta medicari præcipiat; si enim humores attrahere oportet, debes uasa omnia, per quæ transituri sunt humores, aperire, molireq; ut facile transcant neque

que in transitu aliquid obſit: Præterea cum humores cocti, ac tenēs facillime attrahantur, ut oſtenditur in lib. primo de uſu partium; humores, ſi craſſi, ac crudi, ſunt concoquendi, id eſt attenuandi, & abſtergendi, ut facilius attrahantur: Præterea cum ſyncera bilis, tenuis, liquida, & acerrima ſit, ut in libro ſecundo de facultatibus naturalibus, circa finem, & cum propter ſubtilitatem imbibatur, & ob acrimoniam facile abra-dat, & excoriet partes, per quas uiolenter attrahitur, molles alioquin, & paſſioni expoſitas, facileq; medicamentum eludat: Propterea et illa concoquenda eſt, tum ſubſtantiam, tum acrimoniam contemperando, ut ita ſine læſione extrahatur.

#### De anodynis, ſiue dolorem ſedantibus.

**D**E anodynis autem medicamentis iam ſatis conſtat, duo eſſe, quæ id efficere ualeant, uel quæ moderate calefaciunt, cutis meatus aperiendo, & humores per halitum diſcutiendo, qui loco impacti diſtendunt, diſtrahuntq; partes, & ſolutionem continui moliantur, uel quæ ſenſum ſua frigidityte mortificant, & ita locum affectum ſtupefaciunt, ut amplius propriam iniuriam non percipiat: Qualia uero ſint moderatè calida, quæ calefacere cutim, & per halitum diſcutere ualent, tum ea, quæ ſua frigidityte ſtupefaciunt, iam ſatis abundè ſuperius declarauimus, ſubiectis ſingulorum exemplis: Supereſt igitur, ut ad tertiarum uirtutum methodum inueniendam accedamus, quæcunque enim de ſecundis

COMMENTARIUS DE  
eundis reliquimus, etiam à mediocri ingenio facile inue  
nientur, si modo, quæ hæcenus à nobis dicta sunt, recte  
memoriæ mandauerit.

De tertijs qualitibus.

**C**V M autem talis sit proportio facultatum me  
dicinarum inter se, qualis est actionum, usuumq;  
proportio inter se, ex quarūdam actionum usuumq; ob  
seruatione, quæ maximam habent inuicem affinitatem,  
& mutuam proportionem, ea uia, rationeq; perscruta  
bimur, ut huiusmodi essentiali habitudine cognita, & or  
dine naturæ percepto, melius res intelligamus, & intel  
lectas fidelius memoriæ commendemus: Actiones igitur  
uicinæ, cognatæq; sunt inuicē, ut ostendemus, urinā duce  
re, pus, & crassos humores è thorace excutere, calculos  
comminuere, menses mouere lac, & semen generare, ob  
structiones aperire: Medicamenta igitur ad hos usus  
cognata inuenire oportet, similitudinemq;, ac differen  
tiam singulorum ostendere, & causas effectuum initio à  
natura rei sumpto perscrutari.

De urinae prouocatione.

**Q**VANTVM ergo ad urinae prouocationē  
attinet, primo sciendum, de his nos tantum a  
cturos, quæ hoc primo, & per se, ac propria,  
sui ratione efficere ualeant, non per accidens: Si enim  
exempli gratia, obstructio fuerit, uel in collo uesicæ, uel  
in

in renibus, uel in uasis urinariis, & discussa obstructio-  
 ne urina ducatur, talis actus proprie non prouocatio  
 urinae, sed apertio obstructionis est appellandus, quam  
 postea urinae exitus liber, prius uiolenter detentus sub-  
 sequitur: Suis igitur locis singula quaeque prosequemur,  
 & de obstructione, & prouocatione urinae seorsum tra-  
 ctabimus; Supponendum itaque est eorum, quae proxi-  
me dicturi sumus notitiam, renes ideò genitos à natu-  
 ra, ut serum aquositatemque sanguinis attrahant, & ad  
 uesciae concauitatem repellant: Vbi igitur huiusmodi  
 actio, aquositatis ratione impedita fuerit, quaecunque ta-  
 lem aquositatem praeprabunt, ut commodè attrahatur,  
 & educatur, illa primo, & per se urinam prouocare  
 dicentur: Vitium autem, quo aquositas, uel non attra-  
 hatur, uel difficulter trahatur, dum in aquositate est, &  
 tingit, uel quia pauca sit, uel quia sanguini multum ad-  
 mixta, aut crassa, aut uiscosa, subtile enim facilius at-  
 trahitur, quam crassum, ut Galenus testatur in lib. quin-  
 to de usu partium: Si ergo prima causa fuerit id est,  
 aquositatis paucitas, ut urina deficiat, ad ipsam prouo-  
 candam eligere oportet illa, quaeque tenuis: & fluidae  
 substantiae fuerint, ac facile penetrauerint, qualis est  
 aqua pluuialis uinum tenue album, pauciferum, melope-  
 ponum succus etc. Si secunda, ac tertia causa contigerit,  
 ut illa aquositas, uel sanguini admixta, uel crassior red-  
 dita fuerit, indigebit proculdubio his, quae facile ad ue-  
 nas omnes penetrare possint, & ubi penetrauerint, fun-  
 dere, incidere, crassumque à tenui separare: quae autem  
 facile penetrant, & incidunt tenuissimae substantiae esse  
 oportet.

## COMMENTARIUS DE

oportet, ut supra ostensum est, calidi enim proprium est diffundere, eliquare, separare eterogenea, & congregare omogenea: Ergo ad prouocandam in hoc casu urinam, eligere oportet, quæ tenuissimæ substantiæ sunt, intenseq; admodum caliditatis, ita, ut diffundere & separare faciant, talia sunt calida, & sicca in tertio gradu cum tenuitate substantiæ, ut apium, daucus, petroselinum, fœniculum, ammi, phu, seseli, cinamomum, & res liqua: Hic animaduertendum est, multa reperiri, quæ urinam medio quodam modo prouocāt, uidelicet neque omnino per se, neque omnino per accidēs, sicut sunt, quæ moderatam uim abstergendi habent, attenuandi, & refrigerandi, ista enim in uenas penetrātia, et calorem ardentem, adurentemq; inuenientia, & aquositate resolue-  
~~nt~~ illum sua frigiditate reprimunt, & ad temperantiā ducunt, ac præterea attenuant, quod densatum est, & uiscidum abstergunt, ut inde iam preparati humoris commoda ad renes reddatur attractio exempla sunt horum, pepones, melopepones, cucurbitæ, & cucumeris caro & semen, & gramen &c. Conueniunt hæc magis calidioribus, temperaturis ad prouocandum urinam, cū scilicet ueremur, nè calida illa diuretica potius durant sanguinem, pauciorēq; reddāt aquositatem, q̃ augeūt: Dicuntur autem talia media, quoniam inter utraque sunt. i. quia per se, et per accidēs urinam prouocant, per accidens enim prouocare uidentur, quoniam extinguunt calorem adurentem sanguinem, & resoluentem serum, siue aquositatem, quæ ad renes attrahi deberet, per se autem quoniam attenuando, & incidendo sanguinem, se-  
parant,

parant, quod in illo fuerat aquositatis, non quidem ui caloris, sed ui tenuitatis substantiæ penetrantis, ac separantis: Reliqua autem, quæ abstergunt, aperiunt, mordicant, si quando urinam prouocant per accidens id efficiunt.

De pure, & crassis humoribus è thorace  
excernendis.

**A**D PVS uerò, & crassos humores è thorace commodè excernendos simili quodam modo attenuationis, incisionisq; indigemus: Exiccatio autem hoc loco, calefactioq; non requiritur, nam cum aeris excussi impetu educantur è thorace excrementa, longe commodius impellentur mediocriter humida, quam sicca, ut facile patet rerum naturam consideranti: Ergo, ad huiusmodi usum eligenda sunt, quæ attenuant quidem, & incidunt, sed non multum calefaciunt, & siccant, talia maxime erunt, quæ paulo ante diximus, media esse inter urinam prouocantia per se, ac per accidens mouentia, ut peponum, melopeponum, melonumq; caro, & semina, pinei nuclei, maluæ semen, terebinthina: Non igitur ab re affinia dicuntur, quæ urinam prouocant, ac humores è thorace excernunt, colligiq; ex dictis potest, quatenus similia, ac quatenus dissimilia sint: Oxymel etiam ad hunc usum commodissimum est, quod non admodum acre, sed dilutum fuerit, tale enim maxime sine calefactione, exiccationeq; attenuat, & incidit, nam, ut summatim reuerto tam complectar uno uerbo, quæcunque ita attenuat, &



COMMENTARIVS DE  
incidunt, ut non exasperent, uel potenter exiccent, ac  
fieri potest, etiam humectent, ea omnia ad thoracis hu-  
mores præparandos, commouendos, excutiendosq; com-  
modissime admouentur.

De comminuentibus calculum.

AD COMMINVENDOS calculos, &  
lapides, unum sciendum, quod parum hoc loco  
Galenus distinxit quædam propriam comminuendi cal-  
culum uim habentia, quinque, & à quacunque causa  
fuerit: Ea autem sunt, quæ tenuissimæ substantiæ exi-  
stentia, incidere, ac diuidere possunt sine manifesta ca-  
liditate, neque enim aliter calculus comminui potest,  
cum sit ex materia terrea uiscido humore conglutina-  
ta, & ab acri calore excocta, talia autem neque à cali-  
do, neque à frigido dissoluuntur, ut habetur in quarto  
meteororum, ut patet de lateribus, sed conteri, inci-  
diq; atque in minimas partes ab aliquo incidete seu cõ-  
terente comminui possunt: Ad hunc igitur usum (ut di-  
ximus) attenuantibus, & incidentibus sine aliquo mani-  
festo calore indigemus, nam quæ acrius calefaciunt ma-  
gis excoquunt, indurantq; lapidem, quàm comminuant,  
talìa autem maximè sunt, acetum scilliticum, oxymel ex  
eodem confectum, & succus limonum, deinde succus oxa-  
lidis, quā accetosam uocant, radix rubi asparagus regius,  
betonica gramen, adiantum seu capillus ueneris: hemio-  
nitis, asplenium: seu cetrach, et reliqua: Quædam uero  
alia sunt, quæ non propriæ lapides incidere dicuntur, sed

abstergendo, atterendoq; superficiem, non parum ad cōminutionem conferunt, talia autem sunt omnia, quæ suā asperitate abstergūt, & atterunt, duo enim corpora dura, et aspera simul collisa atteruntur inuicem, & comminūtur, ut uitrum contritum, lithosperma, milium solis, melia, uel chia, duæ est genus terræ: imo etiam ipsemet calculus à nonnullis in potu exhibetur, At quæcunq; calidiora usque etiam ad tertium gradum sæpiissime cōtra huius regulæ præceptum, ab authoribus ad comminuendos calculos exhiberi solent, non aliter conueniunt, q̄ uel ubi calculus satis compactus non sit, nullamq; habeat, uel paruam glutinositatem, nā si ulterius calefiat, frāgitur exiccato debili glutine, pulueremq; redigitur, uel ubi indigemus urinæ prouocatione: separationeq; serositatis à sanguine, quæ abluat, deducatq; harenulas et calculorum frustula, quæ sæpe in meatibus impinguntur, magnisq; cruciatibus hominem torquent: Ergo urinæ multitudo abluendo, ac abstergendo ad hunc usum maxime faciet, quod maxime possunt medicinæ tenuis substantiæ, calidæ, & siccæ in tertio gradu, ut supra docuimus: Et sic perturbari non debemus, si talia quoq; à scriptoribus inter calculos comminuentia connumerantur: Sed potius enitendum, ut opportune seorsum singulis uti discamus: distinguamusq; quando uerè comminuentibus, quando abstergentibus, & atterentibus, et quādo urinam prouocantibus sit utendū, quæ omnia à methodo therapeutica sunt expectāda: Neq; ideo prætermittere oportet, quædā inueniri, quæ ab oculta quadā proprietate: & nō à qualitatibus manifestis per methodum inue-

## COMMENTARIVS DE

tis, possunt singulas actiones efficere, quas & haftenus diximus, & infra dicturi sumus: Exemplum de urinam prouocantibus, ut cantarides: De thoracem expurgantibus tußilago, siue farfara: De lapidem comminuentibus, ut lapis iudaicus, de quo Aetio teste refertur, quod si diutius inguini apponatur, calculum uesticae frangit.

### De prouocantibus menstrua.

**D**E medicinis autem menstrua prouocantibus multae proponuntur difficultates, in quibus omnes ferè, quos haftenus uiderim, implicantur: Cum enim plurimae causae sint, quae menses retineant, & totidem sint medicinarum genera, quae singulis retentionis causis occurrant, non studuerunt inuenire propriam, & per se huiusmodi retentionis causam, ut illam distinguètes ab aliis, quae per accidens, & non propriè id efficiunt medicinas quoque proprias ad menses ducendos excogitent: Cum ergo menstrua retineri possint, uel ratione uirtutis, uel uitio sanguinis, uel obstructione uiarum, & orificiorum existentium in matrice, si rectè rei naturam perpendetis, ut à medico faciendum est, uidebitis nihil propriè menstrua prouocare, nisi quod uias, & orificia aperiat, & abstergat, nam si uirtus imbecilla fuerit, ac propterea deficiat in expellendo, & separando excrementa: Constat, si quis eam uirtutem corroborauerit, per accidens menstrua prouocasse, neque enim minus reliquis corporis functionibus, expulsionibusq; ita consulunt: At si sanguinis uitio id acciderit, fueritq; pau-  
citas

citas causa, tunc corpus alere oportet, & sanguinis co-  
 piam generare, quod ualde per accidens est menstrua  
 prouocare: Si uero fuerit in sanguine viscositas, aut cras-  
 sities, uel erit illa crassities terrestris ratione calidita-  
 tis adurentis, crassio remq; sanguinem reddentis, & tunc  
 cum frigidis, & humidis sedando acrimoniam, & ad tem-  
 periem calorem naturalem reuocando, sanguinem te-  
 nuio rem, aptio remq; ad fluxum reddemus, & ita men-  
 ses prouocabimus: Qua ratione Dioscorides lactucam  
 ad menses ciendos aptam esse testatur, plurimam ambi-  
 guitatem legentibus afferens, qui recte distinctionibus uti  
 nesciunt: Sed id quoque, ut satis patet, alterare sangui-  
 nem est, non ducere menses; At si crassitudo sanguinis  
 uiscida fuerit cum multa pituita admixtione, tunc indi-  
 genus ualide incidentibus, & calefacientibus, quae atte-  
 nuant, calefaciunt, incidunt, liquefaciunt, & crassum se-  
 parant à subtili, ac propterea omnia diuretica sunt ad  
 hunc usum aptissima, de quibus superius copiose tracta-  
 uimus, & in hoc casu non differunt diuretica à prouo-  
 cantibus menstrua, ubi plerique medicorum hallucinan-  
 tur, neque distinguere sciunt, quae menses cient, à diure-  
 ticis, sicut quotidie conuersando depræhendetis: Sed cum  
 hæc operatio sit ad urinas, & menstrua ducenda com-  
 munis, ideo patet non esse per se menstruis tradenda, sed  
 potius urinis, nam in hac separatione, licet purificetur  
 sanguis, libereturq; à uiscido humore, nihilominus sero-  
 sitatis actualis fit sequestratio, quam ita sequestratam  
 renes subito attrahunt, & ita actio directa est ad uri-  
 nas, non ad menstrua prouocanda, sequitur enim postea,

ut sanguis purificatus, tempore mēstruorū liberē fluat.  
 At si mēses retineātur propter meatuum, orificiorūq;  
 obstructionem (intelligo per meatus uias, per quas san-  
 guis deducitur per orificia, uasorumq; extremitates)  
 tunc uerē mēstrua prouocari dicuntur, quæ uiolenter  
 retinebantur, seu intercipientur, ut in alias partes a-  
 uerti cogerentur: Id autem fit aperientibus, & abster-  
 gentibus: Nam cum tantus sanguinis impetus intercipi-  
 tur, necesse est, ut meatus ipsi, & orificia sint in profun-  
 do obstructa, lentoq; humore obseſa: Ideo non leniter  
 aperientibus, & abstergentibus, indigemus, quorum ui-  
 res propter substantiæ tenuitatem facile resoluuntur,  
 talia enim potius ad incidendum cum uiolenter, & cito  
 pertranscant, quam ad aperiendum accommodantur, ut  
 supra ostendimus: Ergo in hoc casu eligenda sunt medi-  
 camenta craſſioris substantiæ, ut inhæreant loco aperiē-  
 do, nec facile resoluantur, ita tamen, ne tanta sit craſſi-  
 tudo, ut transitus obturetur, sed moderata, quæ tantum  
 sufficiat ad moram idoneam, & ad resistendum matu-  
 ræ resolutioni, quæ in cæteris adiuuat potius penetra-  
 tionem, tanq̃ manducendo ea & comprimendo, q̃ impe-  
 diat, quod facere nos supra docuimus omnes medicinas,  
 quibus adiuncta est immodica caliditas & non modicē  
 abstergentes: Ergo si uerum est, quod supra probau-  
 mus, amara omnia calida esse, & in substantia craſſa fun-  
 dari, atque in hoc ab incidentibus differre, inesseq; illis  
 maximam uim abstergendi, nulla ad menses ducendas  
 commodior inueniri poterit medicina, q̃ quæ amara sit,  
 talis enim adhærendo, absterget, ac penetrando deducet

quicquid obstabit: Quod si cum amaritudine, & moderata abstersione sibi acrimoniam quoque simul asciuerit, qua crassos humores possit incidere, illa medicina proculdubio omnibus numeris sufficiet: Non igitur mirum, si sabina tam efficaciter possit ad menses ducendos, cum, ut Celsus, & Galenus quoque, asserunt in capite proprio, amaritudinem habeat acrimoniae, abstersioniq; permixtam: Si ergo inuenies medicamenta his tribus saporibus insignita, ceteris ad hunc usum praeferenda cognosces: Sin minus amara eligito, hanc praeterea methodum obseruando, quae ex rei natura pariter sumitur, et de qua nos supra quoque nonnihil meminimus: Nam si exterius ad orificia uasorum uuluae medicamenta prouocantia applicueris, illa obseruari debent, ne multum sint adstringentia, alioqui adstrictio prohiberet, ne medicinae uis ad profundum penetraret: Ideo ad hunc usum potius eligemus, quae cum amaritudine, tenuitatis quoque substantiae non parum participent, sicut est amaracus, centaureum minus, Aristolochia, pulegium, ciclaminus, scilla, & huiusmodi: Si uero intra per os exhibueris maiorem adstrictionem non timebis, dum modo sit insignis amaritudo, neque enim ita obstabit adstrictio, nam medicina illa uias satis latas inueniet, per quas transitura est, caloremq; idoneum habebit, qui dilatet, & educat: Ideo aloë, & absinthium interius sumpta ad menses ducendos efficacissima sunt, quae exterius apposta parum prodesse, uel fortasse etiam nocere.

# DE COMPONENTIS

MEDICAMENTIS COMMEN-

TARIIS A IOANNE BAPTIS-

ta Montano Physico Vero-  
nensi dictatus,

ET A VINCENTIO CASALI BRI-  
XIENSI AUDITORE NOTATUS.



EDICAMENTA ad  
usum aptiora, commodio-  
raq; reddimus. si uel duo  
aut plura simul commi-  
scentes, uel aliqua arte  
singula preparātes, uel  
utrunque facientes, id  
est, & simul commiscen-  
tes, & mixturam certa  
aliqua ratione condien-

tes: Circa istos tres tanquā apices summaq; genera to-  
ta ars uersatur, qua medicamenta ad usum paramus:  
Tres igitur sectiones proponemus in quibus singulis  
singula genera explicabuntur. Primo tamen illud scien-  
dum, nos ideo ad quodlibet horum generum accedere,  
ut medicinarum uel qualitas, uel substantia emendetur,  
uel ut gratiores, cōmodioresq; assumentibus reddantur,  
suntq; hæc omnia tribus hisce generibus maxime com-  
munia.

*Qua arte commisceantur medicamenta secundum qualitates primas similes.*

**C**OMMISCERVVS igitur medicinas, uel ut qualitas tantum: seu qualitates, uel substantia alteretur, uel iocunditatis gratia, uel ut duo, aut omnia tria simul efficiantur: Primo itaq; de ratione miscendi medicamenta ob qualitatem, uel qualitates alterandas dicemus, postea de reliquis: Sed quoniam apud medicos quædam primæ qualitates dicuntur, ut caliditas, frigiditas: quædam secundæ, ut dulcedo, amaritudo: quædam tertiæ, ut abstersio, cōstrictio, quædam quartæ, ut prouocatio urinae, menstruorum, et sudoris: dicendum est prius, qua ratione primæ qualitates commisceantur: Si usu ueniat, ut qualitates tantum medicinae sint commiscendæ, id proculdubio fiet, quando in una simplici medicina nō habemus gradus præcisos, qui ad usum nostrum sunt necessarii, exempli gratia, si corpus ad duos gradus frigiditatis lapsum fuerit, et ideò medicina indigeamus, quæ per duos gradus oppositos à temperamento recesserit, atque ea quidem si tunc temporis nobis desit, copia uerò sit aliarum multarum, quæ partim excedant, partim deficiant, quæ deficiunt cum his, quæ excedunt tali ratione commiscebimus: ut in mixto quæ sita gradum mensura reperiatur, ut si duas habuerimus medicinas, alteram quidem in primo gradu tantum calidam, alteram uerò in tertio, cum illa quidem deficiat, hæc autem excedat, si utraq; simul commiscebi-



## COMMENTARIUS DE

mus ex eo excussu tertii gradus, & recessu primi resultabit tertia mensura secundi gradus, quæ erat quæsitæ à nobis: Nec dissimili modo, si frigidam primi gradus calidæ in tertio admiscebimus, ad secundum gradum caliditatis (ut uulgatum est) totum compositum reducemus, atque id quidem sine controuersia Galenus comprobare uidetur: Sed quoniam hæc maxima omnium est difficultas, quæ in arte componendi inueniri potest, propterea antequam ad alia progrediamur est pro uiribus explicanda, & quid sentiam proferendum: Primo igitur supponendum est, quod alias fusius declarauimus, medicinam non agere in humano corpore, quemadmodum faciunt elementa, elementa enim applicata corpori alterant illud per qualitates, quæ illis actu insunt, ut aqua sua frigidityte, & humiditate, actuali, sic ignis caliditate, & siccitate actuali, propterea primo occurso sic statim agunt, nisi qualitas aliqua in corpore humano prædominetur, quæ superet uim, & qualitatem elementi, tunc enim corpus desinit pati, ut si qua sua frigidityte corpori occurrat, & caliditas corporis maior existens agat in frigiditytem, (à maiore enim proportionem agentis prouenit actio) tunc aqua nullo amplius pacto refrigerat corpus, & quantum ad hanc qualitatem attinet, non amplius est expectanda ab huiusmodi aqua refrigeratio, nisi destituatur à calore intrinseco corporis, & ad propriam naturam redeat: Medicina autem cum sit corpus mixtum non operatur, nisi per qualitates, quæ emanant à forma specifica, & à ratione proprii temperamenti, & si contingat aliter operari, talis operatio inæ-

erit

erit illi per accidens, ut si exempli gratia oleum rosaceum niue refrigeratum actu refrigeret, aut ferrum cādens exurat, hoc est per accidens, non quia mixtum, sed quia actu frigidum: uel calidum est: Cum autem calor complexionalis uniuscuiusque mixti sit proprium subiectum, uel potius instrumentum formæ, tunc exercitantur actiones formarum, cum calor complexionalis in quolibet mixto præterquam in animali, non actu, sed potentia existens excitatur, & elicitur de potentia ad actum, & ideo si fricetur electrum, aut magnes, longe efficacius hic ferrum, ille paleas attrahit: Ergo cum medicina corpori humano interius, uel exterius applicatur, à calore innato incalescit, ex qua calefactione calor complexionalis medicinæ excitatur, & elicitur, unde statim omnes actiones elucescunt, et excitantur, quæ formæ specificæ, & proprio temperamento conueniunt, uidelicet, calefaciendi, refrigerandi, humectandi, excitandi, alster gendi, maturandi, erodendi, & similes: Merito igitur dixit Galenus, omnes medicinas vires suas habere in potentia, & ad actum duci à calore naturali, quæ ubi ad actum reductæ sunt, quod ad qualitates primas attinet, si cum corporis humani temperatura conuenerint, nulla insignis alteratio succedet, sed si temperaturæ dissimiles fuerint, mutationes: alterationesque habebunt pro dissimilitudinis ratione, sequeturque uictoria, uel ex parte corporis, uel ex parte medicinæ pro magnitudine uirium alterius: Si igitur temperamentum medicinæ tale fuerit, ut corpori humano comparatum, superet in illo qualitas caliditatis, & siccitatis, calor naturalis acuetur, & totum

## COMMENTARIUS DE

tum corpus reddetur calidius ad talem gradum, ad quē deducere poterit uis medicinæ: Idemq; dicendum omnino de frigido, & humido, siccoq; , quod de calido diximus, imo & de reliquis omnibus secundis qualitatibus: Sed nunc sermo de primis futurus est: Ergo non male dicebat Galenus, si piper sub glacie refrigeratum, quantum uis actu frigidissimum esset, & succus mandragoræ ignis ui ad quēuis feruorem reductus fuerit, poterit utrunque istorum suis aduentitiis qualitatibus, piper quidē primo occurso refrigerare, succus uerò mādragoræ calefacere, nihilominus, dū postea calor innatus corporis, utriusque calorem complexionalē excitauerit, longe dissimili ratione, piper calidissimum reddet corpus, succus mandragoræ frigidissimum, quoniam, scilicet, piperis temperamentū corpori humano cōparatū lōge calidius est temperamentum autem mandragoræ lōge frigidius est: Conclusio igitur suppositi de quo disseruimus, quæ nobis deseruiet, talis sit: Medicinas non agere in corpore humano essentialiter, propter aliquā qualitatem in illis actu existentem, quemadmodum faciunt elementa, sed ratione propriæ formæ, & temperamenti, quarum uires eliciuntur de potentia ad actum per excitationem sui caloris complexionalis factam à calore innato humani corporis: Ex quibus sequitur medicinarum facultates, cum cōmiscentur, refrāgi insimul, & alterari ad formam tēperamenti à singulis ipsarum distincti, sicut cōtigit ex mixtione elementorum in quibus qualitates simplices sint in actu, in mixtis uero in potentia tantum, refractæ ad secundam formam tempe

ramenti: Quando igitur simul miscentur medicinarum qualitates in potentia existentes, & sub forma mixti, non insimul agunt, uel patiuntur, sed nec formæ substantiales agunt, cum non sint inter se contrariæ: Erit igitur huiusmodi compositio medicinarum, appositio quædam, non mixtio, ubi singularum formæ sunt in actu, & quando tale compositum applicatur corpori, & à calore naturali calor complexionalis fuerit excitatus, singule medicinæ in hoc composito existentes agunt secundum proprias formas, & uirtutes, quæ sibi sunt actu, ut si sit in compositione medicina frigida in tertio gradu, & alia calida in eodem, quælibet agit seorsum secundum proprias uirtutes ita, ut altera calefaciat præcise in tertio, altera in eodem frigefaciat, & hoc perpetuò uerum est, nisi medicinæ fuerint simul fermentatæ, fermentatio enim, siue fuerit facta per aerem extrinsecus, siue per ignem, siue per putrefactionem, non est sine motu, & alteratione naturali, ut postea loco suo exquisitiùs declarabimus, & peculiarem huius rei methodum, & rationem trademus: His igitur ita se habentibus, si rectè intelligantur, poterimus certa methodo sumpta à rei natura metiri, quomodo fiat intensio, & remissio graduum in medicinarum compositione, quando interius sumuntur non fermentatæ, poterimus, inquam, metiri, non tamen exquirit mensura, sed coniectura quædam, quæ proxime accedet ad ueritatem, præcisos enim gradus actionum naturalium solus Deus nouit, qui est formarum substantialium solus optimus author, & conditor: Primo igitur uidendum est, quo modo remittan-

tur,

tur, & intendantur, deinde, ad quem gradum: Id præ oculis pro confesso habeamus medicinas compositas non fermentatas, ubi à calore naturali modo iam dicto excitatæ fuerint, singulas agere secundum proprias formas: componatur itaque medicina calida in tertio gradu cum medicina in primo gradu calida, & hoc compositum intra corpus sumatur, exciteturq; calor utriusq; complexionalis ita, ut utraque agat secundum formam propriam, certum est ex supposito, qd altera calefaciat in primo, altera in tertio: Quæritur modo hic, an ex tribus gradibus caloris in altero, & uno in altero simul iunctis in corpore, totus calor intēdatur, uel remittatur? Facile respondet Gal. difficultatēq; huius loci uel ignorasse, uel dimulasse uidetur: Ait. n. absolute medicinā calidam in tertio iunctā cum calida in primo, cōpositum reddere calidū in secundo, affirmatq; omnino intensum à remisso remitti, exemplo ab aqua feruente sumpto, quæ cum tepida commiscetur: At nemo fortasse negabit intensum non remitti à remisso, & exemplum quoque concedet, sed nescio, an de similitudine cōueniet: Sed quicquid sit, duo dubia hic relinquit Galenus, & tacitè prætermittit, quæ omnino discutienda fuerunt, præsertim ab eo, qui minima quoque discutiat ad saturitatem: Alterum, an uerum sit, quod ex uno, & tribus gradibus caloris à diuersis temperamentis prouenientibus totus calor remittatur: Alterum, quod est longe difficilius, an, si concesserimus remissionem fieri, sit huiusmodi remissio ad secundum gradum præcise, ut ipse tam facile pronunciat, ac si esset omnibus notum: Pro declaratione primi dubii

dubii omiſſis rationibus, quas Conciliator, et Auerrhoiſ imaginantur, ueritatem, quam nos eſſe arbitramur, ſim-  
pliciter proferamus, eamq; tā diſtincte ante oculos pro-  
ponamus, ut penē ſenſibus diſcerni queat: Primò certum  
eſt, ad hoc, quod medicina caleſciat, aut refrigeret, in  
primo, uel ſecundo, uel alio quopiam gradu, non tantum  
requiri proprium temperamentum, & formam, merito  
cuius apta ſit agere, quicquid agit, ſed etiam determina-  
tam quantitatem, omnis enim uirtus in materia exiſtēs  
augetur, & minuitur ſecundum augmentum, & decre-  
mentum proprii ſubiecti, unde quando dicimus, exempli  
gratia, piper caleſcere in tertio gradu, intelligimus,  
ut in quantitate tali offeratur, quæ idonea ſit efficere,  
quod intendimus ita ut neq; deficiat, neq; redūdet: Si. n.  
ſupponamus, piperis drachmam, ſufficere ad hoc, ut cale-  
ſciat totum corpus uſq; ad tertium gradū, & exhibea-  
mus drachmas duas, proculdubio ita inflābimus cor-  
pus ut penē igneſcat, imo ita poterit augeri, ut etiā tanq̃  
uenenum pernecet: At ſi ē conuerſo ſemidrachmā tantū  
offeramus, non erit hoc pondus idoneum, ut totum cor-  
pus in tertio gradu caleſciat: Quod ſi ſolum ſcrupulū  
dederimus, minus caleſciemus, atque ita inuenire poſ-  
ſumus quantitatem, ut uix ſenſibilem calorem inducat,  
non aliter, q̃ ſcintillæ ignis centeſima pars, etiam ſi ha-  
beat formam ignis, præ exiguitate tamen ſubiecti, quā-  
uis paleæ admoueat, urēdi facultate carebit: Hoc igi-  
tur tanq̃ manifeſtum ſuppoſitum admittentes dicimus,  
quod ſi exhibuerimus drachmam piperis, & illi non ad-  
miſcuerimus aliquid, cuius temperamētum frigidū fue-  
rit,

## COMMENTARIUS DE

rit, de qua mixtione inferius loquemur, semper calfaciet in tertio gradu, etiam si admiscuerimus illi calidam medicinam remissam, ut in primo gradu uel etiam temperatam: Ratio est, quia remissum non remittit intentum, nisi duo ad minus conurrant, uidelicet, quod qualitates, & formae sint sub eodem genere contrariae, & quod suscipiant maius, & minus, quales sunt qualitates primae elementorum, & tandem omnes passionēs, seu passibiles qualitates: At quaecunque actio emanat ab aliqua forma mixti, quae sit illi propria, & essentialis, poterit quidem remitti ab alia forma, siue actu formae contra operante, ut si ab una forma, & uno quoque temperamento emanat actus calefaciendi corpora, poterit remitti ab alia forma, & temperamento, unde proueniet actus refrigerandi si ambo simul applicentur corpori humano, & ambo ad actum ducantur: Nam quantum unum poterit à propria forma calfacere, tantum alterum potest refrigerare, exempli gratia, rosa est in primo gradu, frigida, & spica nardi calida est in primo gradu ergo si aequis ponderibus componantur, & corpori applicentur, ex hoc composito neque calefiet corpus, neque refrigerabitur, quoniam utraque forma harum medicinarum aequales habet uires directae oppositae, quantum igitur haec poterit refrigerando tantum altera potest calefaciendo: At non eadem ratio est, si sunt eiusdem generis: Nam si, ut suppositum est, piperis drachma totum corpus calefacere possit in tertio, si admiscueris illi spicae nardi drachmam, quae in primo tantum calfacit, nihil propterea dempseris à calidi-

tate piperis, nisi forte aliquid addideris contrariorum, quoniam utriusque formæ separatim agunt quantum agere possunt, neque inuicem commiscuntur, neque contra operantur, imo ambo calfaciunt: Declararique id potest exemplo satis commodo, et claro, ut si Socrates quatuor gradus uirium habeat, quibus satis commode possit ad se nauim attrahere, si accesserit illi aduersus Plato: qui paribus uiribus eodem tempore retrahat tantum, quantum ipse Socrates attrahit, nullos omnino motus nauis sequatur, sed à quacunque parte uires declinauerint, fiet quidem aliqua ex parte aduersa attractio tanto tamen imbecillior, quanta erit oppositi resistentia: At si ab eadem parte Socratis alios accedat uno tantum gradu uirium pollens, qui pariter cum Socrate nauem conetur attrahere, hic profecto, non tantum tractum Socratis non impediet, aut intensas eius uires non remittet, sed etiam adiuuabit, et aliquo pacto intendet: Quo modo igitur Galenus dixit medicinam calidam tertii gradus à calida primi reduci ad secundum? Hic meminisse oportet suppositi, quod paulo ante declarauimus, uidelicet, actiones formæ materialis, ad hoc, ut debite, agant requirere determinatam, et debitam quantitatem: Si igitur piperis drachma sit quætitas sufficiens ad hoc, ut corpus in tertio gradu calfaciat, ego qui remissionem quero calefactionem, ut secundi tantum gradus summam scrupulos duos tantum; Sed quoniam huius ponderis uires præ sui paritate antequàm totum corpus debite calefaciat, à calore illato resoluetur, addenda illi aliqua moles est quæ simul non impediatur, aut augeatur ca-



## COMMENTARIUS DE

loris gradum à nobis quæsitum simulq; conueniens pa-  
 bulum adferat calori, ut non citius resoluator ma-  
 teria, quàm opus sit: Addam igitur illi tantun-  
 dem alterius medicinæ remissoris caloris, quæ mo-  
 lem quidem idoneam faciat ut possit medicamen-  
 ti uis per totum corpus diffundi, non eius tamen acri-  
 moniæ sit, quæ esset in solo pipere, & accipio, ex-  
 empli gratia, spice scrupulos duos, quæ calida est  
 in primo gradu: Hæc ergo duo simul iuncta mo-  
 lem quidem unam ita constituunt, quæ ut dixi, sit  
 idonea toti corpori calefaciendo diuersæ tamen for-  
 mæ utriusque seruantur, & cum piper, quamuis  
 aptum sit calefacere in tertio gradu non possit tamen  
 præ exiguitate sua, & spica non nisi in primo, quæ &  
 ipsa, cum exigua sit, non satis idonea est ad proprium  
 suum affectum producendum, necesse est ut ex istis opæ-  
 rationibus imperfectis duarum formarum resultet quæ-  
 dam operatio remissior quidem operatione potentioris  
 formæ intensior tamen debiliore: & sic calor resultans  
 ex hoc composito erit quidem acrior, quàm qui à sola  
 spica produceretur, debiliior tamen, quàm qui à solo pi-  
 pere, si alterius integra & idonea quãtitas sumatur, id  
 autem est, quod quærebamus: ut scilicet, haberemus me-  
 dicamentum, quod declinaret à calido tertii gradus quod  
 est in pipere: Non dissimili ratione: ac si Socrati, qui  
 quatuor gradibus uirium potest nauim attrahere, deme-  
 rentur duo gradus, quibus demptis uix posset mouere  
 nauim, & ita Plato uno gradu pollens accederet, qui  
 tractum iuuaret, ex duabus istis uiribus iunctis fiet qui-  
 dem

dem tractus ualentior, quàm si Plato solus traheret suis integris uiribus pollēs, ualidior etiam, quàm qui fieret à Socrate solo sic affecto, & integris uiribus pollente: Trahetur igitur nauis circiter tribus gradibus uiriū: Simili modo in compositione prædicta corpus calefiet circa duos gradus caliditatis, quod querebamus: Et quod diximus de temperanda medicina calidiori commixtione alterius, quæ sit remissioris gradus, idem tibi dictum putato de reliquis qualitatibus primis, frigiditate, humiditate, & siccitate: Et sic habes, quo modo in compositione duorum medicamentorum, alterius intensioris, alterius remissioris, remittatur qualitas prima compositæ medicinae, & quo modo non remittatur: quod erat primum dubium: Secundum autem dubium fuit de gradu determinato remissionis, quem Galenus se sciuisse profiteatur, inquiens: Si admisceatur medicina calida in tertio cum medicina calida in primo fit compositum calidum in secundo, de qua re nunc breuiter dicam, quid sentiam, Si ingenuè fateri uelimus, nihil hactenus habuimus, quod determinatè, & exquisitè uobis afferre possimus, possumus quidem, ut superiori exēplo uidimus, uidelicet, in mixtione duorum scrupulorum piperis cum totidem spicæ, & in discursu ibidem factò, accedere ad propinquā quādam coniecturam, qua existimemus compositum in hac mixtione non procul abesse à caliditate secūdi gradus: Et si uos consideretis singula, rectèq; intelligatis, ingeniaq; exerceatis in hac, & similibus mixturis, facile uidebitis uera esse, quæ diximus: Exquisitissimam autem præcipuamq; huius rei notitiam tunc demum uo-

## COMMENTARIUS DE

*bis ostendam, quando formas substantiales rerum exquisitè cognouero, quas adhuc fateor me ignorare: Interim his contenti eritis, quæ tamen ad rectam medendi methodum sufficiunt, & ad remittendas, intendendasq; actiones primarum qualitatum in compositis per additionem similium non sine methodo, & ratione.*

*Qua arte commisceantur medicamenta, secundum qualitates primas oppositas.*

**Q**UO modo uerò remittantur per commixtionem dissimilium, & uirtutum oppositarum, commiscendo calida cum frigidis, nunc superest dicendum: Longeq; facilius est hoc explicare, meo iudicio, quàm quod iam declarare conati sumus de mixtione rerum, quæ similes habent facultates, differentes tantum secundum intensiorem, & remissionem, licet Auerrhois sensit oppositum: Facile enim est uidere, si quis recte teneat, & intelligat, quæ superius dicta sunt, quomodo, si quis admisceat medicamentum calidum in tertio cum medicina frigida in primo, ut piper cum rosis, redeat compositum ad caliditatem secundi gradus, tantum enim poterit forma rosæ uno gradu refrigerare, quantum piper tribus gradibus calfacere: Igitur si ex tribus gradibus caloris piperis unum dempseris, qui à rosæ frigiditate remittitur, duo tantum gradus supererunt: Considera uero hic, semperq; memineris, quicquid de oppositione inter caliditatem, & frigiditatem diximus, idem nos dicere de altera, quæ est inter humiditatem, & siccitatem.

citatem: In quibus omnibus te exercere oportet, nisi uo-  
 lueris nomine tantum medicus esse: Eritq; perpe-  
 tuo nobis in mixtionis ratione obseruandum, cum uo-  
 luerimus integrum gradum, uel integros gradus medi-  
 cine remittere, quantitatem utriusque æqualem miscē-  
 dam esse, quæ quantitas sit idonea ad suos effectus inte-  
 grè producendos, exempli gratia, supposuimus drach-  
 mam piperis totum corpus ad tertium gradum calidi-  
 tatis calfacere posse, supponamus modò drachmam ro-  
 sarum itidem posse totum corpus in uno gradu refrige-  
 rare: Ideò si uoluerimus integrum gradum caliditatis  
 piperis remittere, rosarum drachma admiscenda erit:  
 Nam si plus addideris, plus quàm quæris, refrigerabis:  
 Sin minus, erit etiam refrigeratio minor: Vnde si dimi-  
 dium tantum unius gradus caloris à pipere sit tollen-  
 dum, rosarum semidrachmam commiscebis: Atque hac  
 uia in his mixtionibus te frequenter exercebis, in his. n.  
 tibi exercitato facilis erit aditus ad miscenda, non duo  
 tantum, sed plura etiam medicamenta: Nam cum usus,  
 atque necessitas postulauerit, ut plures commisceantur  
 medicinæ, qualitates prius intendas, uel remittas, & si  
 non una tantum qualitas, sed plures fuerint remitten-  
 dæ, neque duarum medicinarum mixtione id fieri pos-  
 sit, plures tunc commiscendæ sunt eadem prorsus obser-  
 uata ratione, prius tamen ingenium in duabus tantum  
 exercendum, quod ubi probe fuerit exercitatum, tunc  
 iter ad plura quoque miscenda patebit, & ita medicus  
 eris re, non tantum nomine.

*Qua arte commisceantur medicamenta  
secundum qualitates secundas.*

**H**IC modò series postulat, ut de miscendis secundis qualitatibus dicamus, quas esse diximus dulcedinem, amaritudinem, odorem, foetorem, & reliqua huiusmodi: Has igitur miscebimus uel ratione odoris, uel saporis tantum, uel ratione alterius qualitatis, quæ talem saporem comitatur: Ratione saporis, aut odoris tantum, ut si medicina amara, aut foetida exhibenda sit, uereamurq; (ut iure uerendum est) nè amaritudinem, aut foetorem natura, spiritusq; animales abhorreant, re fugiant ab illis, & prosternantur, ut & uirtutis læsio sequatur, & infœlix successus purgationis, tunc amaris quidem dulcia, foetidis uerò odorata commiscebimus: Et hac ratione ducti rebus amaris mel, uirosi uero, odorq; malis medicamentis aromata coniungimus: Ratione autem non tantum saporis, sed alterius qualitatis, quæ saporem consequitur, admixturam accedimus, ut si medicina exhibenda sit, à qua euerfionem stomachi, & uomitum uereamur, uel ratione ipsius medicamenti, uel ratione assumentis, tunc illi admiscemus aliquid acidi, austeri, uel acerbi, non quidem ratione saporis tantum sed etiam, quoniam à sapore uis alia resultat adstringendi, corrugandi, exiccandiq; uentriculum, unde uirtus contentiua uentriculi corroboretur: Et ita cum agarico aliquando oxymel, quandoque succum cytoniorum, & myrabalanos admiscemus, & cum scammonio palmu-

*palmulas, quas dactylos uocant, & huiusmodi alia : Qua autem arte, & proportionem ista admiscenda sint, erit proprius loquendi locus: præterea hac eadem intentione plurimi antiquorum medicorum purgantibus omnibus medicamentis sal admiscebant, non quidem ratione saporis, sed quia ab hoc sapore sequitur uis irritandi, & abluendi uentriculum, & intestina, unde promouetur festina euacuatio, & post euacuationem melior mundificatio, & expulsio medicamenti, ita enim facilius abluetur, & abstergitur: Ideo etiam nostri moderni agarico, & colocynthidi sal, quod gemmæ uocant, conuenienter admiscunt partim, ut acceleretur purgatio, quæ in his duobus medicamentis tarda esse solet, partim, ut facilius ex intestinis abluantur, deterganturq; eorum ramenta, quæ alioqui obleuitatem adharent, & impinguntur, obq; abrasionem dysenteriam, cholicosq; dolores inducunt, quos sæpe etiam inducunt medicinæ, ubi prudenter correctæ non fuerint: Hactenus de contemperandis medicamentorum saporibus: Sequitur, ut de arte componendi dicamus, quæ uersatur circa tertias qualitates.*

*Qua arte componantur medicinæ secundum tertias qualitates.*

**M**AGNUM hic, uariumq; artificium, & pulcherrimus exercendi campus nobis occurrit : Oportet autem, si quæ dicturi sumus, assequi uolumus, ut singula quæque rememoremus, quæ in methodo de  
E iiii sim

## COMMENTARIUS DE

*simplicibus medicamentis anno elapso, circa has tertias qualitates explicauimus: Et omnino nihil de arte componendi acquiramus, nisi methodum, artemq; simplicium probe nouerimus: ante quam igitur ad rem accedamus, maioris lucidatis gratia, oppositiones, uel omnes, uel plerasque qualitarum tertiarum ante oculos proponemus, ut facilius post ea totam methodum componendi eliciamus: Tot autem ferè sunt: Rarefactio, condensatio: Molitio, induratio: Illitio, seu, ut uulgò dicitur, emplastratio, abstersio: Attractio, repulsio: Laxatio, intentio: Apertio, constrictio: Incrassatio, attenuatio: Doloris sedatio, irritatioq;: Concoctio, suppuratio: Discussio per halitum, quæ uulgo dissolutio dicitur, ustio, uel cauterizatio, inductio crustæ, quam ἰσχαράξιν uocant: Putrefactio, erosio: Liquefactio, coagulatio. Purgatio, sistendi uis: Exasperatio, lenitio: Obstructio, deobstructio: Circa hæc ferè ueluti summa capita uersatur tota ars componendi medicamenta, quantum ad tertias qualitates attingit, occurritq; hic uariis usus: & ratio componendi: Quandoque enim contraria commiscemus, quandoque dissimilia, quandoque similia: Contraria uerò sunt, quæ sub eodem genere maxime distant inter se, ut apertio: et constrictio: Dissimilia, quæ sub diuersis generibus sunt, & quorum naturæ sub diuersis lineis discrepant, ut coagulatio, dolorisq; sedatio, nihil enim simile habet doloris sedatio cum coagulatione, contraria tamè non sunt, nam & simul esse possunt, nec sunt sub eodem genere proximo, cumq; diuersarum naturarum sint, habent lineas discrepantes, nam si sub prædicamento qualitatis*

*suo*

suo quaque loco collocabitur, facile patebit, quo modo  
 à diuersis generibus unaquæque emanet, & sub diuer-  
 sis lineis collocetur: Similia uerò sunt, quæ similitudinē  
 habent naturæ, cum tamen eadem non sint, sed diuersa:  
 Vt ergo certo ordine singula distincte, & lucide inter-  
 pretemur, primo de contrariorum mixtione tractabi-  
 mus, postea, & de reliquis: Ad cōtrariorum igitur mix-  
 tionem accedimus uel ex parte eorum, quæ in agro in-  
 ueniuntur, uel ab his, quæ reperiuntur exterius: Quæ  
 in humano corpore inueniuntur, uel sunt morbi, uel cau-  
 sæ, uel symptomata morborum, nel naturæ diuersitas:  
 Quæ uerò exterius, ut aer, consuetudo, uel aliquid tale:  
 Quando igitur morbi inter se sunt contrarii, cum  
 contrariorum curatio sit per contraria, necessariò me-  
 dicinæ contrariæ sunt commiscendæ, exempli gratia:  
 Si occurrat nobis, qui patiat̃ur simul ulcera intestino-  
 rum, & obstructionem hepatis, habet hic proculdubio  
 morbos contrarios, qui contrariis indigent medicinis  
 adstringentibus, inquam, & aperientibus, ulcera enim  
 adstringentibus indigent, obstructio autem aperienti-  
 bus medicinis: Igitur admiscere oportet, quæ utrunque  
 facere possunt, & ita in hoc casu coniungemus sigillum  
 lennium, seu terrā sigillatā cum aniso, aut sceniculo, aut  
 spica, aut cinnamomo, ex his. n. apertionem, ex illo ad-  
 strictionem habebimus: Quando autem morbi similes  
 sunt, & quatenus ad morbos eadem indigent curatio-  
 ne, ut in hemitriteo, ubi duæ febres sunt, altera continua  
 ex putredine pituitæ, altera à bile interpollata, inua-  
 densq; alternis diebus, quatenus igitur febres omnino



## COMMENTARIUS DE

similes sunt, simillimis etiam indigēt remediis, uidelicet, refrigerantibus, & humectantibus: Causas tamen habent omnino contrarias, cum pituita sit crassa frigida, & humida, bilis uero calida, & sicca, & tenuis: Contrariis igitur indigebūt remediis, & auxiliis: Atq; ita indicatione sūpta à causis, ad miscendæ erunt nobis medicinæ cōtrariæ, partim quidē habentes uim incidendi, & attenuandi, partim uerò contemperandi, & frigefaciendi: Congruē igitur faciemus apozimata, decoctiones, & syrupos ex hordeo, seminibus melonum, & cucurbitæ, ex endiuiā, simul cum pipere, aniso, cinnamomo, absinthio, & huiusmodi: In primis enim uis est contemperandi, substantiam crassefaciendi, refrigerandi, & humectandi, in secundis autem uis est attenuādi, incidendi, calfaciendi, exiccandi: Interdum etiam, nec causæ, nec morbi sunt contrarii, sed symptomata, quæ tamen propter uehementiam uicem causarum gerunt, curationemq; ad se trahunt, ut in principio magnæ inflammationis materia fluente ad locum, si simul dolor ingens infestauerit, pro sedando quidem dolore cogimur adhibere rarefacientia, & moderatē calefacientia, quæ augent defluxum materiæ, ratione uerò defluxus indigemus constipantibus, & repellentibus, quæ augent dolorem: Sumptis igitur indicationibus à duobus symptomatibus oppositis, uidelicet, defluxu, & dolore, oppositas medicinas commiscemus, hanc quidem rarefacientem, & moderatē discutientem, illam uerò constipantem, & repellentem, singulorum mensuram commodam commensurando, prout alterum magis, uel

minus instat: Sed de hoc postea fusius suo loco dicemus: Quandoque uero, nec causæ, nec morbi, nec symptomata aduersantur, sed natura patientis contrarias exigit medicinas, exempli gratia: Erit aliquis catharthico medicamento per secessum purgandus, cuius uentriculus admodum imbecillus est, & à quacunque, uel leui causa ad uomitum excitatur, tunc cathartico, in quo est uis aperiendi, & attrahendi admiscemus medicinam, in qua sit uis adstringendi, & repellendi, & sic cum scammonio miscemus sandalos, rosas, myrabalanos, & reliqua huiusmodi: Vel quando alicui aperiendæ sunt obstructions hepatis, qui ardori urinæ subiectus sit, tunc ratione quidem obstructionis indigemus attenuantibus, & incidentibus, ratione autem ardoris urinæ emplasticis indigemus, & crassefacientibus: Admiscebimus igitur exempli gratia, oxymelliti, uel aniso, uel dauco, uel fesceli, in quibus est uis incidendi, & attenuandi, semen maluæ, altheæ, psilii, tragacanthum, in quibus uis est emplastica, & crassefaciens: At si contigerit, ut nihil quidem ratione corporis, siue sit ægritudo cum suis causis, & symptomatibus, siue sit naturæ diuersitas, inueniatur oppositum, quod indigeat contrariis medicinis, sed exterius aliqua occurrunt, quæ indicant contraria, tunc quoque cogimur ad oppositarum medicinarum commixtionem accedere, ut si quis obstructionem patiatur meatuum qui sunt in cute, ob impactionem crassiorum humorum, degatq; hic tunc temporis sub feruenti cælo, ratione obstructionis indigebit attenuantibus, & incidentibus: Sed quoniam ea plurimam apertionem efficiunt periculum est,

## COMMENTARIUS DE

est, ne feruida aeris intemperies plus penetret, attrahat, & resoluat spiritus, & innatum calorem diminuat, praesertim si natura quoque patientis ad huiusmodi resolutionem fuerit idonea, tunc enim longe tutius est cum attenuantibus, & incidentibus admiscere, quae moderate crassifaciant, & obtundant, ne, scilicet, calor, & spiritus plus aequo attenuentur, & ab aere extrinseco dissoluantur: Propterea ad frictiones, quae in hoc casu fieri solent, oleum camomelinum, & anethinum, uel susinum, id est, de liliis albis admiscere iubebimus cum rosaceo, aut myrtino, aut melino, si fuerit praedicta coeli intemperies, ut de attenuandi, & incidendi uiribus, quae sunt in praecedentibus oleis detrahamus aliquid cum istis posterioribus, quae uim habent constipandi, & obtundendi acrimoniam, ita enim tonus, uigorque contentivae uirtutis conseruabitur, ne nimia apertione languescat: Praeterea si quis patiatur excoriationem uesicae, fueritque assuetus uti continuè rebus acidis, quales sunt limones, omphacium, id est, agrestis, ut uulgo aiunt uinum acidum, prunae, mala granata acida, ac reliqua huiusmodi, hisque cibariis ratione temperaturae plurimum letetur, ac se iuuari sentiat: In hoc casu, emplasticis, & adstringentibus indigemus, quibus acida omnia opponuntur, in quibus uis est abstergendi, et incidendi, ut alibi probauimus, nihilominus consuetudinis ratione, ut natura melius amplectatur remedia quibus usuri sumus, mixtionem idoneam facimus ex acidis, in quibus uis est incidendi, et abstergendi cum emplasticis, et adstringentibus: Hac igitur intentione miscemus, exempli gratia, tragacanthum

thum, aut muccilaginem psilii, aut altheæ, aut bolum ar-  
 menum cum succo granatorum, aut syrupo oxyacanthæ, quem uulgo uocant syrupum de berberis: Hoc au-  
 tem loco oritur dubitatio, quam primus excitauit Auerrhois, quomodo fieri possit, quod duæ operationes con-  
 trariæ sint simul, eodem tempore, in eodem loco, uel sub-  
 iecto, ut constrictio, & dilatatio? Non enim ualet solu-  
 tio ( ut rectè, quantum ad hoc, dicit Auerrhois ) quam  
 nonnulli adduxerunt dicentes, idem contingere in huius  
 modi uirtutibus tertiis contrariis, quod contingit in  
 qualitatibus sensibilibus contrariis, neque enim absur-  
 dum est ( aiunt illi ) ut duæ qualitates sensibiles oppo-  
 sitæ simul, eodem tempore percipiantur, sicut calor, &  
 frigus: dulcedo, & amaritudo, album, & nigrum, bonus  
 odor, & foetor: uox grauis, & acuta: Eodem igitur  
 modo non erit in congruum constrictiōem, & dilata-  
 tionem simul fieri: Hæc solutio ( ut diximus ) parum  
 efficax est: Neque enim simile est quod simile existi-  
 mant: Nam species sensibilibus percipiuntur à sensibus,  
 & ideo nihil incommodi sequitur si simul opposita sen-  
 tiantur, cum realiter non immutent instrumentum, neq;  
 motu proprie dicto si enim esset ibi uerus motus, tunc  
 alteratio ad alterum terminum non obstaret alteratio-  
 ni ad alterum oppositum, ut apparet etiam in sensu ta-  
 ctus, qui magis materialis est, quàm uis. n. in eo sensu reci-  
 pi possint simul in sensitiuo primo species oppositæ cali-  
 ditatis et frigiditatis ita, ut uideatur homo simul calfie-  
 ri, & frige fieri, nihilominus quantum ad realem muta-  
 tionem attinet, ea pars præcisa, quæ alteratur ad ter-  
 tio

## COMMENTARIUS DE

minum frigiditatis, nullo pacto potest alterari eodem  
 tempore ad terminum oppositum caliditatis, sed succes-  
 siue tantum, ut rectè discurrenti patet: Ergo in his  
 tertiis qualitatibus id multo minus fieri potest, cum  
 magis materiales sint, et ad uerum motum magis attinē-  
 tes, quando enim aliquid dilatatur: ne imaginatio qui-  
 dem recipit, ut eodem tempore constringi etiam possit:  
 Et quod de his oppositis dicimus, eodem prorsus modo  
 de reliquis est dicendum, ut de rarefactione, condensa-  
 tione, emollitione, induratione, & aliis, sunt enim omnes  
 motus materiales, habentes terminos oppositos in mate-  
 ria alterabili, & non motus intentionales, sicut uisio &  
 auditio, in quibus motibus siue reali alteratione species  
 tantum rerum in sensoriis recipiuntur: Hæc sententia,  
 & ratio ita persuasit Auerrhoi, ut confugerit ad sen-  
 tentiam dogmati suo planè contrariam, oblitusq; est hoc  
 loco cōsequenter loqui, quod tamen ubiq; affe erat: Vult.  
 enim à commixtione artificiali fieri unum in forma, si-  
 cut in commixtione naturali ita, ut qualitates omnes in-  
 uentæ in miscibilibus per artem inuicem refrangantur,  
 donec fiat unitas formæ resultans ex refractione diuer-  
 forum, sicut fit in mixtione naturali, ubi qualitates mi-  
 scibilium actu in singulis existētes refranguntur mutuò,  
 & remittuntur, faciuntq; certam temperaturam com-  
 positi, diuersam à temperatura omnium miscibilium: Et  
 ita nullum absurdum sequetur, si duæ medicinæ contra-  
 riæ, commisceantur, quarum altera uim habeat repellē-  
 di, altera discutiendi, istæ enim duæ qualitates contra-  
 riæ, cum per hanc opinionem, mutuò refrangantur in  
 mixto,

mixto, tertiam formam efficiunt sub aqua contrarietas ad temperamentum reducitur per extremorum remissionem: Miror autem quomodo uir iste hanc sententiam sine ulla assignata ratione protulerit, tum placitis suis alienam, tum repugnantem: Vult enim alibi, calorem complexionalem medicinarum reduci ad actum à calore naturali animalium, et ante reductionem ad actum omnes qualitates earum esse in potentia: Quomodo igitur, si misceantur, nec immutentur à calore aliquo extrinseco, ut aeris, ignis, uel putrefactionis, de quibus, uel postea differemus, qualitas refranget qualitatem, quæ omnes sunt, ibi in potentia? Præterea formæ substantiales miscibilium per artem, uel erunt in mixto secundum esse refractum, uel secundum esse perfectum: Non refractum quoniã sequeretur, formas substantiales mixtorum suscipere magis, et minus, quod omnino est contra ueritatem, & ipsius Auerrhoem, licet hoc de formis primorum elementorum concedat: Si secundum esse perfectum, non ergo est similis mixtio naturali mixtioni, quæ fit per artem ut ipse affirmat: In mixto enim naturali formæ miscibilium non remanent in mixto secundum esse perfectum. Quod si quis dixerit formas miscibiliũ per artẽ poenitus corrumpi, ergo in hmoi mixtis non erit complexio, quod est manifestè falsum: Consequentia probatur: Nam complexio fit per refractionem, & temperamentum plurium qualitatum extremarum ad unam formam mediã: Ergo corrupta forma substantiali, corrumpentur, quæ illam consequuntur: Quod si formæ substantiales horum miscibilium manent actu in mixto secundum esse perfectum, emanabunt ab illis

## COMMENTARIUS DE

*quantitates perfectæ, dum ad actum ducentur, & nullo modo poterunt refrangi, uel remitti, nisi uel per subtractionem debitæ quantitatis, uel additionem contrarii, ut antea modo monstrauimus: Quando autem remittuntur per additionem contrarii, extra corpus humanum inuentæ non remittuntur, ibi enim in potentia tantum sunt propterea nec intendi, nec remitti possunt: Talis ergo remissio non prius fit, quàm hoc compositum applicetur corpori humano, & ab illius calore naturali ad actum ducatur, tunc enim qualitates ad actum ductæ mutuò intenduntur, & remittuntur, intenduntur quidem similes remittuntur uero contrariæ, & hoc non fit per commixtionem similium, uel contrariorum, ut multi falso opinantur, et ex tali falsa opinione incidunt in plurimos errores, & tenebras; Modi autem huius intensionis, & remissionis, sicut etiam supra docuimus, fiunt, dum formæ substantiales singulorum miscibiliū ad proprium actum à calore naturali excitantur, tunc enim, à singulis formis certæ prodeunt qualitates, in actu diuersæ pro diuersarum formarum natura, quæ si inter se similes fuerint, effectus augebitur qualitatibus illis conueniens, nisi diminuatur potentioris qualitas eodem modo, quo superius declarauimus: Si uero fuerint contrariæ, tanto minuitur alterius effectus quanto est uis maior contrarii resistentis: Et hæc omnia semper dicimus de medicinis non fermentatis, ne hic aliquis ansam capiat dubitandi: Ad propositum igitur redeundo Auerrhois nullo modo saluari potest, qui non ueritati tantum, sed sibi ipsi quoque repugnat: Nam ut ostendimus,*

*nec*

nec extra humanum corpus, nec intra etiam, potest fieri  
 huiusmodi mixtio, quam ipse imaginatur: Ceterum si  
 ne hac uana imaginatione optime saluari, ostendiq; po-  
 test, quomodo uires oppositæ qualitatũ tertiarum si-  
 mul operentur, corpori humano applicitæ, si modo sup-  
 ponamus principia à nobis recte fundata, quibus nihil  
 eorum, quæ actenus diximus, contradixit, neque contra-  
 dicent, quæ deinceps dicturi sumus: Contingat igitur, ut  
 simul indigeamus, exempli gratia, medicina adstringen-  
 te, & medicina dilatante, sicut contingit in principio  
 inflammationis, ubi respectu materiei defluentis indige-  
 mus re adstringente, & repellente, ratione uero mate-  
 riæ, quæ fluxit, re dilatante, et discutiente, admiscea-  
 turq; simul oleum rosaceum cum oleo amygdalarum dul-  
 cium, quæ quidem habent suas temperaturas directe op-  
 positas: rosaceum enim frigidum est, & siccum in pri-  
 mo gradu, amygdalinum autem in eodem calidum, &  
 humidum, ab oppositis autem temperaturis oppositæ  
 fiunt actiones, formæ enim substantiales (ut uoluit etiã  
 Galenus) uel sunt temperaturæ, uel ipsas in omnibus æ-  
 ctionibus cõsequuntur: A frigido igitur, & sicco tempe-  
 ramento, si in crassa substantia fuerit quantum ad secun-  
 das qualitates attinet, acerbus sapor emanat, quantum  
 uero ad tertias uirtutes, uis adstringendi, & repellen-  
 di: A calido autem, & humido sapor dulcis, & qualitas  
 tertia dilatandi, aperiendi, & discutiendi: Tam diu er-  
 go quælibet harum medicinarum corpori humano ap-  
 plicata, & ad actum ducta per has uirtutes operabitur,  
 quamdiu propriam formam, & temperamentum serua-



bit, tam diu autē seruabit, quā diu nō corrumpetur, uel  
 per fermentationē uel per aliquid aliud: Admisceatur ita  
 que oleum rosaceum cum amygdalino sine aliqua fer-  
 mentatione, quemadmodum quotidie facimus, & inflam-  
 mationi in principio applicetur, rosaceum quidem refri-  
 gerabit, & adstringet amygdalinum autem calefaciet,  
 et aperiet, uel ergo, æquis ponderibus applicabūtur, uel  
 in æqualibus, si æqualibus, cū alterū tantū præcisè possit  
 refrigerādo, & adstringendo, quantum alterum calfa-  
 ciendo, & dilatando, nam ut paulo supra docuimus, &  
 probauimus ab eodem gradu temperamenti in opposi-  
 tis qualitatibus inuento æqualis actio prouenit, fiet er-  
 go par conatus utriusque uirtutis, ut hæc quidē adstrin-  
 gat, illa uero dilatet, ad neutrum tamen terminorum de-  
 ducetur pars alteranda, sed in eodem tono permanebit,  
 actiones enim, & passionēs nō proueniunt, nisi à propor-  
 tione maioris, & minoris proportionis, uel inæqualita-  
 tis, ut albi didicistis: Si uerò ponderibus inæqualibus  
 misceantur, tantò inclinabit actus alterius quanto erit  
 maioris, aut minoris uirtutis proportio, cædetq; dilata-  
 tio, si ita contingat, constrictioni, non ita tamen, ut liber  
 sequatur actus constrictionis, sed impeditus propter re-  
 sistentiam cōtrarii ita, ut in eiusmodi reluctatione fiant  
 in eodem à diuersis agētibus actus oppositi, sed alterius  
 apparet uictoria, quod nullo modo est absurdum, nec re-  
 pugnat imaginationi, rationi, & authoritatibus, & hoc  
 non aduertit Auerrhois: Possumus autem hoc optimè as-  
 similare duobus luctantibus ita, ut alter alterius impul-  
 sionem ferat ad terminos oppositos, si quidē ambo æquis  
 uiri-

uiribus pollebunt, neuter de loco cædet, sed uterque in tono, & uigore permanebit: Si uero inæqualibus fueritq; inæqualitas maxima, imbecillis nullam, aut minimam faciet resistantiam, paucoq; negotio profligabitur, aut etiam prosterneatur, non multa uero inæqualitate existēte cædet quidē imbecillior pro inæqualitatis ratione, resistet tamen, & reluctabitur, impellentisq; conatus, si nō ex toto, magna tamen ex parte, irritos reddet: Hæc de mixtione medicinarum, quæ in tertiis qualitatibus opponuntur, dicta sufficiant: Accedamus modo ad mixtionē earum, quæ non sunt oppositæ: sed dissimiles.

Qua arte commisceantur medicamenta secundum tertias qualitates dissimiles.

**D**ISSIMILITUDO harum qualitatum duplex est: Vel enim conueniunt in unitate sui primi generis, et sunt dissimiles in proximis tantum, ut emollitio, et exulceratio, nam sub primo genere ambo conueniunt, cum æqualiter sint qualitates tertiæ, dissimilantur tamē in proximis, aliud enim est proximum genus emollitionis, & indurationis, aliud exulcerationis, & emplasticæ facultatis: Vel etiam in suis primis generibus dissimiles sunt, ut emollitio, & uentriculi corroboratio, nam corroboratio uentriculi est sub genere quartarum qualitatum, emollitio uero tertiarum: Prius igitur de prima dissimilitudine dicendum, deinde ad alteram accedemus: Medicinas in qualitatibus tertiis dissimiles componimus, eosdem omnino scopos obseruantes.

## COMMENTARIVS DE

quos de contrariis enumerauimus, nisi quod ibi contrarietas, hic dissimilitudo tantum attenditur: Cum ergo causæ ægitudinum sunt dissimiles, dissimiles componimus qualitates, ut si atra bilis simul cum ruffa uenas, et totum ambitum corporis repleuerit, cum hi humores, non quidem contrarii sint, sed dissimiles, dissimiles etiā illis conuenient qualitates: Et quantum ad primas attinet, atræ quidem bili calida, & humida competent, ruffæ autem frigida, & humida: quantum ad secundas qualitates, atræ dulcia, aquea, ruffæ insipida, & acida, quantum ad tertias, atræ emollientia, ruffæ emplastica, & contemperantia: Ergo aquam, seu decoctum uiolarum, cucurbitæ, lactucæ, portulacæ, nymphæ cum saccharo, aut succo granatorum dulcium, uel pomorum depurato, aut iulep uiolaceo, aut mannæ, aut flori cassiæ commiscebimus, prout uariæ intentiones occurrent, & ita habebimus qualitates primas, secundas, & tertias aduersus utrumque humorem conuenientes, commixtas, ut bene discurrenti apparet: Ægitudines dissimiles sunt, ut si quis patiaturs frigidam, & humidam uentriculi intemperiem cum excoriatione œsophagi facta ex uomitione bilis prassinæ: diuersis igitur qualitatibus occurreremus, ac excoriationi quidem pro qualitatibus primis conueniunt frigida, & sicca, pro secundis sapor acerbus, pro tertiis adstrictio: Malæ uero temperaturæ frigida, & humida, pro primis quidem qualitatibus calida, & sicca, pro secundis autem amara, pro tertiis abstergentia, & incidentia: Commiscebimus igitur in hoc casu baccas mirthorum, & rhu obsoniorum, quod sumach uocant,

nocant, hypocistidem, mora immatura, gentianam, aristolochiam cum succo absinthii, centaurei minoris, succo cichorei, cum rhabarbaro, aut aliquo tali: in primis. n. illis sunt omnes qualitates excoiationi congruæ, in iis posterioribus ad malam temperaturam frigidam, & humidam uentriculi idoneæ, nec tamen sunt uel hæ, uel illæ inter se contrariæ. sed dissimiles tantum, sicuti etiam dissimiles sunt ægritudines propositæ, & inde apparet ars componendi: Symptomata etiam dissimilia sunt, ut dolor colicus et syncope ob resolutionem spirituum: Dolori igitur cōueniunt anodina, doloremq; lenientia, quæ sunt calida, & debent esse in primo gradu aperientia, & sine attractione discutientia. quale est oleum amygdalinum dulce, oleum sesaminum, susinum sabinum, & huiusmodi: Syncopæ congruunt odorata, calfacientia, et nutrientia, quale est uinum, maxime phalernum, & maluatium, moscus, ambræ, cinnamomum: Recte igitur in usu commiscemus, si ita contigerit. Accipe olei amygdalini dulcis uncias sex, uini maluatii uncias duas, aut tres, moschi, ambræ, singulorum grana quinque, cinnamomi scrupulum unum, & calidum propinabitur: Hinc patet, & symptomata & remedia commixta esse dissimilia, non tamen contraria: Possunt autem comparari non tantum causæ ad causas, morbi ad morbos, symptomata ad symptomata, sed etiam causæ ad morbos, & morbi ad symptomata, tam in contrariis, quam in dissimilibus: Exemplum in contrariis causarum ad morbos, ut si causa fuerit pituita, morbus uero febris, pituita. n. frigida est, & humida, febris calida, & sicca: Exemplū

# COMMENTARIUS DE

*morbi ad symptomata, ut si morbus fuerit inflammatio  
 ventriculi, symptoma autem dolor capitis: Hic enim eade  
 dem methodo medicinas commiscemus semper dirigenda  
 rationem, & scopum commiscendi ad scopum contra  
 rietatis, uel dissimilitudinis, quæ secundum commodam,  
 & omnimodam comparationem inueniuntur in causis,  
 morbis, & symptomatibus: In dissimilibus uero sumptis  
 à rebus extrinsecis, ut aere, consuetudine, nullā sumimus  
 indicationem componendi medicamenta, quemadmodū  
 facimus in cōtrariis: Ratio est, quoniam à rebus extrin  
 secis nulla sumitur indicatio curandi, ut ab aere, & con  
 suetudine, sed ista tantum concedunt, uel prohibent, nos  
 aliquid operari, exempli gratia, si à morbo sumpta indi  
 catione sit alicui uena secanda, aeris qualitas, & consue  
 tudo nihil quidem indicant esse faciendum, sed permit  
 tunt, aut prohibent id fieri: Si enim aer fuerit tempera  
 tus & æger fuerit hoc remedio assuetus: audacter seca  
 bimus: Si oppositum cōtigerit, uel omnino abstinebimus,  
 uel parce secabimus: Prohibemur igitur, uel permitti  
 mur, ubi eiusmodi extrinseca similia, uel cōtraria occur  
 rerint: Nam si dissimilia sunt, neque prohibent, neque  
 concedunt: Sit enim aliquis uenationi assuetus, cui pur  
 gantem medicinam exhibere oporteat, profectò ratio  
 ne illius consuetudinis ad uenandum nulla indigemus  
 compositione, quoniam nihil facit, uel impedit, siue ueli  
 mus, siue nolumus exhibere: Simili modo si quis planitiē,  
 uel montes inhabitet, degatq; sub cœlo sereno, uel nu  
 bילו, si modo indigeat euacuatione, planities, uel mon  
 tes, uel serenitas cœli, uel nubes nihil nobis facessunt ne  
 gociū*

gocii ut oporteat aliquid ratione ipsorum medicamentorum  
admisceri, uidelicet, quoniam contraria non sunt medica-  
tioni, sed dissimilia, inter res autem dissimiles non est actio,  
uel passio: Pro secunda dissimilitudinis specie, quae est  
in diuersis generibus, supponendum, quasdam esse medi-  
cinas, quarum temperaturis inest, ut alicui determinato  
membro ita sint familiares, uel inimicae, ut corpori ap-  
plicatae, illi membro uel soli, uel praecipue, aut prosint,  
aut noceant, cui uel prodesse, uel nocere a natura institutum  
est, ut in aloe insignem proprietatem inesse uidemus, quae  
maxime stomacho, intestinisque confert, corallum etiam aiunt  
exterius appositum, uel appensum et pro amuleto ge-  
statum ad uentriculi robor efficacissimum esse, hepatis spe-  
ciem nardi, et rhabarbarum familiarissimum: sed, ut uult  
gares etiam medici norunt, adiantum, seu capillus ue-  
neris renibus, betonicam uesicae, stoechadem capiti be-  
chium siue tusilaginem, quam uulgo ungulam caballinam  
uocant pectori conferre, unde et nomen accepit: Proba-  
uit haec ita esse Galenus primo de componendis medi-  
camentis secundum genera in prooemio contra nonnullos  
antiquorum exemplis ductis a marino lepore, et cantari-  
dibus, quorum cantarides quidem si intra sumantur,  
reliquis omnibus membris, per quae transeunt, sine lesio-  
ne praetermissis, uesicam tantum laedunt, et exulcerant:  
leporem uero marinum pulmone tantum infestum esse, il-  
lumque solum exulcerare quauis per tot alia membra trasea-  
t, et illa quidem mollia, antequam ad ipsum accedat: Simile est,  
quod etiam ab eodem Galeno in libello de ui purgantibus  
medicamentorum dicitur de herba a subulco quodam ob-

## COMMENTARIUS DE

*seruata, quæ hepar eliquabat, totumq; sanguinem edu-  
cebat: Inest, & alia proprietas quibusdã medicinis præ-  
ter hanc, quam diximus membra respicere, uidelicet, e-  
ducendi quendam humorem è corpore, ut scammonia, et  
rhabarbaro bilem, aloi stercus, fecesq; intestinorũ, quæ  
ideo à græcis κοπρωτικὴ, id est, stercoraria medicina ap-  
pellatur, epithymo, & elleboro nigro bilem nigram uel  
atram. agarico pituitam, asparago, & carduo urinam,  
staphisagria, id est, pediculari herbæ manducata muc-  
cos, hordei decocto, & anchusæ, quæ lycopsi nuncupa-  
tur, estq; lactucæ similis sudorem: Ego præterea, olim  
audiui, & accepi à Hieronymo Leandro, qui nunc Car-  
dinalis est, uiro tum aliarum disciplinarum, tum medi-  
cinæ peritissimo, se experimento comprobasse, præci-  
puumq; inter arcana habere, aquam destillatam à flore  
illius uiolæ, quæ bicolor est, purpurea, inquam, & alba,  
foliis incisis, oblongis, uulgoq; notissima, & passim in  
hortis nascens, efficacissimam esse. siquid unq; aliud, ad  
sudorem prouocandum: Et hæc satis de proprietatibus  
medicinarum, quas ideò quartas uirtutes appellauimus  
ut à reliquis tribus qualitatibus distinguerentur: Con-  
sequuntur autem istæ omnes potius formam substantia-  
lem, q̃ qualitatem aliquam manifestam, ideò sola expe-  
rientia depræbendi possunt, neque alia ratione perdi-  
sci, nisi memoriæ mandentur, quod quidẽ facile fieri po-  
terit, cum non adeò multa sint: His igitur ita explicatis,  
uideamus modo, ad quas intentiones directi compona-  
mus tertias qualitates medicinarũ cū huiusmodi quar-  
tis qualitatibus, u: mollitiuam cum prouocatiua urinæ:*

Id profectò faciemus, quando uel plures, diuersæq; res præter naturam inueniuntur in corpore humano, quarum aliæ tertiis qualitatibus, aliæ quartis indigeant, uel quia una tantum res sit præter naturam, cui sit occurrendum sed aliis quoq; medicinis indigemus, ut mēbrum principale aliquo pacto corroboremus: Exemplū primi sit, ut si quis laboret simul, & alui fluore, & retentione urinæ, pro alui quidem fluore constringentibus, & constipantibus indigemus, pro retentione autem urinæ iis, quibus uis inest prouocandi urinam: Ad has igitur intentiones directi hanc, uel similem medicinam cōponemus: exempli gratia: Accipe radicū cardui, asparagi singulorum uncias duas, seminum anisi unciam: De coquantur in tribus libris aquæ fontis usque ad consumptionem medietatis, deinde sumatur succi citoniorum depurati, succi, uel syrupi baccarum mirthorum, singulorum uncia, misceaturq; tribus unciis illius decoctionis, & exhibeatur calidum in aurora: Ex asparagis, & carduis habemus uim prouocandi urinam, miscemus autem asparagos cum carduis, nam si cardui soli sumerentur, nimis uiolentè ducerent, sunt enim efficacissimi: cum autem radicū uncia quatuor essent decoquendæ pro tribus potionibus, nec essent omnes sumendæ ex solis carduis ob rationem dictam, propterea ut simul, & quantitas esset sufficiens, & uis ualidioris refringeretur, sumpsimus medicinam quidem eiusdem uirtutis, sed debiliorem: Et ex hac mixtione habuimus gradum uirium quem sufficere iudicauimus, seruantes rationem methodi quam supra docuimus, ubi de remissione medicinarū



## COMMENTARIUS DE

calidarum ex admixtione alterius medicinae remissius calidae loquebamur: Anisum autem commiscemus, quoniam suis qualitatibus manifestis, caliditate, scilicet, tertii gradus, & facultate, quam habet incidendi, & colligandi separat serositatem à sanguine, urinæq; copiam facit: & pro hoc recurratis ad methodum de simplicibus medicamentis, ad caput de prouocantibus urinam, & hæc omnia uobis patebunt: Ex succo autem citoniorum, uel mirthorum constat nos habere uim constringendi aluum, & ita ex ista commixtione assequimur, quod à principio quærebamus, uidelicet urinæ prouocationem, & alui constrictionem: Exemplum autem secundi, uidelicet, & quando plurimum medicinarum compositione indigemus, quauis uni rei tantum præter naturam sit occurrendum tale erit: Patiatur aliquis hemi-craneam ob acres humores in paniculis cerebri contentos, iste uno quidem affectu laborat, & iste euacuatio prius capite, solis indiget medicamentis, quæ habent uim contemperandi, refrigerandi, et obtundendi acrimoniæ: unde quantum attinet ad affectum sufficeret caput tantum linire oleo ad hoc opus idoneo, quale est uiolaceum, aut nymphææ, quod uulgo nenupharinum uocant, ut tamen actio magis imprimatur cerebro, admiscemus illi aliquam portionem medicamenti, quod habet quandam affinitatem cum capite, quale est oleum gariophilum, uel stœchados contritæ, uel maioranæ: Et sic accipiemus, exempli gratia, olei uiolacei uncias quatuor, olei gariophilorum, uel stœchados, uel maioranæ unciam: Quibus commixtis caput derasum foueatur, uel sic: Accipe.

olei

olei nenupharini uncias tres, stoechadis, aut maioranae diligenter contrite, & cribro excussæ drachmas duas, misce, & cum modico ceræ albæ fiat linimentum pro capite: Haftenus de arte commiscendi medicamēta, in quibus sunt dissimiles qualitates: Sequitur ut de similium qualitatū commixtione differuamus.

Qua arte commisceantur medicamenta secundum qualitates similes.

**A**RBITROR iam ex superioribus esse manifestum, indicationum caput, unde uarietas oritur omnium compositionum sumi ab aliqua re præter naturam, quæ corpori humano contingat, cui si una tantum facultate medicamento occurrere possumus, nullam præter hanc quærimus, si pluribus indigemus, neque omnes in solo medicamento reperiuntur, ad plurius compositionem confugimus: Merito igitur uaria erit compositio pro uarietate rerum præter naturam, quæ nobis occurrunt: Quam igitur de contrariis & dissimilibus diximus, eadem omnino ratio seruabitur in similibus: Et quoniam, ut in therapeutica docetur, indicationis curandi quandoque sumuntur à causis, ubi morbus causas habuerit, quandoque à morbis, ubi morbi non dependeant, sed planè sint perfecti, quandoque à symptomatibus, ubi habebūt rationem causæ, ut syncope & dolor uehemens: Si ergo à causis incipiēda sit curatio, quæ plures sint, non tamen contrariæ, neque dissimiles, sed similes, ad similitudinē cōpositionem accedemus;

quanti

## COMMENTARIUS DE

quando simplex medicina non sufficerit: Sit ergo scirrhus in aliqua parte corporis à materia pituitosa crassifecta, ad quam defluxerit etiam pituita tenuis, & uiscosa, quod quidem sæpe cōtingit, appellaturq; is tumor à Græcis medicis *κίρρῃ* & *οἰδῆματι* *πύσ*. Hic habemus duas causas huius scirrhi similes, admodū inter se, sunt. n. am bæ frigida, & humida, & sub eodem genere, ac nomine pituitæ, aliqua tamen ex parte diuersæ, unde & diuersas faciunt indicationes curandi, pituitæ enim crassifectæ, & indurata conuenit emollitio, & incisio, uiscidæ autem, & tenui abstersio: Sed emollitio materiæ duræ ob crassitudinem, & abstersio frigida uiscidæ, atque incisio crassæ sunt operationes admodum simileis, et ab eadem radice ortæ: Quæ enim dura sunt ob crassitudinē, emolliuntur à calidis, & siccis usque ad secundum gradum, quale est bdellium, et ammoniacum: Quæ frigida, & uiscosa, absterguntur à calidis, & siccis ultra secundum, quale est mel, lupini, aloë: Quæ incidunt crassa, calida esse oportet in tertio gradu, ut ciminum, origanum, calamentum, pyrethrum, piper: Conueniunt præterea in substantia omnia hæc cum ex subtilibus partibus cōstent: Hunc igitur scopum obseruantes, uidelicet, ut similibus causis similes adhibeamus medicinas, scirrhum propositum curabimus, indicatione sumpta à causis: Si peros sumus materiam aliquo pharmaco concocturi, & præparaturi, ita faciemus commixtionem: Accipe myrrhæ, bdellii scythici singulorum sesquiunciā, croci semidrachmam, mellis rosacei libram: Cuius mixtionis singulis diebus mane ieiunis deuorabitur uncia, statimq; postea

*ſtea parū uini aromatici ſuperbibetur: Myrrha, et bdellium pari pondere adiiciuntur, quoniam in utroque eſt par gradus caloris, et ſiccitatis, parq; uis concoquendi, utrunque autem ſimul apponitur, quoniam in bdellio ſcythico, uis maxima eſt emolliendi indurata ob craſſitudinem, in myrrha uero uis eſt moderatè abſtergendi, et iucundo odore ſpiritus uitales, caloremq; naturalem recreat, quibus omnibus indigemus, ideo non fruſtra commiſcentur: Crocus adiicitur quoniam præter ſuam innatam uim, qua habet facultatē concoquendi, habet etiā adſtringendi potentiam, qua retinet calorem naturālē, habet præterea partes admodū tenues, quibus penetrat ad profundum, ut reliquas medicinas deducat, nec minus proprietate pollet, qua cordi tonum uigoremq; adfert, quod non leue præſidium eſt ad aliorum actiones felicitandas: Sub triplo autem pondere tantum, ad myrrhā et bdellium apponitur, quoniam uis illius, et, ut Græci dicunt *ἰσχυρὰ* efficaciſſima eſt, ut paruo admodum pondere efficiat, quod aliæ medicinæ uix maximo poſſunt, demum mel roſaceum adiicitur uim propter abſtergendi, qua maxime indigemus ob pituitā tenuem uiſcoſam, q̄ in propoſito tumore ſuppoſuimus, roſaceum uero potius q̄ ſimplex, quoniā præterq̄, quod magis abſtergit ratione amaritudinis, quam acquiſiuit à roſis, etiā corroborat, et modicè adſtringit, quod etiam nobis cōfert ad retinendū calorem: Si uero occurrere uelimus huic tumori, nihil efferendo per os, ſed remediis exterius applicitis, eaſdē inuentiones obſeruantes admiſcebimus myrrham, bdelliū, ammoniacum, farinā lupinorum, terebinthinam, aloē,*

## COMMENTARIUS DE

aloei, & similia: Vos igitur his, & similibus exemplis excitati, ingenia exercebitis, ut postea & uos metipsi componere sciatis, & aliarum compositionem artificia cognoscere: Quod si à pluribus morbis similibus indicationes curandi sumenda fuerint, eadem prorsus ratione quam de causis diximus, ad compositionem accedentis: Sit enim tracheæ arteriæ præter naturam asperitas cū duritiæ ob siccitatem ortæ, unde tussis, & uox uitiosa subsequatur: Duo hic sunt morbi in compositione, scilicet, asperitas, & durities, non tamen iidem, sed admodum similes, similibus igitur indigebunt medicinis, diuersis tamen: Ergo pro asperitate emplasticas medicinas eligemus, pro duritie mollientes: molliuina autem indurantium propter siccitatem, debet esse humida, et cū nulla prorsus, uel saltem modica caliditate easdem qualitates medicinae emplasticae maximè expetunt, nisi quod crassam, uiscidamque substantiā adiiciunt, quæ tamen mollientibus non adeo aduersatur: Merito igitur hæc medicinae similes dicuntur, & merito in huiusmodi casu componuntur, quoniam & morbi similes sunt: Sumatur igitur tragacanthum, uel gummi arabicum, uel mucilago, seminum maluarum, althææ, citoniorum, uel omnium, uel plurimum ex istis secundum uarias rationes, aut corporum aut morborum quos curamus, ut alias docebinus, commiscantur cū syrupo uiolaceo, aut nenufarino, aut confectioe ex succo tussilaginis, & fiat eclegma, siue lambitium, quod iugitur in ore teneatur, & paulatim deglutatur: In tragacantho enim, & reliquis illis est uirtus emplastica tollens asperitatem, in syrupo autem uiolaceo,

Et iis aliis posterioribus uis emolliendi indurata ob scitatem, quæ tamen ambæ facultates admodum similes sunt, & se inuicem adiuuant, & iure etiã similibus morbis applicantur: Quicquid de causis, morbisq; diximus, idẽ poenitus de symptomatibus pluribus similibus est dicendum: Sit enim dolor colicus ob materiam crassam inclusam intra tunicas intestinorum simul cum adstrictione alui: Hic sunt duo symptomata admodum similia, nã ambo à constipatione proueniunt, similibus igitur tollentur remediis: Vẽtris autem adstrictio lenientibus, & abstergentibus indiget, colicus dolor aperiẽtibus, & discutientibus indiget, sed istæ omnes facultates perquàm similes sunt, & ab iisdem ferẽ principiis oriuntur, nam tenuem substantiam pariter requirunt cum caliditate moderata: Nos igitur ad has facultates animum dirigentes enemata componemus, quale erit hoc, exempli gratia: Accipe oxymellis simplicis uncias quatuor, olei camomelini, anethini singulorum uncias tres, duo uitelluorum, ptisanæ colatæ uncias quatuor, misce, & fiat enema: Ab oxymellite uim habemus abstergerendi, incidendi, & irritandi, incidendi quidem, et abstergerendi pituitam crassam, & lentam, quæ plerunq; & plurimum remoratur feces, irritandi autẽ intestina, ut uirtus expulsiua excitetur ad expellendũ, ab oleo camomelino, et anethino habemus uim aperiẽdi, et discutiẽdi, utrũq; autẽ cõmiscemus, ut anethini caliditas potẽtior refringatur à camomelino, remaneatq; intẽsior quidẽ, q̃ in camomelino solo, remissior autem, q̃ in anethino solo ut ita idonea sit ad maiore aptionem, ita tamen, ne plus æquo, incalcescat locus,

## COMMENTARIVS DE

locus, & inde sequatur attractio nouæ materie: ptisanæ ponitur, ut simul adiuuetur abstersio, simulq; si quæ mordicatio in affectis intestinis ab oxymellite impressa fuerit, ut inde augeatur dolor, liniri, obtundiq; possit: ad ptisanæ æqualitatem uitella ouorum adiciuntur ad molliendum, doloremq; sedandum: Erit igitur hoc enema propositis symptomatibus ualde conueniens, ac nobis exemplū paratum similia componendi, easdem, quas non fecimus, intentiones obseruando.

*Qua arte commisceantur medicamenta secundum quartas qualites.*

**R**ELIQUVM est modò, ut de mixtione quar-  
tarum qualitatū differamus, ubi diutius remo-  
rari non oportet: Iisdem omnino scopus admiscebuntur,  
quibus tertias admisceri diximus, modò contrarias, mo-  
dò dissimiles, modò similes componēdo, prout causæ, uel  
morbi, uel symptomata contraria, aut dissimilia, aut si-  
milia fuerint: Si quis enim urinæ difficultatem, quam  
strangriam uocāt, patiat, ac simul podagrico dolore  
laboret: certum est, si quis ambo symptomata curare uo-  
luerit, medicinas admiscere necesse esse, quæ aduersus  
utrumque pugnent, Adianton igitur, exempli gratia, al-  
theam, daucum, fœniculum, sparagum, gradum cum ca-  
mepiti, id est, iua, acoro, hermodactylis, rhapontico, my-  
rabalanis chebulis, & reliquis huiusmodi commiscebi-  
mus scientes quidem in adianto, & aliis deinceps præ-  
dictis uim inesse prouocandi urinam, in camepiti autem,

Et quæ sequuntur, partim purgandi, partim corroborandi articulos: Hoc igitur modo, et calle procedentes in quartis his uirtutibus, sicut in aliis prioribus docuimus, ingenia ad componendum exercebitis.

Qua arte commisceantur medicamenta,  
secundum substantias, uel mo-  
dos substantiæ.

**C**VM explicauerimus, quot modis, et qua arte, uel uia qualitatum genera simul componi debeant: Sequitur, prout à principio erat institutum, ut de substantia, uel modis substantiæ tractemus: Sæpe enim contingit, ut aliqua substantia ratione crassitudinis, uel asperitatis, aut alicuius similis impedimenti sit moderanda, et temperanda: Vt igitur id quoque certa methodo, atque arte explicemus, proponendæ sunt insigniores omnes contrarietates, quæ in modo substantiæ inueniuntur, ut ex iis postea componendi rationem eliciamus: Nolim tamen uos opinari, illas omnes nobis esse necessarias, quæ quarto meteororum ab Aristotele enumerantur, plurimæ enim earum sunt, quæ nihil ad nos pertinent: Quæ uero usui nostro deseruiant, ferè tot sunt: Crassities, tenuitas: Durities, mollities: Asperitas, lenitas: Acuitas, obtusio: Tarditas, uelocitasque operationis: Facilitas ad resolutionem, et ad eandem difficultas.



## COMMENTARIUS DE

### De mixtura tenuium, & crassorum medicamentorum.

**T**enuem igitur medicinam crassæ admiscemus, ubi crassa quidem indigemus, illa tamen præ crassitudine sua non potest penetrare ad partes, ad quas penetrare oporteret, propterea cum tenui admiscemus, nullum alium usum à tenuitate quærentes, nisi ut penetrationi succurrat, cum alioquin etiam sit fortasse potius detrimento: Hanc autem methodum, & rationem tradidit nobis Galenus in x. de componendis medicamentis κκτὰ τὰς τὸν δὲ Capite primo: Si quis enim ulcus in uestica patiat, ratione ulceris indiget emplasticis, conglutinantibus, & adstringentibus: Sed quoniam hæ omnes facultates in crassa substantia fundantur, admiscemus illis diuretica, quæ sunt tenuis substantiæ: Sumamus igitur, exempli gratia Andromachi descriptionem eodem loco positam à Galeno, ita habentem: Accipe seminum lini, seminum papaueris albi, seminum cucumeris, tragacanthæ, singulorum drachmas duas, amyli drachmas quatuor: Ex aqua pastillos format miro artificio doctissimus Andromachus, & ad exulcerationem uesticæ hoc medicamentum componit: Semper enim ulceribus uesticæ duo adiunguntur dolor, & inflammatio: Notetis, igitur obsecro uos, artem summi uiri: Primo ponit semen lini, in quo sunt uires molliendi, discutienti, sedandi dolorem, & propter tenuitatem substantiæ penetrandi, quibus omnibus indigemus: molliere enim, & discu-

discutere oportebat inflammationem, dolorem sedare, penetrationemq; adiuuare ad loca remota propter crassitudinem aliarum rerum, quæ postea admiscuntur: Ad iungit deinde, etiam semen papaueris albi, in quo uis est ob refrigerationem leniendi inflammationes, sedandiq; dolores sed præterea somnum conciliat, unde uires patientis recreantur, concoctionesq; adiuuantur, & fluxiones ad uesicam sistit, quod maxime confert ulceri sanando, neque interim caret tenui substantia, quæ facile penetrat: Subditur semen cucumeris, quod iā planè diureticum est ita, ut tanq̃ familiare medicamentum emplastica, & adstringentia ad uesicam commodissime cōuehat, quæ sunt uera ulceris remedia, neque propterea tamen ociose conuehit, sed interim & ipsum sua frigiditate inflammationem sedat, & dolorem lenit: Vltimo ponitur tragacanthum, & amylum, quæ sunt fundamenta, & ut uulgo loquuntur, bases compositionis: Vlcus enim est, quod sanare intendimus, id autem per se facere potest in uesica tragacanthum, & amylum, habet enim utrūq; uires emplasticas conglutinandi, & adstringendi, quæ omnia sanando ulceri uesicæ commodissima sunt: Admirabilis igitur quædam proportio, et harmonia est in huiusmodi mixtione, nec credatis minorem esse artem in pōderum proportionem, sed in his uos alibi exercebimus: Crassam uero medicinam per contrarium tenui admiscemus, cum tenui quidē indigemus, crassam tamen admiscere oportet ratione, uel mēbri, uel tēperaturæ ratione mēbri, ut si humor uiscidus, crassus in pulmone cōtentus incidendus, abstergendusq; sit, ad hunc usum indigemus

## COMMENTARIUS DE

*medicina tenuis substantiæ, calida, & sicca: Sed trachea*  
*arteria ab huiusmodi exiccantibus, & calfacientibus*  
*ad nimiam asperitatem duceretur, tussisq; immodica pro*  
*uocaretur, emplasticam igitur medicinam cum inciden*  
*te, & abstergente commiscemus, ut simul & humores*  
*crassi in pulmone contenti præparentur, & interim tra*  
*chea arteria defendatur à nocumento: Hac ratione à Ly*  
*sia medico confectio quædam arteriaca instituta est,*  
*quæ in vii. de componendis medicamentis κατὰ τὴν ῥά-  
 πιν describitur à Galeno; ita autem habet: Croci, myr*  
*rhe, succi glycirrizæ, thuris, cassiæ aromaticæ, singulo*  
*rum drachma, piperis grana xxiiii. passi cretici, mellis*  
*attici, singulorum cyathos tres: Vtilitas huius medica*  
*menti principalis est concoquere, & attenuare crassos*  
*humores in pulmone contentos, ideo pro coctione quidē*  
*crocus, & myrrha adhibentur, inest autē myrrha præ*  
*ter coctionē uis quoque abstergendi, propterea non fru*  
*stra additur croco, ad quem etiam usum mel adiicitur:*  
*Pro incisione autem adiicitur piper, in quo est uis inci*  
*dendi efficacissima, ideo & maxima quantitas huius im*  
*ponitur, quoniam præcipua est intentio incidendi, maxi*  
*nam quantitatem uoco grana xxiiii. piperis, tum ratio*  
*ne uirium acerrimarum, tum respectu modicæ quanti*  
*tatis reliquarum spetierum, quæ in hac compositione in*  
*grediuntur: Cassia autem præter uim, quam habet inci*  
*dendi, & attenuandi, prohibet etiam putrefactionem,*  
*Idèò utilissimè piperi adiicitur, humores enim crassi in*  
*pulmone contenti facile putrescunt, unde febres mali*  
*gnæ oriuntur: Sed proculdubio tot abstergentia, & inc*  
*identia*

cidentia nimis exiccarent, exasperarentq; arteriam, & importunam tuſſim plus a quo excitarent: Summa igitur arte prouidit author, ut emplaſtica, craſſa q; ſubſtãtia medicamenta admicerentur, ut ſic liniretur arteria, & ab incidentium, ac abſtergentium iniuria uindicaretur, opportuniſſime itaque adduntur thus, & paſſum creticum, in quibus ambobus uis eſt emplaſtica, & craſſa ſubſtantia, nec minori artificio pro hac intentione thus adiicitur paſſo cretico: quanto enim uis maior emplaſtica in thure, & craſſior ſubſtantia, tanto in paſſo uiſcoſitas ſuperat, aptiſſima q; eſt ad remorandum, retinendumq; in tranſitu materiam, quæ applanet, & adæquet aſperitatem eius, præterea liquor, & fluor cõmodiſſimus eſt ad motum, & penetrationem, quo prorsus carebat thus, quin etiam ob ſuam dulcedinem non parũ habet cum natura affinitatem, ut facile natura ipſum amplectatur, & ad actum ducat: Hic obiter notandus eſt error codicis, tam græci, q̃ latini: Interpres enim errorem non uidit ob imperitiã artis componendi: Vbi igitur ſcriptũ eſt, paſſi cretici ſextaria tria, tu cyathos ponito, nimis enim abſona proportio eſſet, tum triũ ſextariorum paſſi ad tres tantum cyathos mellis, tũ drachmæ quinque ſpetierum, quæ ſolæ totum compositum ingrediuntur ad tria ſextaria paſſi, quæ græca ratione computando conficiunt libras quatuor cum dimidia.

De mixtura mollium, & durorum medicamentorũ.

**D**Vra autem cum mollibus commiſcemus, uel cõ-

## COMMENTARIVS DE

moditatis gratia, ut quando aliquis abhorreat medicinam solidam, sicut pilulas, & huiusmodi, tunc diluimus cum aliquo decocto, aut infusione, aut aqua, ut simul emolliatur, potabileq; reddatur, quod durum, & solidum est, simulq; adiuuetur aliquo utilitatis genere medicamentum, uel refringendo eius caliditatem, aut acrimoniam, aut foetorem, uel augendo uim soluendi, uel tale aliquid operando: neque enim debemus liquorem, quo medicamentum diluimus ociosum sumere, & sinere, quin & ipse aliquid adferat commodi: Vel admiscemus dura cum mollibus, ut ad ulteriores partes, ad quas transire intendimus, medicamentum ducatur: Et hac ratione Galenus species hieræ picæ simplicis ex uino, aut aqua potandas iubet, ubi optat eius uim ultra iecur procedere: Hic autem durum, & molle intelligere oportet, non propriè, quemadmodum quarto meteororum Aristoteles intellexit, & secundo de generatione, atq; interitu: sed cõmuni significato, pro quocunq; solido, & liquido.

### De mixtura lenium, & asperorum medicamentorum.

**A**speri uero, & læuis mixtionē facimus, uel quia re aliqua indigemus, cui contingit esse asperam & querimus remota eius asperitate, quæ nobis impedito est, cæteris commoditatibus frui, tunc enim admiscemus aliquid læue, quod emendare possit asperitatem: Vt in fluore alui orto à nimia humiditate uentri- culi, & intestinorum, ubi pro exiccandis, corroboran-  
disq;

disq; his partibus indigemus corallis, margaritis, electro, testis uncinorum crematis, & contritis, ac talibus aliis: Sed si timuerimus, nè sua naturali asperitate nimis abstergant, irritentq; uentriculum, & intestina, atque inde fluorem adaugeant, tunc illis admiscemus, exempli gratia syrupum de iuiubis, de siliquis, de mirthis, carnes palmularum, aut tale aliquid: In his enim omnibus est quedam uis leniendi, & emplastica, qua tollitur asperitas præcedentium: Vel asperitatem quidem querimus, at quia transitura est per loca angusta, mollia, & iniuriæ maximè exposita uolumus efficaciam eius refringere, & temperare: Et hac intentione in calculo renum comminuendo, & expellendo utilissimè miscemus uitrum combustum, & contritum cum mucilagine seminum altheæ, cytoniorum, psilii, gummi arabico, tragacanthæ, ethuiusmodi: Nā meritò timēda est nimia uitri asperitas, nè trāsiciens per angustos renū meatus, aliquā partem exulceret, propterea opportunè adduntur emplastica, lenientesq; mucilagines.

De mixtura medicamentorum, quæ tarditer,  
et uelociter operantur.

**T** Arditas præterea operandi nos sæpe cogit ad compositionem accedere, ut si exhibenda sit aliqua medicina cathartica, & illa adeò tarde operationis fuerit, ut periculum sit, nè eius operatio, uel occurrat alicui magno paroxismo futuro, uel noctu cogat ad importunos secessus, unde æger, & alageat, & à somno arceatur: Vt ergo eiusmodi incommo-

## COMMENTARIUS DE

da euitemus, addimus illi aliam medicinam, quæ cito operetur, non quidem adæquatis uiribus, uel pōderibus, neque enim leuis error sequeretur propter nimios, inæqualesq; motus, qui in corpore fierent, ut diffusius suo loco docebimus: sed ita moderanda sunt utriusque pondera, & uires, ut medicina tardæ operationis, quam eligimus, & cuius operationes exquirimus prorsus in hac mixtione dominetur, & nullo pacto ab alia trahatur, superetur, & corrumpatur, sed tantum excitetur, quod facile fit, dum uirtus minoris medicinæ cito operantis attrahere incipit proprium humorem, tunc enim calor naturalis, & spiritus acuuntur, uiæ, & meatus dilatantur, ac facultates tam attractiua, quam expulsiua excitantur, unde & medicina tardæ operationis expergescit, & ad actum deducitur: Hac ratione plurima medicamenta cathartica apud græcos, & arabas medicos composita inuenietis, ubi mirabili artificio scammonium, exempli gratia, cum agarico, & colocynthide copulatur, neque propterea sibi ipsis dissident clarissimi illi uiri, cum prius iusserint admiscendas non esse medicinas tardæ operationis, cum his, quæ uelociter purgant: Nos autē proprium caput de hac re inferius facturi sumus, ubi purgantium medicinarum uarias compositiones, admirandaq; antiquorum artificia docebimus.

De mixtura medicamentorum facile, uel  
difficile resolubilem.

**P**raterea contingit saepe, ut quarundam medicinarum

narum uires sint adeo resolubiles, ac transpirabiles, ut præ nimia uelocitate resolutionis usum præstare non possint, cuius gratia illas cōquisuimus: Sunt igitur coercedæ cum suo contrario, quod tardè transpiret, et resoluatur: Et hoc consilium obseruantes pomum solemus conficere, quo tempore pestilentia, & febrium pestiferarum, & in qualibet Epidemia, medici, & alii quoque uulgares omnes passim uti consueuere ad contagiosos halitus resoluendos, repellendos, et corrigendos: Species enim aromatum odoratorum, ut ambra, moschi, camphora, cinnamomi, gariophylorum, ladani, & reliquorū huiusmodi subigimus cum gummi arabico, aut tragacantha dissolutis in aqua rosacea: Harum enim emplasticarum medicinarum uisciditate, & crassitudine, aromatis tenuitatem, transpirabilemque naturā coercemus, ut diutissime in poma odoris iocunditas persistat, & conseruetur, quod nisi fieret, euanesceret, & cito admodum diffilaret: His, & huiusmodi intentionibus modos substantia in medicinis corrigimus. semper id obseruādo, ut extremorum congrua æqualitas obseruetur, quæ ad certum usum accommodari possit, uidelicet, extremorum alterum modò intendēdo, modò remittendo, prout persuademur à fine, quem assequi intendimus.

Qua arte commisceantur medicamenta iocunditatis gratia.

**E**X is, quæ hætenus dicta sunt, apparet etiam, quo modo iocunditatis gratia medicinas commisce-



## COMMENTARIUS DE

mus, quod erat tertium huius sectionis principale membrum: Iucundas enim medicinas reddimus delicatiorum gratia, uel uarios sapores commiscendo, ut dulcia, acria, acida, salsa cum amaris, pro uario quorumlibet gustu, uel uarios odores, ut odorata cum foetidis: Sunt etiam nonnulli adeò molles, ut colores etiam aspernentur, quibus omnino consulendum, ut uel ipsi inuiti ad sanitatem ducantur, remittendiq; colores cum suis contrariis, quos abominari uidentur: Liquores præterea crassos, & turbulentos plurimi respuunt, qualis est præcipue cassia diluta, quibus si propinandi sunt huiusmodi liquores, intendendum, ut quam maxime tenues propinentur: quo casu ego consueui, & experimento commodissimum esse deprehendi, ut iure pulli, quam feruentissimo huiusmodi medicinae diluantur: facile enim & à pauco liquore attenuantur, quæ alioquin in nimiam molem excresceret, si frigidum esset, quo diluuntur: Insuper autem augeri possunt intentiones, & inde etiam augeri numerus componentium medicamentorum, exempli gratia: Si contingerit, ut non tantum plures qualitates sint commiscendæ, sed simul substantia quoque permutanda, simulq; gustui assumentis consulendum: tunc enim cōgregatis tot intentionibus necessarium est aliam compositionem conficere, quæ iis omnibus satisfaciat, neq; erit difficile, ut hoc quoque assequaris, si modò in illis, quæ præcesserunt, fueris mediocriter exercitatus: atque ita primæ sessioni finis imponetur, in qua tractare polliciti sumus, qua arte medicinae essent commiscendæ, siue qualitates tantum, siue substantia, siue iucunditas assumentis, siue plu-

plura, aut omnia simul attenderentur: Ad reliqua igitur progrediamur, unum tamen primo admonentes, ne aliquis admiretur, si ego in qualitatibus recēsendis nullam mentionem fecerim de coloribus, quoniam à Galeno in libro de componendis medicamentis κατὰ τὰ γινώσκοντα diligenter fuerunt obseruati, ut nostra non egeant obseruatione: colores enim considerantur à medicis, uel ut medicamenta uisu gratiora spectantibus offerantur, quod parui admodum momenti est, & medico graui ferè indignum: de hoc satis erunt, quæ paulò ante de coloribus dicebamus: Vel considerantur colores, quoniam coctionis, mixtionis, & tandem cuiuslibet præparationis modi, & perfectiones ex coloribus compositorum cognoscuntur, quod quidem in medicina magnum est: Neque hoc sensu omnino de colore considerationem omitti oportet, sicut, & meritò non omisit Galenus in iis libris κατὰ τὰ γινώσκοντα ubi emplastrorum conficiendorum artem diligentissimè tradit: Nos hanc quoque partem in sectionibus proximè consequentibus suo loco non contemnemus.

## SECTIO SECVNDA.

De præparatione medicamentorum.

**E**X tribus maximis partibus huius artis primariam quidem, multiformemq; confecimus ubi intentiones omnes explicauimus, quibus medici in qualitatibus, in substantia, & assumentis commo-  
do

## COMMENTARIUS DE

do ad diuersas compositiones accedunt: Duæ uero sequētes longe maioris artificii occurrunt nobis, ex his enim duabus prima, quæ in toto ordine secunda est, docebit, quomodo medicinae in seipsis, sine aliqua commixtione considerata, & cur, quouē cōsilio sint præparanda, profundum omnino, & non nisi eruditissimi uiri opus: neque enim tantum supponit omnium naturarum, omnium ægritudinum, omnium temporum rationem, ad quæ hæc ars dirigenda est, sed etiā omnium simplicium, quæ præparanda sunt exactissimam cognitionem ita, ut non tantum ea noscamus à figura, à magnitudine, & à colore, qualia sint, sed ad eorum quoque substantiam medullitus ingenio penetremus, ut sciamus, quænam melius, deterius ue infundantur, decoquantur, destillentur, putrescant, terantur, triturentur, incidantur, & reliqua huiusmodi: peritissimum præterea scientiæ rerum naturalium huius artis inuentorem esse oportet, ut sciat uarios effectus calidi, & frigidi, uariasq; passionés humidæ, & sicci, si modò ab illo distinctè ratio omnis diuersitatis tractanda est, quæ medicinae multifariam præparantur: Altera uero e duabus, quam in toto ordine tertiam collocauimus, quæ non tantum tractabit, quæ arte commiscenda sint medicamenta, sed etiam, quo modo in mixtione sint præparanda, reliquas duas excedit artificio, & doctrina: primò enim supponit, quæcunque in reliquis duabus sciēda esse diximus, deinde addit proportionum rationē, quibus medicinae admisceri debent, quas proportionēs qui recte metiri uelit, in arte excellentissimum esse oportet, summaq; ingenii acrimonia, & doctrina

*strina pollere: pernoscenta enim ab illo est, non tantum mensura omnium uirium, et effectum medicinarum, sed etiam mixturarum contemperamentorumq; rationes, ut quid, quantum, qualeve resultet, si hæc res cum illa iungatur: quomodo enim si hæc exactè non nouerit, proportionum mensuram metiri poterit? Fermentationum præterea uires quàm optimè callere oportet, quæ potissimè fiunt ab aere, ab igne, et putrefactione, quæ quidem res, quàm multiplex, quàmq; scitu perdifficilis, sit indicanthi, quos uulgò Alchymicos uocant, qui integras ætates diu, noctuq; in fermentationum arte consumunt, atque ultimo, tandemq; circa proprium studium cacutiunt: In rebus igitur tam arduis, tam pulchris, tam necessariis, imo etiam tam raris, ut à nullo hæctenus nisi tanquam per somnium sint pertractatæ, si quis uobis polliceatur, se de his rebus tarditurum, quicquid longa ætate, assiduis studiis, cogitationibus, experimentis, obseruationibusq; adinuenerit, ac sub certa ratione, et methodo collocauerit, uosq; tamen segnes, tardosq; ad artem tam præclaram reddatis: Ego uos non tantum segnes, sed stupidos quoque, marmoreosq; iudicauero: Ne igitur tâta nota censeamini, attendite obsecro, quæ dicturi sumus in artis mysteria ingressuri, à medicinarum singularum præparatione, quæ aliis nō admiscuntur, initiū faciētes.*

*Quot modis præparentur medicamenta.*

**M**edicinæ singulares plurimis quidem artificijs præparari solent, ut usui quàm maximè reddantur

## COMMENTARIUS DE

dantur idoneæ: Præcipua tamen, & medicis familiarissîma sunt: Ablutio: Infusio, seu Maceratio: Restinctio: Elixatio, Frictio: Torrefacio: Adustio: In calcem redactio, calcinationem uulgò uocant: Incineratio: Destillatio: Putrefactio: Arefactio: Insalatio: Suffumigatio: Oleificatio: Expressio, uel exuccatio: Colatio: Despumatio: Desquammatio, seu decorticatio: Incisio: Trituratio: Dersio, seu sectio in ramenta: Contritio: Cribratio: Calfacio: Refrigeratio: De quibus omnibus, ut hæc doctrinæ partē assequamur singulatim à nobis dicendū est.

### De ablutione medicamentorum.

**A**bluimus igitur medicinas, ut uel uis aliqua addatur, uel auferatur, uel tertio, ut abiecta medicina, diluto eius tantum utamur: Liquores autem, quibus abluere solemus, sunt aqua dulcis, aqua salsa, uinū, acetum: Aqua dulci præcipuè abluimus, uel quando uim medicinæ auferre, uel addere uolumus, et sic cadmiâ, calcē lithargyriū, et omnia metallica abluimus, ut uis quæ inest illis, uel mordicandi, uel adurendi, tali ablutione auferatur, & tamen sine molestia aliqua exiccent: Ideo uidetis in omnibus emplastris conficiendis ad uulnera, ulceraq; consolidanda semper huiusmodi materias alui: uel abluimus, ut non tantum uim aliquam auferamus, sed etiam contrariam addamus, & sic ceratum frequenti ablutione purgamus, ut non tantum, si calor aliquis illi inest, aut mordicatio, auferatur, sed uis quæque emplastica, & refrigeratio per talem ablutionem acqui-

acquiratur : Aqua uero salsa abluimus, uel cum dulcis  
ad intentam medicinæ purgationem non suffecerit : &  
sic nostra ætate ceram aqua salsa abluimus, ut exquisi-  
tissime purgetur, & candorem acquirat : uel ut ablu-  
tæ rei salsedo ad certum usum addatur, & hoc consi-  
lio linimentum pro scabie confecturi terebinthinam, aut  
larisfinam aqua salsa abluimus, ut addatur salsedo ad  
extergendam scabiem, & exiccandam efficacissima :  
Vino abluimus, ut rei abluendæ addatur, uel calor  
uel odor, uel uis corroborandi : Calor, ut quando æsta-  
tis tempore mora, persica : & huiusmodi fructus frigi-  
diores uino potenti abluimus, ut minus noceant stoma-  
cho frigidiori, nec tam facile putrescant : Odor, ut quan-  
do rhabarbarum aromatico uino irrigamus, ut eo odo-  
re naturæ sit iucundius, & foelicius operetur : Vis cor-  
roborandi, ut lithargyrum, aut pompholyg. m, quam  
thutiam uulgò uocant, aliquid tale uino acerbo, &  
adstringenti abluimus ad nonnulla emplastra conficien-  
da, ut maior uis corroborandi, exiccandiq; addatur :  
Aceto abluimus, ut uis medicamenti excitetur, substan-  
tia attenuetur, penetrabiliorq; reddatur : & sic cori-  
andrum aceto præparant officinæ, ut eius substantia,  
crassa alioqui, & terrestris, tenuior, aptiorq; reddatur :  
Consilium uero nostrum abluendi medicinam, ut ipsa  
abiecta, diluto tantum utamur, est quando in medicinæ  
superficie uis aliqua fuerit, qua tantum indigemus, at  
reliquæ partes usui nostro inutiles sint, & sic cineres  
uariorum lignorum, uariorumq; metallorum ablue-  
re solemus, ut inde dilutum, quod *νορις* græci uocant,  
lati-

## COMMENTARIUS DE

latini lixiuium, conficiamus, ad uarios usus nobis idoneum, quod etiam à prudenti artifice ex omnibus illis liquoribus confici potest, ex aqua, inquam, dulci, & sal-  
sa, uino, & aceto: Si enim methodum, uiresq; simplicium, ægritudinumq; ac corporum naturas cognoueritis, scie-  
tis facile, qui nam ex iis liquoribus aptius lixiuium sit confecturus.

### De infusione, seu maceratione medicamentorum.

**I**Nfundi medicinam uocamus, quando tam diu in ali-  
quo liquore immergitur, quamdiu tota tā interiorius,  
quam exteriorius madescat, & maceretur: Vnde, & anti-  
qui talem infusionem macerationem appellauerunt, &  
quod nos infundi dicimus, ipsi macerare dixerunt: In-  
fundimus igitur medicinas (utar enim uocabulo minus  
proprio, sed magis usitato) simili modo, ac lixiuia pau-  
lo ante confici dicebamus, ut, scilicet, per macerationem  
tota pars subtilior exprimatur, terrestris uero, tanquā  
usui nostro inutilis relinquatur: & in hoc differt à con-  
fectione lixiuii: nam in lixiuie conficiendo medicina  
adhibita, & abluta non madescit, aut maceratur, sed tā-  
tum à superficie tenuis quædam materia, & uapores a-  
cres eliciuntur, et eleuātur, qui in liquore ablutente per-  
sistunt: In infusione autem tota substātia rei infusæ ma-  
descit: ac tali madefactione seu maceratione totus ab il-  
la succus exprimitur, & pars tantum terrestris rema-  
net: Ergo ad infusionem accedimus, quotiescunque oc-  
currunt nobis medicinae, quæ contrarias, aut dissimiles  
habent

habent substantias, uel uirtutes, nosq; aliqua tantum illarum indigemus: reliquæ uerò nobis obstant, ut si qua medicina partes aliàs crassas, terrestres, & adstringentes, & alias partes igneas, aut aereas, tenues, & aperientes, ac expurgantes habeat, indigeamusq; nos tantum tenuioribus partibus purgantibus scilicet, & aperientibus, nullog; usui futuræ sint nobis partis terreæ, & adstringentes, sed potius nocumento: tunc enim huiusmodi medicinam infundimus, ut tali infusione pars usui nostro utilis ab inutiles separetur: & tali consilio myrallanos, rhabarbarum, aloën infundimus: quolibet enim istorum habet partes dissimilares: adstringentes, inquam, terrestres, & aperientes igneas, uel aereas: Vbi igitur purgantibus tantum, et aperientibus indigemus, adstringentes uerò, terreæq; partes nobis inutiles sunt, huiusmodi infusionē, et asperisionem, expersionemq; perficimus: Est etiam alia utilitas infusionis, sunt enim quædam medicinæ, in quarum substantia, uel uenenositas, uel uis aliqua erodens, inhærens, nec facile extirpabilis inuenitur: Vt igitur à damnoſa substantia qualitatem utilem separemus, quoniam, scilicet, earum uirtute purgante tantum indigemus, ad infusionē accedimus: Et hoc consilio, ubi corpora debiliora nacti fuerimus elleborum nigrum infundimus, & infusionem tantum propinamus abiecta substantia, in qua uis quædam delibatoria, & deterrima est, neque omnibus corporibus tutò exhibenda. Tali quoque consilio habentibus uiscera debilia, aut subiectis colico dolori agaricum exhibituri, ipsum infundimus, ut ab infusionē uim purgandi habemus, et sub



## COMMENTARIUS DE

stantiam tanquam periculosam reiiciamus, & imbecillis intestinis adhæreat, & tormina excitet, ut frequenter facere solet, cum alioquin ob leuitatem, raritatemque sue substantiæ facile adhæreat, & ad euulsionem pertinax sit: Liqueores autem infusioni idoneos eligimus secundum varias intentiones à nobis propositas: Si enim substantia rei infusæ medullitus quæ sitas uirtutes abstergere intendimus, liquorem elegimus, in quo sit uis abstergendi efficacissima cum tenuitate substantiæ, quæ penetret ad profundum, et in hoc casu eligimus serum lactis: est enim sua uis abstergendi, & substantiæ tenuitate ad hunc usum accommodatissimum, ut merito Mesue illud infusionum materiam appellauerit: Vbi uero caliditatem, aut naturæ familiaritatem, aut alicuius membri corroboracionem querimus, non impediente febre, in uino optimo infundimus, aut in aliquo decocto medicinarum, membro corroborando idoneo: Demum liqueores innumeris penè modis uariamus, pro ut nobis medentibus uariæ utilitates, uariæque occurrunt consilia eligendi quod magis præstare putamus: Et hoc commune est ablutionibus infusionibus, reſtinctionibus, elixationibus, & buiusmodi,

### De reſtinctione medicamentorum.

**R**estinguere dicimur, quando aliquam materiam ignitam in quopiam humore, seu liquore sæpius suffocamus: Id facere solemus, ut uel uaporem tantum à re extincta habeamus, uel ut liquorem, uel ut euaporatis tenu-

tenuioribus partibus crassiores ad certum usum seruemus, uel tertio, ut liquore abiecto ipsa re sepius extincta utamur: Restinguimus interdum uaporis tantum colligendi gratia: quando pyritem lapidem, quem uulgo marchasitam uocant, aut lapidem molarem sicut Galenus in scyrrho curando docet, accensum in aceto suffocamus, ut uapore inde emanante à tali suffocatione scirrhi duritiem resoluamus: Liquorem tantum habere intendimus, quo utamur, quando ferrum candens in aqua sepe restinguimus, ut postea illam potandam demus ad uentriculum, uel lienem, uel intestina corroboranda, & ad uenarum fracturas, ad aliasq; multas commoditates: Euaporare autem studemus per extinctionem tenuioris partis, ut crassis tantum utamur, ut quando in lacte tam diu lapillos ignitos extinguere non cessamus donec pars tota serosa, ac pinguis diffarit, casei tamen substantia permanserit, quem cibum offerre solemus his, qui dysenteriam patiuntur: & hoc etiam documentum Galeni est: Rem extinctam abiectis liquoribus chyrurgi præcipue quærent, qui metalla ignita, quandoque in aqua, quandoque in uino, quandoque in aceto frequentissimè solent extinguere, ut iis postmodum utantur tanquam magnopere exiccantibus aut carnem superfluum remouentibus, aut aliquid tale molientibus.

#### De elixatione medicamentorum.

**C**um elixatio (ut rectè dixit Aristoteles quarto

## COMMENTARIUS DE

meteororum) sit maturatio quædam humoris interminati existentis in re elixanda, quæ maturatio fit à calido humido circumstante, ut ab aqua: Nos semper rei naturam obseruantes, tali instrumento in præparandis medicinis utimur ad uarias commoditates: Quandoque enim elixamus, ut humor crudus aliquis, & redundans, ac propterea inutilis, maturetur per elixationem, & terminetur, usuiq; nostro commodior efficiatur: Et sic non tantum ferè omnia cibaria, quæ elixantur, hac ratione elixari solent, sed etiam q̄ plurimæ medicinæ: Ita enim ad cataplasmata conficienda, præcipuè in quibus est maturandi uis, herbas ingredientibus elixamus, ut excerptis, exhalatisq; excrementis humor reliquus maturationi reddatur idoneus: Quandoque uero elixamus, quando alicuius medicamenti succo indigemus, fueritq; ille paucus, suisq; partibus terreis adherens multum nec possit aliqua contusione, uel contritione exprimi, neq; aliter, q̄ exquisitissima elixatione elici queat: Atque hoc consilio adductus Dioscorides in succo à gentianæ radice extrahendo, succus, inquit, ex illa hoc modo colligitur. Tunditur radix, ac diebus quinque madefcit, deinde in eadem aqua coquitur, quousque superstet radices, cumq; frigerit aqua, per linteam traicitur, elixaturq; rursus usque ad crassitudinem mellis, & picato uase reconditur: Hæc uobis ex Dioscoride recensere uolui, ut esset perpetuum præceptum, & regula ad cæterarum herbarum, & radicum succos aptè extrahendos, in quibus paucus admodum, terrestrisq; liquor, & succus extiterit: Neque enim, exempli gratia, à betonica;

ca, aut roremarino facile alio pacto, q̄ isto succi copiam habebitis: Quandoque elixamus, ubi nec ablutio, nec infusio sufficere uidentur ad uires medicinae euocandas: et sic myrabalanos post infusionem decoquere solemus: à sola enim infusione parum admodum uigoris extrahimus: Nam adeò terrestres, & acerbi sunt, ut necessaria sit elixatio, si uim illorum purgandi habere uelimus: Omninoq; in quacunque elixatione duo sunt perpetua: primum, quod humor rei elixatae à centro trahatur ad circumferentiam, tum in liquorem elixandum: secundū, quod humor ille attractus maturetur, & terminetur ad alium modum substantiae ita, ut saepe etiam qualitates, et uirtutes proprias immutet, reddaturq; ex tenui crassior, ex acerbo dulcior, & in reliquis huiusmodi: In hocq; maximè differt infusio ab elixatione, quoniam infusio extrahit succum à re infusa non uariatum, uel alteratum extra propriam naturam sed talem omnino sicut erat prius, unitum suae parti terrestri: Neque enim hic alia causa alterans intercedit, nisi simplex penetratio liquoris ad profundum rei infusae, quidē postea exprimitur, omnes simul partes tenues in ea expressione eliciuntur: Sed in decoctione per actionem calidi in humido non solū extrahitur humor in re elixata existēs, uerū etiam decoquitur, & alteratur: Vbi igitur medicinae uires integras conseruare uoluerimus, sola infusione utemur: nā in elixatione plurimum partiū tenuiorū in uapores resoluitur, in quibus partibus potissimè uis erat purgandi efficacior: Et ideo rhabarbari infusio copiosius, & foelicius educit, decoctū uero longe debilius:

## COMMENTARIUS DE

Quod ita esse aperte ostenditur in melle decocto (ut etiam bene animaduertit omnium bonorum præceptor Galenus) mel enim decoctum longe imbecillius purgat, lenit uentrem, & abstergit, quàm crudum faciat, scilicet, quoniam in decocto partes tenuiores, in quibus uis erat abstergendi sunt resolutæ: non ita tamen usu uenit in decoctis myrabalanis: eorum enim decoctum longe magis purgat, quàm infusio, ut experientia declarat, quicquid in contrarium dicatur à Mesue: Et ratio est, quoniam in myrabalanis hoc inest proprium, ut in suis partibus crassis, & terrestribus uis purgandi inueniatur, quæ comprimendo potius, quàm abstergendo, aut abluendo purgat: Ergo pars illa terrestris (ut dicebamus) non facile sola infusione exprimitur: sed decoctio quoque necessaria est, in qua decoctione non ita refert, si partes tenues per halitum discutiantur, & resoluantur, à quibus nullum usum nos expectamus: sed à crassis: Quod uero ait Mesue, decoctum myrabalanorum uim constringendi habere, & magis obstructionem facere, quàm infusio faciat, omnino uerum est: nam infusio ut dicebamus) non ita elicit partes terrestres: sed est quodammodo media inter abluentionem, & elixationem: cum hoc tamen non tollitur, quin decoctum magis soluat in ea enim ad stringendi qualitate, uel facultate uis est comprimendi exprimendiq; feces, & humores in uentriculo, & intestinis existentes: Hos scopos obseruantes: & naturam elixationis considerantes, non longe aberrabitis, ut sciatis quando medicinæ infundendæ, & quando elixandæ sint.

## De frictione medicamentorum.

**C**VM illud, quod frigitur, partim ipsum patiatur à calido, & siccò: qui est ignis exterius circa sartagine[m] existens: igitur enim sartago, & inde feruor ad rem frigendam accedit: partim reagat seru[er] factum in pingue, & humidum, in quo frigitur, quod attrahit ad seipsum ( ut benè determinauit Aristoteles quarto meteororum) si huius rei naturam diligenter inspexerimus facile uidebimus usum, & commoditatem medicinarum, quas frigere solemus: sæpe enim indigemus, uel humorem in medicina existentem, tanq[ua]m aqueum, parum per exiccare, si redundauerit, uel soluere, si coagulatus, uel attenuere, si crassior fuerit, ac præterea illi uim aliquam emplasticam, addere, uel doloris sedatiuam, uel maturatiuam, quam accipit à pingui attracto, in quo frigitur: Redundantem humorem exiccamus, cum parietariam in aliquo oleo, aut aliqua pinguedine frigimus, & pectini ad urinas ciendas apponimus, esset enim cruda apposita aquosior, & frigidior, quam oporteret, licet pinguedini admisceretur: Coagulatum uero dissoluimus, cum omentum, quod uulgò zirbum appellant, agni, uel hædi in oleo mediocriter frigimus, & ita uentri torminibus laboranti applicamus, si enim crudum apponeretur, non posset coagulata substantia exterius uentri illita ad commodum actum deduci: Crassum attenuamus, ut cum raphani radicem in tenuissima ramenta derasam in anserino adipe frigimus, & renibus calculo af-

## COMMENTARIUS DE

fectis apponimus: Est autem his omnibus commune, ut in frictione pingue ad se attrahant, à quo uim emplasti cam, & linitiuam acquirunt: & hoc commune, iisdē po- stea proprium efficitur, quo separantur ab elixatis, in- fusis, & reliquis: Refert autem non parum, ut frictio fiat cum lignis sine fumo, quæ à græcis ἀναπνεῖ appellan- tur, uel cum lignis fumum euaporantibus: à fumo enim uis acris acquiritur medicamento, quæ dolori sedando non parum incommodat: Propterea enitendum est, ut cum huiusmodi rebus fixis indigeamus, accensis carbo- nibus eas frigi iubeamus, nè fumus medicinam nostram aliquo modo uiolare possit.

### De torrefactione medicamentorum.

**Q**uatuor sunt termini à medico considerandi, quos attingere potest materia à calido, & sic- co combusta: Torrefactio; Aduſtio; Incine- ratio; Calcinatio: Torrefactio est combustio partium extrinsecarum cum aliqua præparatione, uel coctione humoris intrinseci, ut contingit in carnibus assatis: Aduſtio est consumptio ab igne facta in re cremabili, tam humoris extrinseci, quam intrinseci relicta tantum par- te humoris continuante portiones aduſtas, ut apparet in carbonibus: Incineratio est omnino arefactio rei cre- mabilis ab igne facta, nullo relicto humore continuan- te, ut uidemus in cinere: Calcinatio est perfecta uictoria ignis adurentis in materia terrestri non cremabili cū arefactione totius humoris aquei continuantis, loco cuius

*ius, inclusis remansit in partibus terrestribus spiritus partim igneus, partim aereus, faciens ad aliquam partem calcinatarum continuationem, ut apparet in lapidibus calcinatis, & quibusdam metallis, et ostracorum generibus, de quibus loquemur: Primum igitur de torrefactione dicemus, post ea de reliquis: torrefacimus medicinas, uel cum sit contritioni rebelles, ut torrefactæ postea facile conterantur, et cum aliis commisceamur: Et sic confecturi Diamoschum, uel aliquam medicinam cordialem, quam sericum ingrediatur, sericum prius in olla clausam torrefacimus, ut, scilicet, conteri possit: obseruando ne comburatur, sed torrefiat tantum: combustum enim uires à nobis quasitas amitteret: Vel torrefacimus, ut humorem aliquem, uel flatum inutilem à reassata exhalare faciamus ut quando ad caput refocilandum, torrefieri iubemus auellanas, & ita tradimus comedendas: non torrefactæ enim flatuoso spiritu plene sunt, quo capitis uasa replentes dolorem excitant: Torrefacimus etiam, quando aliquam medicinam ad usum totius anni seruare uolumus, quæ non torrefacta putresceret, & sic omnia animalia ad usum medicinæ seruanda torrefacimus, ubi sale macerata sint nocitura, uel alia arte confecta: Et sic ranas in olla torrefacimus, quibus postea contritis utamur ad sanguinis fluxum compescendum: & similiter cicadas, quæ ad urinam prouocandas efficacissimæ sunt: Saliri enim ad hos usus non possunt, nec fluxui compescendo, nec urinæ prouocandæ idoneæ, cauereq; omnino debent, qui talia torrefaciunt, ne adurant: adusta enim inutilia reddentur.*



# COMMENTARIUS DE

Nos uero duo precipua commoda ex eorum torrefac-  
 ctione querimus: alterum, ut exiccato putrescibili hu-  
 more diu conseruentur: alterum, ut etiam terendo red-  
 dantur habilia: Quandoque torrefacimus medicinas, in  
 quibus duæ diuersæ substantiæ sint, tenuis, inquã, ignea,  
 mundificans, & abstergens, & crassa terrea, adstrin-  
 gens, & constipans, ut esse uidemus in rhabarbaro, &  
 myrobalanis: Cum ergo indigeamus substantia tantum  
 adstringente, tenuis uero abstergens sit nocitura, has  
 medicinas torrefacere solemus, ut ex tali torrefactione  
 exhalent partes tenues, & crassæ, terrestresq;  
 permaneant: Et ita ad fluores alui coer-  
 cendos rhabarbarum, & myroba-  
 lanos torrefacere solemus,  
 & contritos ex ali-  
 quo congruo li-  
 quore po-  
 tandos  
 dare.

Montanus reliqua neglexit.

acidoze



*Handwritten notes and signatures in cursive script, including "N. P. P." and other illegible markings.*